

Him Yaaim Me Krai Luk Kewisim Mau Tiwei

Menmen mekre tiwei ik

Him me nikerek Jon ketike Jisas 1:5–2:52
Jon Baptais katip mit him me God 3:1-20
Jon kikir Jisas keriuwe tipar 3:21-38
Seten kakri han ke Jisas 4:1-13
Jisas katip him yaaim keit Galili 4:14–9:50
Jisas ken Jerusalem katip him yaaim 9:51–21:38
Mit newenkek Jisas kaa 22:1–23:56
Jisas pike kekrit mit nirek 24:1-49
Jisas pike ken wit Heven 24:50-53

Luk kewis him im men mitik Tiofilas

1 ¹Kai yinak Tiofilas. Mit yapirwe hir nepei newis menmen kerek epei man metin ke ninin ke haiu mit, kerek haiu misesim. ²Hir newis menmen kerek mit nipaa ninin epei nir menmen im newepyapirem hir netpaiyem. ³Mitik iuwe, hi Luk hi hertei werek menmen yapirwe epei mekrit man ere in. Te hi han kitet hiram yaaim hi hewisut tiwei ik ek hetput menmen werek werek epei man. ⁴Hi hiriakem te ti ertei menmen werek werek kerek nipaa hir mit epei netpiyem.

Ensel ke God katip Sekaraia hirak kakine nikan niuk mirak Jon

⁵Nipaa me wi mitik King Herot hirak kire mitik iuwe naanmipre mit ne provins Judia, mitik pris niuk mirak Sekaraia kepu. Hirak ke weiwik me pris niuk mir Abaisa. Hirak mite pirak niuk mire Ilisabet, hire pe weiwik ham me pris han. Hir nepenyerer ne maam nipu kiutip Eron. ⁶Hirak ketikerep nau werek werek nises God. Hir nises him me Mitik Iuwe God werek werek nipaa hirak kewet Moses em. ⁷Hir ap nine nikerek

^a 1:1 Ap 1:1 ^b 1:2 Jo 15:27 ^c 1:5 1Kro 24:10

nei au nentar Ilisabet hire enu tenmin (o rumaa). Hire wetike Sekaraia epei enun ne mit. ⁸Wi ham Sekaraia wen kiriak menmen kire mitik pris keit winak ke God. Hirak weiwik mirak hiram wi mir te hir nanwensi kuri nanwet God em. ⁹Hirak kiriakem kentar hir nises menmen nipaa mit pris netpim hir neretit satu God kehimitanek hirak kakno kakikre winak iuwe ke God hirak kaktene si keiyim kakisi kuri tiwei mamintar kinaan newenipi God neriuwerem. Hirak ken en kesi kuri tiwei. ¹⁰Hirak kesi kuri tiwei, mit yapirwe ne Isrel nererik nau wit eik nitehi God menmen. ¹¹Hirak keit nimin en, mitik ensel keke wit ke Mitik Iuwe God kan kerp kenke ken his yaaim me kinaan kerek Sekaraia kewis menmen minin mire kuri tiwei hiram miwaai menterim. Hirak kewepyapir hirekes te Sekaraia kirek. ¹²Mitik Sekaraia kirek, hirak han kepirpir hirak kinaain, ¹³te mitik ensel ketpiwek kar ik: “Sekaraia, ti ap hinapen au emit! God kemptau menmen ti epei hitiwekhiyem, te mite pit Ilisabet tewen wawine nikan hirak kei. Yi yaiwisiwek niuk mirak Jon. ¹⁴Ti etike mite pit han yaaik eiyu. Mit yapirwe nanirek hir han yaaik nanintar miye hire winaak. ¹⁵Hirak maain God han kitet hirak kakre mitik iuwe kakinin mit han nisesik. Hirak ap te kakim tipar wain o tipar si enum au emit! Me wi miye winaak wen au, God Himin Yaaik kaku kakikre han kirak kakneisesik. ¹⁶Hirak te kakikaap mit yapirwe ne Isrel nanweikin sip nanwet menmen enum hir pike nanises him me God kir. ¹⁷Hirak kakinin mitik iuwe kakno kakrer wit wit kaktip him me God kakriuwe menmen iuwe kakri han ke mit kakir nipaa mitik Ilaija ketpim. Hirak kakikaap haairer nantike nikerek nir nanu han kiutip. Hirak kakweikin mit enun nises menmen enum te hir pike nanises menmen mit yaain nisesim. Hirak kakikaap mit nanises mitik iuwe, hir nanu naanmeriyiwek hirak kaknen kaktorhis.”

¹⁸Mitik ensel katip epei au, mitik Sekaraia kitiwekhi kar ik: “Harkeik te hi ertei menmen im ti hetpewem hiram werek? Hi epei enuk he mitik te mite pai hire epei enu we mite.” ¹⁹Hirak ensel kewenhi ketpiwek, “Hi ensel Gebriel hi herp ninaan me God hiriak menmen mirak. Hirak keriuweta hi han hetput him yaaim im e. ²⁰In ek ti ap atip him mei taau ere wi menmen mamnen hi epei hetputem hentar ti ap han kitet him mai. Ti ap atip him mei ere wi me menmen im God kehimitanem hiram mamnen.”

²¹Ensel ketpiwek menmen, mit wen nemerir Sekaraia keit nimin en hir nanirtei kenmak te hirak kepeit winak iuwe ke God. ²²Sekaraia ketpaan kan, hirak ap ketpor, te hir nertei hirak epei kepu kityak kir menmen keit winak nimin en. Hirak ap kaktip him mei miutip te hirak kewir his

^d 1:9 Eks 30:7 ^e 1:15 Nam 6:3 ^f 1:17 Mt 17:11-13; Mal 3:1, 4:5-6 ^g 1:18 Jen 18:11

^h 1:19 Dan 8:16, 9:21; Hi 1:14 ⁱ 1:20 Lu 1:45

ketpor keriuwerem. ²³Wi hirak kiriak menmen kekre winak ke God epei au, mitik Sekaraia pike ken winak kirak.

²⁴Maain wi ham mite pirak Ilisabet wetu, te hire ap winaiwir winak wenke hispinak (5) ere hire tu iuwe miyapir nertei hire wetu. Hire watip, ²⁵“In ek Mitik luwe God kekepa mar im. Hirak epei kepir menmen kenipa yink enuk me ninaan me mit miyapir hentar nipaa hi hine nikerek au.”

Ensel ke God katip mite Maria maain hire wawine Jisas

²⁶Me wenke kar hispinak kiutip (6) mite Ilisabet wepitu, God keriuwet ensel Gebriel ken wit niuk mirak Nasaret keit provins Galili. ²⁷Hirak kaktip mite nihan niuk mire Maria. Haai kire kehimitenep wautike mitik niuk mirak Josep, hirak nepenyek ke maam nipu kir Devit. ²⁸Ensel ke God kan kirep ketpiwe kar ik: “Ti han yaaik ehu. Han yaaik ke God kau ketikewit. Hirak God ketikewit kakrekuyut yaaim.” ²⁹Mite Maria wemtau him im kerek ensel ketpim te hire han kekrit han kitet war ik: “Kenmak hirak ketpo kar ik?” ³⁰Te ensel ketpiwe, “Ti ap enapen Maria. God han yaaik keriuwit kakrekuyut yaaim im e. ³¹Maain ti ehitu te ti eine nikan, ti ewis niuk mirak Jisas.

³²“Hirak kakre Mitik luwe mit naninewek Nikan ke God hirak Mitik luwe. God kakriakek kakre Mitik luwe naanmamre mit kakre nipaa maam kirak Devit. ³³Hirak naanmamre mit ne Isrel kerek hir nepenyerer ne mitik Jekop kerek nipaa enum eik hirak kepu. Hirak naanmamre mit hirak kaku kakit tipmain tipmain enum eik. Menmen mirak ap te mamesi taau.”

³⁴Mite Maria watip ensel ke God war ik: “Hi ap hiwaai hetike mitik hak au. Mamirkeik te hi ahitu?”

³⁵“Ensel ke God kewenep ketpiwe,

“God Himin Yaaik kaknen kaku kakinterit kakriuwe menmen iuwe me God. Mit nankinaak hirak Nikan yaaik ke God nanintar God Himin Yaaik kewis nikan yaaik ik kekre tu kit maain ti ainaak.

³⁶“Ti han kitet menmen God kiriak wekeni pit Ilisabet em. Mit nipaa natip hire enu tenmin (o rumaa) ap te wawine nikerek au. Te hire hirehes weriuwet wenke hispinak kiutip (6) hire nikan kewiye. Te hire epei we mite. ³⁷Ap te menmen mei miutip te God ap kakriakem taau.”

³⁸Maria watip, “Hi hire mite hanhan hises menmen God hanhan kakriakem, te menmen mamnen mamir ke ti epei hetpim.” Hire watip epei au, Ensel ke God kinaiwirep ken.

Maria wen wir Ilisabet wetikerep nau en

³⁹Ensel ke God kinaiwirep, wi ham kike Maria wemani menmen wekrit waswas wen wit menep miniu (o neiyip) yapirwe me provins

^j 1:25 Jen 30:23 ^k 1:27 Mt 1:16, 18; Lu 2:5 ^l 1:31 Ais 7:14; Mt 1:21-23 ^m 1:32 Ais 9:7; 2Sml 7:12, 13, 16; Dan 7:14; Mai 4:7 ⁿ 1:35 Mt 1:20 ^o 1:37 Jen 18:14

Judia. ⁴⁰Hire wen winak ke mitik Sekaraia, hire watip Ilisabet, “Ti yaaip.” ⁴¹^PIlisabet wemtau Maria watip hire yaaip te nikan kekre tu kehin kekrerep. God Himin Yaaik kau kekre han ke Ilisabet keneisesye, ⁴²^Qte hire watip weriuwe him iuwe, “God kakrekryut ti han yaaik ehinin miyapir han. God kakriak yaaim ke nikan ti ehinaak. ⁴³Hi mite weiniye te hi han yaaik menmen iuwe im man hi, te Mitik Iuwe God miye pirak wan wira. ⁴⁴Hi hemtau him mit epei au, te nikan kekre tu kai han yaaik kehin. ⁴⁵^Ti han yaaik iuwe hentar ti hises him kerek God ketpim. Maain God kakriak menmen hirak nipaa ketputem.”

Maria wine henye wentar hire han yaaik weriuwe God

⁴⁶^SMaria watip,

“Hi han kai yaaik ewenipi niuk me Mitik Iuwe God. ⁴⁷Hi han yaaik hentar maain God kakikepa kaktauhish. Hi mite hiriak menmen mirak hi enu weiniye, ⁴⁸^Te hirak hanhan keriuwa. Te in ek ere maain mit yapirwe nantip God kerekya hi han yaaik iuwe, ⁴⁹hentar menmen iuwe hirak kerekrywem. Niuk mirak yaaim iuwe. ⁵⁰^UHirak hanhan keriuwe mit kerek hir nisesik newenipiyek, me mit nipaa ein nepu ere in. ⁵¹^VHirak kiriak menmen keriuwe menmen mirak iuwe, hirak keiyim kepir mit kerek enun hanhan hiras niriak menmen mir enum hir nen. ⁵²^WHirak kepir mit iuwe naanmipre mit, hirak kewisi hir nau weinim, te hirak kewis mit weinin hir nire iuwe. ⁵³^XHirak epei kewet mit enun nau weinim ninpi maan kewetir menmen wisenum ere tu iuwe, te hirak keriuwet mit netenen menmen yapirwe ne his nen. ⁵⁴^YHirak kises him kerek nipaa katip maamrer niau yem. Hirak kan kakikaap mit nirak ne wit Isrel. ⁵⁵^ZHirak han kitet keriuwe Ebrahim nipaa kau ti ketike nepenyerer in ek nepu ti. Hirak kerekryor yaaim tipmain tipmain enum eik, kar ke nipaa hirak ketpim.”

⁵⁶Hire watip menmen im epei au, mite Maria wau wetike Ilisabet ere wenke wikak. Maain wenke wikak epei man men, hire pike wen wit kire eik.

Ilisabet wine nikan Jon

⁵⁷Wi epei man te mite Ilisabet weteiknen, hire wine nikan. ⁵⁸Mit nire nau menep netikerep hir netike paaprer nire nemtau God kerekryuwe yaaim hire wine nikan te hir nan nirep han yaaik netikerep. ⁵⁹^AMaain

^P 1:41 Lu 1:15 ^Q 1:42 Diu 28:4 ^R 1:45 Lu 1:20 ^S 1:46 1Sml 2:1-10 ^T 1:48 Lu 1:25, 11:27 ^U 1:50 Sam 103:13, 17 ^V 1:51 2Sml 22:28 ^W 1:52 Jop 12:19, 5:11; Sam 147:6
^X 1:53 1Sml 2:5; Sam 34:10, 107:9 ^Y 1:54 Ais 41:8; Sam 98:3 ^Z 1:55 Mai 7:20; Jen 17:7, 18:18, 22:17 ^A 1:59 Jen 17:12; Lev 12:3; Lu 2:21

nikan kire kepu wi hispinak wikak (8), hir nerekir yink kirak, hir nanwis niuk mirak Sekaraia kakrerir haai kirak. ⁶⁰Te miye pirak watip, “Au, hi ewis niuk mirak Jon.” ⁶¹Te hir netpiwe, “Ap te paap o tete o keimin niuk mirak mar em te ti ewisik kakrerim taau!” ⁶²Te hir natip nitehi haai kirak neriuwe his main main, “Ti ewis niuk me nikan ik ek kakrar keimin?” ⁶³Hirak Sekaraia kitorhi nanwetiwek tiwei te kakwis niuk mamwik. Hir newetiwekem te hirak kewis menmen im mewim: “Niuk mirak Jon.” ⁶⁴Hir wen han kekrit natip me menmen im, Sekaraia han kewep katip kewenipi niuk me God. ⁶⁵Te mit netikerek nau menep hir nepirpir te him me menmen im men merer wit wit meit miniu (o neiyip) me Judia. ⁶⁶Te neimin kerek nemtewem hir han kitetim nitehiyan, “Te nikan ik e maain kakriak mekam?” Mit nertei God kau ketikerek kewetiwek menmen mirak iuwe.

Him Sekaraia katip ke menmen maain mamnen

⁶⁷Jon haai kirak Sekaraia God kewis Himin kirak yaaik kekre han kirak te hirak katip menmen maain mamnen. ⁶⁸Hirak katip kar ik: “Hiau emriak menmen emwenipi niuk me Mitik Iuwe God ke Isrel. Hirak epei kan kakikepai hiau mit nirak hiau mamnaaiwir menmen enum hirak kaktaihis. ⁶⁹Hirak God kewetei Mitik Iuwe manpenuk kakikepai te kaktaihis, hirak ke weiwik me Devit hirak mitik kiriak menmen me God. ⁷⁰Hirak keweteiyek kar ke nipaa enum eik hirak katip mit nirak profet menmen hir newisim mau tiwei newepyapir maamrer nai yem. Hiram matip menmen im. ⁷¹God katip hirak kakikepai kaktaihis mamkeipin mit enun nepan hir han enuk ninaain hiau mit. ⁷²Nipaa hirak katip maamrer nai hirak maain kakrekyei yaaim kakises him nipaa hirak ketpim. ⁷³⁻⁷⁴Nipaa hirak ketike maam kiau Ebrahim hirakit tekiyakit tau teit, God ketpiwek hirak kakikaap nepenyerer nirak. In ek hirak kakises menmen nipaa hirak ketpim, hirak kenipai hiau mit in e mamkeipin mit nepan niau te hiau ap minaaain au. Hiau emisesik mamriak menmen mirak. ⁷⁵Me wi yapirwe hiau mau ti ik, hirak kehimitenei hiau yaain prar prar.” ⁷⁶Sekaraia epei ketpor, hirak kemunaan katip nikan kirak kar ik: “Maain mit nantip ti mitik profet kerek ewepyapir him me God iuwe kinin menmen yapirwe. Ti kerekek ehinin eno etip mit eninaaiwir menmen enum emit enmerir Mitik Iuwe kaknen. ⁷⁷Ti tewen atip hiau mit nirak ne Isrel hirak kakisak menmen enum hiau

^b 1:60 Lu 1:13 ^c 1:68 Sam 41:13, 72:18, 106:48; Lu 7:16 ^d 1:69 Sam 18:2 ^e 1:71 Sam 106:10 ^f 1:72 Jen 17:7; Lev 26:42; Sam 105:8-9, 106:45 ^g 1:73 Jen 22:16-17; Mai 7:20

^h 1:75 Ta 2:12-14 ⁱ 1:76 Ais 40:3; Mal 3:1; Mt 3:3 ^j 1:77 Jer 31:34

miriakem hirak kaktaihis. ⁷⁸^kGod kiriak menmen im kentar hirak yaaik hanhan keriuwai haiu mit. ⁷⁹^lMitik Iuwe kirak hirak kire wepni kewep kan kir krusai haiu mit ne ti ik te hirak kaknaaiwir wit ke God kaknen kaktip haiu mit han kaiu enuk toto metari him me God kakitpai him mirak yaaim. Haiu mau enum minaain mami te hirak kaknen kakteiknai yayiwe kirak yaaik te haiu mamu werek werek.”

⁸⁰^mMaain nikan Jon kiniu kire iuwe, han kirak tokik ap te kinapen mit au. Hirak kepu wit weinik mit newi au ere maain wi hirak kewepyapir hirekes katip mit ne wit Isrel him me God.

Maria wine Jisas

(Mt 1:18-25)

2 ¹Me wi keremem Ilisabet wine Jon, mitik iuwe Sisa Ogastas kesiuwe him men katip mit miyapir nerer wit wit gavman ne Rom naanmipror hir eninen enwis niuk mir emu tiwei. ²Me wi im mit newisor niuk mir mau tiwei, mitik iuwe Sairinias hirak kire mitik iuwe gavman naanmipre mit ne provins Siria. ³Hir mit yapirwe niutip niutip pike nen wit kir kerek nipaa maamrer nir ninin newiyen te hir enwis niuk mir mau tiwei emit. ⁴Mitik Josep kinaaiwir wit Nasaret keit provins Galili hirak ken provins Judia keit wit niuk mirak Betlehem kerek nipaa mitik iuwe Devit miye pirak winaak keitai en. Josep ken en kentar hirak hirekes nepenyek kei ke Devit. ⁵ⁿHirak ken kakwis niuk mirak mamtike niuk me mite pirak Maria kerek nipaa hir epei nehimitan te hir nanitan. Hire epei nikan kekrerep. ⁶⁻⁷Hir neit wit Betlehem, wi epei man te hire weteiknen wawine nikan. Hire wine nikan kire iuwe mitik, hire weit laplap weiyim weweiknenik wewisik kekre tikenup iuwe kerek hir newet bulmakau menmen mekrerek. Hir newisik kekrerek nentar winak pasenda kerek mit nererik niwaairi en nipaa mit yapirwe nipwaairi nererim te yeno meiyam ap weinim meit au. Mit niwaai rem nererim nenemtin te hir nen niwaai weisaak ke bulmakau, hire wine nikan weitai.

Ensel hir natip mit naanmipre sipsip me mite wine nikan

⁸Menep wit ik kerek mite Maria wine nikan, mit han neit ni naanmipre sipsip ne witaan. ⁹Hir naanmipre sipsip ne witaan, ensel kiutip ke Mitik Iuwe kewepyapir hirekes menmen iuwe me God merhihe miriusor te hir ninaain nepirpir iuwe. ¹⁰Hir nepirpir iuwe, ensel ketpor kar ik: “Yi ap einaain au emit! Hi epei han etpi him yaaim mamnip mit nerer wit wit han yaaik nanu. ¹¹Me witaan ik ek mite wine nikan weit wit ke

^k 1:78 Ais 60:1-2 ^l 1:79 Ais 9:2, 58:8; Mt 4:16 ^m 1:80 Lu 2:40; Mt 3:1 ⁿ 2:5 Lu 1:27

Devit niuk mirak Betlehem. Hirak mitik God kehimitanek hirak Mitik Luwe kakikaap mit kaktorhis. ¹²Menmen im hi hetpiyem mamteikni hi hemitipin au. Yi yayir nikan miye wenke laplap weweiknenik keriuwerem kiwaai wewisik kekre tikenup ke bulmakau naam menmen mekrerek, hirak kiwaairi.” ¹³Wasenum ensel nire yapirwe ne wit ke God hir newepyapir hiras nerp netike ensel, hir nine henye newenipi niuk me God natip him im:

¹⁴ ^o“Haisu hanhan yi mit eiwenipi niuk me God. Yi mit miyapir yau ti yi eikiyan eiyu eiyit eiyintar God han yaaik keriuwi.”

Mit naanmipre sipsip nen nir Jisas

¹⁵Ensel nine henye epei au, hir nen nekeipnor pike nen wit ke God, te mit kerek naanmipre sipsip en natipan, “Sis, haisu emno wit Betlehem emir menmen epei man, kerek Mitik Luwe God ketpaiyem.” ¹⁶Te hir nesiukin nen ninapin Maria wetike Josep, hir nir nikan kiwaai kekre tikenup. ¹⁷^pMit kerek naanmipre sipsip hir nirek epei au, hir netpor menmen ensel epei nan netporem me nikan ik e. ¹⁸Mit yapirwe kerek nemtau him mit naanmipre sipsip netporem, hir han kitet menmen im epei man. ¹⁹^qMaria han kaa menmen au. Hire wewisim mekre han kire, hekrit hekrit hire han kitetim. ²⁰Mit naanmipre sipsip pike nen nir ein newenipi God natip hirak yaaik iuwe nentar menmen ensel netporem metike menmen hir nirem hiram mar ke ensel epei netporem.

Hir newis niuk me Jisas

²¹^rWi hispinak wikak (8) epei man te Maria wine nikan, te hir neiyik nen nerekir yink kirak. Hir newis niuk mirak Jisas. Niuk im Ensel katip Maria em nipaa hire ap wepitu wen au.

Simion ketike Ana nir Jisas keit winak iuwe ke God

²²^sMaain wi epei man te him me Moses Mau tiwei matip mite waukir te God kaktip hire yaaip. Me wi im Maria wetike Josep ninan Jisas neiyik nen wit Jerusalem newet God ek. ²³^tHir nen Jerusalem newet God ek nentar him nipaa God kewet Moses hirak kewisim mau tiwei matip mar im: “Nikerek hirakit iuwe mitikit miyapir ninakit hir mit nehimitanet hirakit te God.” ²⁴^uHir nen newet mitik pris menmen kakwet God em nises him God kewet Moses em kewisim mau tiwei matip mit enwet God hore nimanp wik o tapi wik wen tipniu. ²⁵^vMitik kiutip kau Jerusalem niuk mirak Simion. Hirak mitik yaaik kises God werek werek. Hirak kemerir Mitik God kehimitanek kaknen kakikaap mit ne Isrel. God

^o 2:14 Lu 19:38 ^p 2:17 Lu 2:10-12 ^q 2:19 Lu 2:51 ^r 2:21 Lu 1:31, 59 ^s 2:22 Lev 12:1-8
^t 2:23 Eks 13:2, 12, 15 ^u 2:24 Lev 12:8 ^v 2:25 Ais 40:1, 49:13

Himin Yaaik kau ketikerek. ²⁶Hirak keteikniwek ap te kaki ere hirak kakir Mitik Iuwe Kraisk kerek God kehimitanek kaknen kakikaap mit. ²⁷God Himin Yaaik kikiak han kirak te hirak ken winak iuwe kerek mit nererik newenipi niuk me God. Maain miye haai ne nikan Jisas neiyik nen winak iuwe ke God eik e nanwet God menmen him me Moses mau tiwei metpim. ²⁸Simion kir nikan kir hirak kinanek kewenipi God katip kar ik:

²⁹“In ek Mitik Iuwe God ti epei hises him nipaa ti epei hetpewem, te ti ewisa hi mitik hi hiriak menmen mit, hi han yaaik hahi. ³⁰”Hi han yaaik hahi ehintar hi epei hir Mitik ti hehimitanek hirak kakikaap haiu mit ne Isrel. ³¹Ti epei hiriak menmen im merp nimin me mit miyapir yapirwe nerer wit wit. ³²”Hirak kakre wepni (o yanm) kir kakteikin mit yayiwe, hirakkakteikin mit miyapir ap ne weiwik me Isrel amirkeim te hir enises him me God. Hirak Mitik Iuwe kakinin naanmampre haiu mit ne Isrel, te mit miyapir nerer wit wit hir nantip nanir ik: ‘God epei kiriak menmen yaaim.’”

³³Josep ketike Jisas miye pirak hir nemtau menmen Simion katip me nikan te hir nepirpir han kitetim. ³⁴”Hir nepirpir, Simion kitehi God kakrekpor yaaim katip Maria miye pe Jisas kar ik:

“God kehimitan Nikan ik e kaknip mit han yapirwe ne Isrel naniwaank nanit. Mit han yapirwe au, God kaktorhis nanu werek. Hirak kire Mitik God kakteikin mit han kirak keriuwerek te mit yapirwe hir nantikerek naninehan nanweikin sip nanwetiwiek. ³⁵Te hirak kakwepyapir menmen mit han kitetim. Maain menmen enum mamir ke mit newir yipo nenep mitik, mit nanrekyiwiek enum mamrekir han kit te mamwetit han enuk.”

³⁶Mite piutip niuk mire Ana hire wepu en. Hire mite profet hire wewepyapir him me God. Hire niki pe mitik Fanyuel, hirak ke weiwik me maam nipu kirak Asa. Hire we mite enu, hire wepu wetike mitik kire tito mar hispinak wik (7). ³⁷”Maain tito mar hispinak wik (7) epei au, hirak kaa te nipaa ere in 84 tito epei men, hire wepu weiniye. Witaan wanewik hire wewenipi niuk me God, hire wepu menep winak iuwe ke God winaiwirek au. Me wi ham hire ninpi maau wepu, hire watip God menmen. ³⁸”Josep ketike Jisas miye Maria hir wen nepu winak iuwe ke God newet God menmen, mite ip e wan wewenipi niuk me God wepir ke Simion kewenipiyek. Hire watip mit neit Jerusalem kerek hir nemeriyiwiek kaknen kakikaap mit ne Isrel hire wetpor me nikan ik e.

^w 2:30 Ais 52:10; Lu 3:6; Ta 2:11 ^x 2:32 Ais 42:6, 49:6 ^y 2:34 Ais 8:14; Mt 21:42-44; 1Ko 1:23; 1Pi 2:8 ^z 2:37 1Ti 5:5 ^a 2:38 Ais 52:9

Josep ketike Maria neithis Jisas pike nen wit Nasaret

³⁹^bHir niriak menmen him me Moses matip hir nanisesim epei au, hir pike nen provins Galili hir nau wit kir Nasaret. ⁴⁰^cNikan kiniu kire iuwe hirak manpenuk kepu hirak kertei menmen werek werek wisenum God kerekyiwek yaaim.

Nikan Jisas kepu winak iuwe ke God keit wit Jerusalem kitehi mit iuwe menmen.

⁴¹^dTito miutip miutip miye haai ne Jisas nen wit Jerusalem me wi Pasova kerek mit ne Isrel nererik naam menmen han tewenin wi God kenep mit ne Isip te hir au, hirak keriyei ninaaiwir Isip. ⁴²Maain Jisas hirak 12 tito epei au, hirak ketike miye haai nen Jerusalem nises menmen me wi Pasova mar ke nipaa hir niriakem. ⁴³^eWi me Pasova epei au, hir pike nanino, te Jisas wen kepeit wit Jerusalem. Te Josep ketike Jisas miye pirak au netariyek. ⁴⁴Hir han kitet hirak epei kinin ken ketike mit nir han te hir nen ere witaan. Witaan, hir ninetniwek nitet mit nir ne wit eik o paaprer nirak te hir ap ninapinek au. ⁴⁵Te hir pike nen Jerusalem nen ninetniwek neit en. ⁴⁶Jisas hirak kepeit wit Jerusalem ere wi wikak, hir ninapinek keit winak iuwe ke God kau ketike mit iuwe nertei him me Moses natip mit miyapir em. Hirak kemtau him mir hirak kitorhi menmen. ⁴⁷Hir mit kerek nemtau menmen hirak kewenhiyem kerteiyem hir han kekrit natip hirak nikan kertei iuwe. ⁴⁸Miye haai nirak nirek, hir han kekrit. Te miye pirak witiwekhi war ik: “Nikan kai, ti henmak te ti herekyawir menmen mar im: Haai kit ketikewa hawir winwetnut wikit. Hawir wikit ere hawir winepni.” ⁴⁹^fHirak kewenhi ketpor kar ik: “Yi yenmak te yi yinyetno? Yi yepitari hi ehises menmen me Haai kai heit winak kirak au a?” ⁵⁰Hir ap nertei mekam hirak katip hiram me Haai kirak God. ⁵¹^gHirak ketpor epei au, hirak ketikeri nen wit Nasaret, hirak kises him mir. Te miye pirak wemi han him mirak mekre han kire. ⁵²^hMaain Jisas kire iuwe hirak manpenuk enuk keit hirak kertei wisenum. God ketike mit nau ti hir han yaaik neriuwerek.

Mitik Jon Baptais kerek kikir mit hirak katip mit miyapir him me God (Mt 3:1-12; Mk 1:2-8; Jo 1:19-28)

3 ¹Tito hiswiyen hispinak (15) epei men me Taibirias Sisa hirak kerekek naanmipre mit nau ti ik. Me wi im mitik iuwe Pontias Pailat naanmipre mit ne provins Judia, mitik iuwe King Herot naanmipre mit nau provins Galili. Nikik kirak Filip naanmipre mit nau provins wik

^b 2:39 Mt 2:23 ^c 2:40 Lu 1:80, 2:52 ^d 2:41 Eks 12:24-27, 23:14-17; Diu 16:1-8

^e 2:43 Eks 12:18 ^f 2:49 Jo 2:16 ^g 2:51 Lu 2:19 ^h 2:52 1Sml 2:26; Pro 3:4; Lu 1:80

niuk mirakit Ituria ketike Trakonaitas. Mitik iuwe Laisenias naanmipre Abilini. ² Mitik Anas ketike Kaiapas hirakit wik naanmipre mit pris han neit winak iuwe ke God keit Jerusalem. Me wi im em Sekaraia nikan kirak Jon keit wit weinik mit ap newi. Me wi im God ketpiwek kewetiwek him mirak. ³ Epei au Jon ken kerer wit wit menep mani Jodan. Hirak kewepyapir him katip mit enweikin sip enwet menmen enum te hirak kakikiri nanriuwe tipar te God kakisak menmen enum mir mamno. ⁴ Menmen im epei man mar nipaa mitik Aisaia hirak kewepyapir him me God hirak kewisim mau tiwei hiram matip mit neweikin sip newet menmen enum hiram mire mit newep yayiwe. Hiram matip mar ik:

“Mitik keit wit weinik mit ap newik hirak kinap katip, ‘Yi enetit yayiwe ke Mitik Iuwe yi eiriakek yaaik akirak te hirak kakisesim werek.

⁵ Yi eiwep ti mitit eiwir meri emwapin kerek kinatin keit ek ere ekirak. Yayiwe kerek keweikin yi eiriakem ere ekirak te yayiwe kerek keweikin o hei mekrerek, yi eiriakem ere emiram.

⁶ Mit miyapir nerer wit wit nanir mitik kerek God kehimitanek hirak kakikaap haiu mit kaktaihis.’ ”

⁷ Hir mit miyapir yapirwe nan nir Jon te hirak kakikiri. Hirak keneri ketpor, “Yi mit enun yire manpen o yenmik yi yewisesik. Keimin ketpi yi einen hi akiri te yi eirir einopin eikeipin menmen enum God kakriakem maain mamnen a? ⁸ Yi eiynin eiriak menmen te hiram mamteikin mit yi epei yeweikin sip yewet menmen enum nipaa yi yiriakem. Te yi ap yaitipan yayir ik: ‘Haiu mit in hirak Ebrahim hirak maam nipu kaiu, te haiu ap mamweikin sip mamwet menmen enum au. Haiu mire mit nirak, te maain God kaktaihis.’ Menmen im taau! Hi hetpi. God hirak kakweikin nan im kakriakem mamir ke nepenyerer ne Ebrahim mamikrehiri yi mit enun. ⁹ In ek hine ke yerepi epei kiwaai menep nu nekenpi te God kakremir nu ham kerek ap mine nikim yaaim, niman mamwen te mit nirak hir nanwirem mamikre si. Yi mit in yi yire nu ap mine nikim au!” ¹⁰ Hirak ketpor kar ik, mit yapirwe nitiwekhi, “Te haiu mamriak mekam te mamteikin haiu meweikin sip mewet menmen enum?” ¹¹ Jon hirak ketpor, “Keimin kerek naanmipre sak wik, hirak ektike keimin kerekek au, hirakit etwepim etwetakit. O keimin hirak ketenen menmen yapirwe ekwet keimin hirak menmen au rek.” ¹² Mit han kerek nari pewek me mit nanwet gavman em hir nan nir Jon te hirak kakiri te hir nitiwekhi, “Mitik tisa, haiu mamriak mekam?” ¹³ Hirak ketpor, “Yi eiwit pewek empar kerek mit ne gavman epei netpim. Yi ap eiyninem eiri meiyam au emit!” ¹⁴ Mit ne Ami nitiwekhi, “Haiu mamriak mekam?” Hirak ketpor,

¹ 3:2 Lu 1:80 ² 3:3 Ap 13:24; 19:4 ³ 3:4 Ais 40:3-5 ⁴ 3:6 Lu 2:30-31; Ta 2:11 ⁵ 3:7 Mt 12:34, 23:33 ⁶ 3:8 Jo 8:33, 39 ⁷ 3:9 Mt 7:19; Jo 15:6 ⁸ 3:12 Lu 7:29

“Yi ap einep mit eiri menmen mir au emit! Yi ap eisiuwe him weinim au emit! Yi han yaaik eiyu eiriuwe menmen mit iuwe newetiye.”

¹⁵Mit miyapir yapirwe han kekrit, te hir mit nitehi nekre han kir nar ik: “Jon hirak Mitik Iuwe krais kerek God kehimitanek kaknen kakikaap mit o au?” ¹⁶Te mitik Jon ketpor yapirwe, “Hi hikri heriuwe tipar kerem em. Te hirak mitik kerek wisenuk kinina maain kakikaru kaknen hirak yaaik kire Mitik Iuwe, hi au hire mitik weinik. Hi ap werek hiriak menmen mirak kiutip taau. Maain hirak kaknen hirak kakwis God Himin Yaaik kaku han ki kakre si hirak si tatim menmen enum mi ere yi yaain. ¹⁷Hirak kire mitik keses rais mekre sar. Hirak kesesim epei au, hirak kaktewewim hiram haas miram mamnopin hirak kakit rais kakwisim mamikre winak. Hirak kakwisim mamikre winak, hirak kakripep haas kakwirem mamikre si hiram mamirhihe ap te mami au.”

¹⁸Jon katip him ham me kakikiakyor han kir me wi hirak kewepyapir him yaaim me God.

Mitik iuwe King Herot kewis Jon kekre winak enuk

¹⁹Maain Jon katip kene mitik ke gavman King Herot kentar hirak keit Herodia, mite pe nikik kirak. Hirak kenerek kenterik ketike menmen ham enum hirak kiriakem. ²⁰Te Herot pike kiriak menmen enum. Hirak kewis Jon kekre winak enuk.

Jon kikir Jisas keriuwe tipar

(Mt 3:13-17; Mk 1:9-11)

²¹Herot kewis Jon kekre winak enuk wen au, Jon kikir mit miyapir yapirwe. Hirak kikir mit miyapir yapirwe epei au, Jisas kan te Jon kikir ketikeri. Hirak Jisas wen kitehi God menmen, te nepni hiremes mewep mire weipir. ²²Nepni hiremes mewep mire weipir, God Himin Yaaik keke nepni kan keweikin his kire hore tapi hirak kenterik. God katip him iuwe mekiuwe man matip mar im: “Ti Nikan kai yaaik. Hi han yaaik wisenuk heriuwit.”

Niuk me maamrer ne weiwik me Jisas

(Mt 1:1-17)

²³Me wi Jisas kekrit kiriak menmen mirak, hirak kepu tito mar 30. Mit miyapir han kitet Josep kine Jisas, te hirak au. God kerekek. Im em hiram niuk me maamrer ne weiwik mirak:

Hilai nipaa kine Josep.

²⁴Matat kine Hilai.

Livai kine Matat.

[¶] 3:16 Ap 13:25 [†] 3:19 Mt 14:3-4; Mk 6:17-18 [§] 3:22 Mt 17:5; Lu 9:35; Jo 1:32; 2Pi 1:17
[‡] 3:23 Lu 4:22; Jo 6:42

- Melkai kine Livai.
 Janai kine Melkai.
 Josep kine Janai.
 25 Matataias kine Josep.
 Emos kine Matataias.
 Neam kine Emos.
 Eslai kine Neam.
 Nagai kine Eslai.
 Meat kine Nagai.
 26 Matataias kine Meat.
 Semen kine Matataias.
 Josek kine Semen.
 Joda kine Josek.
 27 ^uJoanan kine Joda.
 Resa kine Joanan.
 Serababel kine Resa.
 Sialtiel kine Serababel.
 Nerai kine Sialtiel.
 28 Melkai kine Nerai.
 Edai kine Melkai.
 Kosam kine Edai.
 Elmadam kine Kosam.
 Ea kine Elmadam.
 29 Josua kine Ea.
 Jorim kine Josua.
 Eliesa kine Josua.
 Jorim kine Eliesa.
 Matat kine Jorim.
 Livai kine Matat.
 30 Simion kine Livai.
 Juda kine Simion.
 Josep kine Juda.
 Jonam kine Josep.
 Elaiakim kine Jonam.
 31 ^vMelia kine Elaiakim.
 Mena kine Melia.
 Matata kine Mena.
 Netan kine Matata.
 Devit kine Netan.
 32 ^wJesi kine Devit.

^u 3:27 1Kro 3:17, 19; Esr 3:2 ^v 3:31 2Sml 5:14 ^w 3:32 1Sml 16:1, 13; Rut 4:17-22

- Obet kine Jesi.
 Boas kine Obet.
 Salmon kine Boas.
 Nason kine Salmon.
 33 ^xAminadap kine Nason.
 Admin kine Aminadap.
 Anai kine Admin.
 Hesron kine Anai.
 Peres kine Hesron.
 Juda kine Peres.
 34 ^yJekop kine Juda.
 Aisak kine Jekop.
 Ebrahim kine Aisak.
 Tera kine Ebrahim.
 Neho kine Tera.
 35 Serak kine Neho.
 Riyu kine Serak.
 Pelek kine Riyu.
 Iba kine Pelek.
 Sila kine Iba.
 36 ^zKenan kine Sila.
 Afaksat kine Kenan.
 Sem kine Afaksat.
 Noa kine Sem.
 Lemek kine Noa.
 Metusala kine Lemek.
 37 Inok kine Metusala.
 Jeret kine Inok.
 Mahalalil kine Jerot.
 Kenan kine Mahalalil.
 38 ^aInos kine Kenan.
 Set kine Inos.
 Adam kine Set.
 God kerekek kime Adam.

Seten kari han ke Jisas
(Mt 4:1-11; Mk 1:12-13)

4 ¹God Himin Yaaik hirak kikiak Jisas han kirak te keneisesik hirak kinaaiwir mani Jodan. Hirak kerियाak ken yaank weinik mit ap newi. ^{2b}Hirak kepu en

^x 3:33 Jen 29:35 ^y 3:34 Jen 21:3, 25:26 ^z 3:36 Jen 11:10-26 ^a 3:38 Jen 4:25-5:32

^b 4:2 Hi 4:15

wi mar 40, Seten kari han kirak. Hirak ap kaam menmen mei kises wi kerek hirak kepu wit weinik ek au. Me wi yapirwe em, hirak ninpi maak. ³Hirak ninpi maak kepu en wi mar 40, te Seten ketpiwek kar ik: “Ti Nikan ke God te ti etip nan ik ekweikin ekre bret.”

⁴“Jisas ketpiwek, “Him me God mau tiwei matip, ‘Mitik kaku werek te hirak ap kakim menmen metike tipar weinim keremem au.’”

⁵Epei au Seten keriyaak keyik ken miniu (o neiyip) iuwe kau niu ein, waswas hirak keteikniwek ti kerer wit wit mit newiyen. ⁶^dHirak ketpiwek kar ik: “Hi awetut wit im yapirwe metike menmen mir iuwe ti naanmamrewem te ti ehiti niuk mit iuwe. Nipaa God kewetewem te hi han kai hi ewet mitik kerek hi hanhanek ewetiwekem. ⁷Ti ewen ninip hitehir ewenaunipi hi iuwe te hi ewetutem.” ⁸^e“Jisas pike ketpiwek kar ik: “Him me God mau tiwei matip haiu mit emwenipi God kaiu, hirak iuwe kerek ek, haiu emises menmen mirak. Han en au.”

⁹Hirak ketpiwek kar ek, Seten keriyaak keyik ken wit Jerusalem kewisik kentir winak siup ke winak iuwe ke God ketpiwek kar ik: “Ti Nikan ke God te ti ehitikir ehin eno ti eik. ¹⁰^fTi ap hahi au antar him me God mau tiwei matip,

‘God katip mit ensel nirak hir maain his mamprut.

¹¹Hir naninanit nanriuwe his mir te ti ap enkewin antar nan enamu hit mit ewenem mamniu nan taau.’”

¹²^gJisas ketpiwek kar ik: “Him me God mau tiwei matip: ‘Yi mit ap eiri han ke Mitik Iuwe ki God te kakikepi au ekit!’”

¹³^hSeten kari han ke Jisas keriuwe menmen ham ham epei au, hirak kisesim au, hirak kinaiwirek ere maain wi ham.

Jisas kinin kiriak menmen mirak keit provins Galili

(Mt 4:12-17; Mk 1:14-15)

¹⁴God Himin Yaaik kekre han kirak keneisesik kekepek te hirak pike ken provins Galili. Him me menmen Jisas kiriakem men merer wit wit in. ¹⁵Hirak katip mit miyapir him kekre winak kerek mit nau nererik nekine him me Moses, te hir newenipi niuk mirak natip hirak yaaik.

Mit neit wit Nasaret neweikin sip newet Jisas

(Mt 13:53-58; Mk 6:1-6)

¹⁶Maain Jisas kipiun wit Nasaret kerek nipaa hirak kewik ere iuwe. Me wi Sabat hirak ken kekre winak kir kerek hir nekine him me Moses en, hirak ken kar nipaa hirak kiriakem, hirak kekrit kekine him me

^c 4:4 Diu 8:3 ^d 4:6 Mt 28:18 ^e 4:8 Diu 6:13-14 ^f 4:10 Sam 91:11-12 ^g 4:12 Diu 6:16; 1Ko 10:9 ^h 4:13 Hi 2:18, 4:15

God. ¹⁷Mitik kewetiwek tiwei nipaa mitik Aisaia hirak profet kewisim, hirak kenke tiwei kinapin him hiram matip mar im:

¹⁸ ⁱ“Himin Yaaik ke Mitik Iuwe God kekre han kai kentar hirak kehimitenana hi ewepyapir him yaaim mamno mit enun nau weinim. Hirak keriuweta hi atip mit har ik: ‘Menmen meteneni te hi asiupeni.’ Hi akaap mit kerek nanamir toto te hir enir ein. Mit hir han enuk neriuwe menmen enum te hi arekyor han kir yaaik kakrihis me menmen im.

¹⁹ Hirak keriuweta te hi awepyapir him me tito im God kakriak mit menmen yaaim kakikepi.”

²⁰ Hirak kekinaam epei au, hirak keiyepet tiwei, hirak pike kewet mitik kerek naanmiprewem hirak pike kau yeno. Epei au, mit yapirwe nekre winak eik e hir nipirek.

²¹ Hir nipirek, hirak ketpor kar ik: “Petepin him mau tiwei yi yemtau hi ekinaam hiram epei mamnen.” ²² Hir yapirwe netpiwek nar ik: “Him im yaaim?” Te hir han kitet him yaaim hirak ketpim hir natipan nar ik: “Hirak nikan ke Josep kerek ek.”

²³ ^kHirak ketpor kar ik: “Hi hertei maain yi hanhan eiyitpo him im kerek nipaa mit netpim nar ik: ‘Mitik ti ahikaap mit hir ninap te ti ikaap hirekes. Menmen haiu memtau ti epei hiriakem meit wit Kapaneam ti eriakem in meit wit kit haiu mamirem.’” ²⁴ ^lHirak wen ketpor, “Hi hetpi werek. Mit ne wit ke mitik profet hir ap nemtau him mirak nanisesim au. ²⁵ ^mHi hetp werek. Nipaa enum eik miyapir yapirwe neit Isrel mikan nir naa hir nepu weinim. Me wi im Ilaija kitehi God keiyepet hawi keit menep ere tito wikak wenke hispinak kiutip (6) te menmen ap mewe mau ni au. ²⁶ ⁿGod ap keriuwet Ilaija ken kikaap miyapir ne Isrel kerek mikan nir naa ek au. Hirak keriuwetek ken kikaap mite kereperek kerek mitik kire kaa ek, hire weit wit Sarefat ke wit iuwe Saidon. Hire ap pe weiwik me Isrel au. ²⁷ ^oNipaa enum eik me wi mitik profet hak niuk mirak Ilaisa kau ti, mit yapirwe ne Isrel lepro mawi, te hirak ap kekepi hir nire yaain au. Hirak kikaap mitik Neman ke wit Siria kerekek, ap ke weiwik me Isrel. Yi yire mit nipaa nepu en, neweikin sip newet mitik kir Ilaija. In ek yi yeweikin sip yeweto, te hi anaiwiri.”

²⁸ Mit yapirwe hir neit winak eik e nemtau him im hir han enuk neriuwerek wisenuk nentar hir nertei hirak keneri keriuwe him im.

²⁹ Hir nekrit neiyik nen nepirek kenpin me wit. Hir neriyaak neiyik nen miniu kerek wit kir kiwaairi, te hir nanwirek kakinkewin kaki. ³⁰ Au, God kenipi han kir toenuk te hirak keke ti kewepi nimin ken kinaiwiri ken.

ⁱ 4:18 Ais 61:1-2, 58:6 ^j 4:22 Lu 3:23; Jo 6:42 ^k 4:23 Mt 4:13; Jo 2:12 ^l 4:24 Jo 4:44
^m 4:25 1Kin 17:1, 7, 18:1; Je 5:17 ⁿ 4:26 1Kin 17:8-16 ^o 4:27 2Kin 5:1-14

Jisas kepir herwe enuk kekre han ke mitik
(Mk 1:21-28)

³¹P Jisas kinaaiwir wit Nasaret ken, hirak kekiuwe ken kiun Kepeneam, wit hak ke provins Galili. Me wi Sabat hirak katip mit miyapir him me God, ³²Te hir han kekrit han yaaik neriuwe him hirak ketporem nentar hirak ketpor kar ke Mitik Iuwe God keriuwetek kan ketpor him mirak iuwe. ³³Mitik hak kau winak kerek mit nererik nemtau him me Moses mit nekinaam, herwe enuk ke Seten kekrek. Te hirak kinap katip him iuwe kar ik: ³⁴“Ti henmak te ti han herekyei enum Jisas ke Nasaret? Ti han awep eraiwaank mamit. Haiu mertei ti keimin. Ti Mitik Iuwe God kehimitenit enen akaap mit.”

³⁵Jisas kenerek katip, “Ti ekintip enke enopin ekeipniwek.” Herwe enuk kewir mitik kerek kan kiwaai ti kekre nimin ne mit yapirwe. Hirak ketpiwek kar ik, te hirak herwe enuk kinaiwirek, te hirak ap kawaankek au. ³⁶Mit yapirwe nirek hir han kekrit natipan nar ik: “Him im mekam? Hirak ketpor keriuwe him mirak hiram iuwe te herwe mekrerek hiram minapen mirir mekeipniwek.” ³⁷Te him me menmen Jisas kiriakem men mit nerer wit wit nirapit Kapaneam.

Jisas kikaap Pita maam pirak
(Mt 8:14-15; Mk 1:29-31)

³⁸Jisas kikaap mitik enuk tipir kekrek, hirak kekrit kinaaiwir winak kerek mit nau nererik nekine him me Moses mekrerem, hirak kinik ken winak ke Saimon. Saimon maam pirak (miye pe mite pirak) hire winap wisenum yink sisi te hir nen netpiwek netiwekhis kan kakirep. ³⁹Hirak ken kerp menep yeno mire kerek mite hire winap wiwaaiyem em, hirak katip menmen enum, te hiram menke mekeipniwe. Wasenum hire wekrit te hire wewetir menmen wekepi.

Jisas kikaap mit miyapir yapirwe hir nire yaain
(Mt 8:16-17; Mk 1:32-34)

⁴⁰In ek wepni kewen ken te mit pike nepno ein ein nentar wi Sabat hiram epei au, te hir neimin nir yinan ninap neriuwe menmen enum enum hir netorhis neri nan, hirak Jisas kewis his mentar hir mit miyapir yapirwe kekepi hir nire yaain. ⁴¹Herwe enum hiram menke mekeipin mit han menepip mar ik: “Ti Nikan ke God kerek.” Au, hirak keneri ketpor te hir ap pike nekrit natip nentar hir nertei hirak Mitik Krai kerek God kehimitanek kaknen kakikaap mit.

^p 4:31 Mt 4:13; Lu 4:23 ^q 4:32 Mt 7:28-29; Jo 7:46 ^r 4:33 Mt 8:29; Mk 5:7; Lu 8:28

^s 4:34 Jo 6:69 ^t 4:41 Mt 8:29; Mk 3:11-12

Jisas ken kiriak menmen keit wit yapirwe
(Mk 1:35-39)

⁴²Maain teip hekrit, Jisas kinaaiwir wit ik ken wit weinik katip God menmen. Hirak ken wit weinik kitehi God menmen, mit ninetniwek ere hir ninapinek, hir newenek natip te hirak ektikeri enu enit. ⁴³“Au, hirak ketpor, “Hi are ano herer wit wit awepyapir him mei yaaim me mit enwis God naanmamror. God keriuweta te hi awepyapirem.” ⁴⁴“Te hirak ken kinaiwiri kewepyapir him me God kekere winak kerek mit nau nererik nekine him me Moses nerer wit wit neit provins Judia.

Pita kises him Jisas ketpim te hirak keit saauk yapirwe
(Mt 4:18-22; Mk 1:16-20)

5 ¹“Wi ham mit miyapir yapirwe nises Jisas neriuwetan nerp menep nanimtau him me God hirak kakitporem kerp wan ke Genesaret. ²Hirak wen katip him, hirak kir sip wiketerem miwaai tenhaan. Mit kerek newir hepin nankin saauk, hir ninaaiwir sip nen nekemyet hepin mir. ³Hirak ken kau kekere sip me Saimon. Hirak kenine Saimon kitiwekhi hirak kakriuwet sip mamno tipar kike. Te hirak kau kekere sip wen ketpor menmen mirak.

⁴Hirak katip epei au, hirak katip Saimon kar ik: “Ti ehu sip eno wan kerek kesikekrek, ti etike mit nekepi yi eiwir hepin emikiuwe wan kerek te yi eiwit saauk.” ⁵Saimon ketpiwek kar ik: “Mitik luwe, haiu mewir hepin me witaan ere wanewik te haiu ap mari saauk mei au. Ti hetpo te hi ewirem emno nimin ein.” ⁶Hirak ketpor, hir newirem men nimin ein epei au, hir nari saauk yapirwe ere hepin mamwep, ⁷te hir nenine nir yinan neit sip ham naninen nankepi. Hir nan nekepi neriyaam newisim mekre sip ere mau him te sip wik menep te mamnatin mamikre wan. ⁸Saimon Pita kir menmen im epei au, hirak kewen ninip kerp ninaan me Jisas ketpiwek kar ik: “Ti Mitik luwe enaiwira. Hi mitik enuk ap hises him me God werek au.” ⁹Hirak ketike mit kerek netikerek hir han kekrit nentar saauk yapirwe hir netiwem. ¹⁰Saimon Pita ketike wariyakit tirak Jems ketike Jon nikerek te mitik Sebedi hirakit tetikerek han kekrit. Jisas katip Saimon, “Ti ap enaain au. In ere maain ti eri mit eninen enisisa.” ¹¹“Jisas ketpiwekit epei au, hir mit han nekepikit nari sip neiyim nen tenhaan, hirakit tinaiwirem tisesik.

Jisas kikaap mitik enuk lepro mewik
(Mt 8:1-4; Mk 1:40-45)

¹²Wi ham Jisas keit wit hak kerek mitik enuk lepro mewik hirak keitai en. Hirak kir Jisas hirak kan kenke kiwaai ti kitehi Jisas kar ik: “Ti han

^u 4:43 Lu 8:1 ^v 4:44 Mt 4:23 ^w 5:1 Mt 13:1-2; Mk 3:9-10, 4:1 ^x 5:4 Jo 21:3-8
^y 5:10 Mt 13:47 ^z 5:11 Mt 19:27

kit ti erekyo te hi yaaik.”¹³ Jisas kewis his menterik katip kar ik: “Hi hanhan ti are yaaik.” Wasenum lepro epei menke mekeipniwek hirak kire yaaik.¹⁴ “Jisas ketpiwek him manp kar ik: “Ti ap atip mit menmen im au emit. Ti eno eteikin pris yink kit, ti ewetiwek menmen hirak kakwet God em mamir ke him me Moses mekre tiwei metpim. Menmen im mamteikin mit ti yaaik.”¹⁵ Hirak katip mit hir ap nanwepyapir menmen hirak kerekyorem, te menmen hirak kiriakem, mit nerer wit wit nemtewem te hir yapirwe nan nanimtau him mirak o hir nan te hirak kakikepi te hir yaain manpenun enu.¹⁶ ^bWi yapirwe hirak kipnaaiwir mit hirak ken wit weinim mit ap newi, hirak prea kitehi God menmen.

Jisas kikaap mitik hak his hit enum

(Mt 9:1-8; Mk 2:1-12)

¹⁷Wi ham, hirak kewepyapir mit menmen, mit han ne Farisi kerek ninin nises him me Moses, hir netike mit han ne Skraip kerek newis menmen me him me Moses mau tiwei natip mit em, hir nau en. Hir ninaaiwir wit Jerusalem, han ninaaiwir wit yapirwe me provins Galili ketike provins Judia, hir nan nanimtau him mirak. Menmen iuwe me Mitik Iuwe God metikerek mekepi te hirak kakikaap mit ninap o his hit enum te hir nanre yaain.¹⁸ Mit han nan ninan mitik hak his hit tupe mekiuwerem epei maa meit, hir ninanek kekre kinaan kiwaai yeno neiyik nan. Hir neiyik nanoke nein te hir nanino nimin nanwisik kiwaai hit me Jisas.¹⁹ Hir ninatin au nentar mit yapirwe nerp neiyepet ya wepir ke winak te hir ninu winak siup nen niu ein, hir nenke toni kiwapin winak siup, hir nesiuwe mitik neriuwe waai kau yeno ken kiwaai ti kekreri nimin ke mit netike Jisas.²⁰ ^cJisas hirak kertei hir han kitet hirak kakikaap mitik ik, hirak ketpiwek kar ik: “Hi esak menmen enum ti hiriakem hiram mamno.”

²¹^dMit ne Skraip netike mit ne Farisi hir nitehiyan natipan nar ik: “Mitik ik hirak keimin te hirak katip enum, hirak kekrehir ke God? Keimin kakisak menmen enum haiu mit miriakem? Mit au, God kerekek.”²² Jisas kertei hir natipan menmen te hirak ketpor, “Yi yenmak yi han kitet menmen mekre han ki mar em?”²³ Hi atip mitik kiwaai yeno kar ik: ‘Hi esak menmen enum ti hiriakem mamno,’ te yi yepitari hi atip werek o au. Te hi etpiwek: ‘Ti hekrit etenen yeno eiyim eno,’ te yi eiyirtei hi atip werek te hirak kakikrit kakno. Au en, hirak wen kakwaai yeno.²⁴ ^eHi hemipin ap hesak menmen enum mirak au, hi ap te akaap mitik ik kakre yaaik taau. Hi tewen atip mitik ik har ik: ‘Ti ekrit eno,’ te yi yayirtei hi Mitik ke wit ke Mitik Iuwe hi yaaik te hi herp ti, hi esak menmen enum

^a 5:14 Mk 7:36; Lu 8:56; Lev 14:1-32 ^b 5:16 Mk 1:35 ^c 5:20 Lu 7:48 ^d 5:21 Lu 7:49; Ais 43:25 ^e 5:24 Jo 5:8

mit niriakem mamno.” Hirak ketpor epei au, hirak katip mitik enuk his hit tupe mekiuwerem epei maa meit, hirak ketpiwek kar ik: “Ti ekrit etenen yeno mit eiyim eno nit ein.” ²⁵Hirak katip epei au, mitik enuk kekrit waswas te hir mit yapirwe nipirek hirak keit yeno kerek nipaa kiwaaiyem, hirak keyim ken nirak ein kwenipi niuk me God. ²⁶Hir mit miyapir yapirwe han kekrit newenipi niuk me God nenterik, hir natip nar ik: “Petepin haiu mir menmen nipaa mit ap nirem mar im au.”

Jisas kenine Livai hirak kakisesik

(Mt 9:9-13; Mk 2:13-17)

²⁷Hirak kikaap mitik epei au, maain hirak ketpaan ken witeik ken kir mitik kerek keit pewek me takis me mit hirak kewet gavman em. Niuk me mitik ik hirak Livai. Hirak kau winak kerek kari pewek me mit keitaak. Jisas ketpiwek, “Ti ehisisa enen.” ²⁸Mitik Livai kerek kari pewek me mit hirak kinaaiwir menmen mirak yapirwe kekrit kises Jisas.

²⁹Maain Livai kiam Jisas menmen iuwe keit winak kirak. Hirak kari mit han enun ne mit kerek nari pewek me mit newet gavman em, hir netike mit han hir nererik nau nekre winak kirak naam menmen netikeret. ³⁰Mit ne Farisi netike mit Skraip kerek nertei him me Moses natip mit miyapir em, hir nises menmen me Farisi, hir nan natip nene mit disaipel kerek nises Jisas. Hir natip nar ik: “Yenmak te yi yetike mit enun nari pewek me mit, hir netike mit han niriak enum, yi yetikeri yaam menmen metike tipar? Menmen im au enum emit!” ³¹Jisas kewenhi ketpor kar ik: “Neimin kerek yaain hir ap nari mitik dokta kakikepi au. Neimin kerek ninap hir keriyen nari mitik dokta kakikepi. ³²Hi ap han enine mit kerek han kitet hir nire yaain te hir enweikin sip enwet menmen enum au. Hi han enine mit kerek nertei hir enun niriak enum keriyen.”

Jisas katip mit him yaaim mamikrehir me him nipaa mit nisesim

(Mt 9:14-17; Mk 2:18-22)

³³Hir wen nitiwekhi nar ik: “Mit disaipel ne mitik Jon ap naam menmen me wi yapirwe te hir nitehi God menmen. Mit nises him me Farisi hir netikeri ap naam menmen au. Te mit nit hekrit hekrit hir naam menmen. Hir nenmak?” ³⁴Jisas kewenhi ketpor, “Mit nau netike mitik ketike mite epei neitan te hir ap naam menmen a? Taauye! Hir nanim ye! ³⁵Te maain wi mamnen mit han nantiwek his kaknaaiwir mit nirak yinan. Me wi im mit nirak nineiniwek menmen ap te nanim au. Hir han teweninek.”

³⁶Jisas ketpor him tok piska mar im. Hirak katip, “Mitik hak ap kakwep laplap mirak yaaim kekerwewim mamu enum tokim au. Keimin kakriak

^f 5:30 Lu 15:1-2 ^g 5:34 Jo 3:29

menmen im, hirak kakiwaank mirak yaaim em. Te laplap yaaim kerek epei kewepim kekerwewim mau tokim em ap te mamiram au mentar ti ekemyet, hiram mamweikin his mamre kike. ³⁷Mitik keiyak ap te kakwen tipar wain wen petep mamikre yink me meme epei enum tokim au. Hirak kakriakem te maain tiwerpek me wain mamniu mamwep yink me meme enum tokim te hiram mamwen, tipar mamno ti. ³⁸Au, wain tipar wen yaaim emwenem emikre yink me meme wen yaaim weiwei. Tokim au emit! ³⁹Mitik keiyak kaam wain enum tokim hirak katip hiram yaaim. Hirak kinapen tipar wain wen petep. Hirak kaktip enum tokim em hiram minin.”

Mit ne Farisi nene Jisas nentar mit nirak ap nises menmen me wi Sabat
(Mt 12:1-8; Mk 2:23-28)

6 ¹Me wi Sabat, Jisas ken keremir ni ham wit nikim mewim ketike mit nirak hiswiyen wik (12). Me wi Sabat, mit niriak menmen au, hir nau weinim. Mit disaipel nirak neit nikim me wit (hiram mire rais), hir neh his newenem nekinenim naam. ²Te mit han ne Farisi hir natip neneri nar ik: “Yenmak te yi yiriak menmen kerek him me Moses meriuwesisem te yi ap eiriakem me wi Sabat a?” ³Jisas keweni ketpor, “Yi epei yekine menmen nipaa maam nipu kiau Devit ketike mit nirak hir niriakem me wi kerek hir ninpi maan. Te yi ap han kitetim yerteiyem werek werek au a? ⁴Hirak ken kinik winak ke God kerek mit newenipi God neit nimin en. Mitik iuwe pris kewetiwekem kekin bret kerek newisim nehimitanem me God, hirak kaam kewet mit kerek netikerek kewtir meiyam hir naam. Him me Moses matip mit pris keriyen nanim bret im e. Mit han au. Mitik hetpris kewis maam nipu kiau Devit kiriak menmen im ap kenerek au, te yi yenmak yena yatip hi hiriak enum a?” ⁵Hi Mitik ke wit ke Mitik luwe hi yaaik te hi atip mit menmen hir enriakem me wi Sabat. Hi hinin menmen maamrer netpim te yi eiyyisesim me wi Sabat.

Me wi Sabat Jisas kikaap mitik his enuk hirak kire yaaik
(Mt 12:9-14; Mk 3:1-6)

⁶Me wi Sabat ham, Jisas ken kekere winak kerek mit nererik nekine him me Moses, hirak kewepyapir him me God. Mitik hak kau en, hirak his yaaim mirak enum mewei kin, hemik weinik. ⁷Mit han ne Skraip newepyapir him me Moses netike mit han ne Farisi naanmipre Jisas te hir nanirek kakriak menmen kakikaap mitik ik his enum kaki wi Sabat kerek hir neriuwesisem, te hir nantip nansiuwek him nankip kaki. ⁸Hirak kertei han kir, hirak katip mitik kerek his mirak mewei kin ketpiwek kar ik: “Enen eharp in.” Hirak kekrit kan kerp in. ⁹Jisas ketpor

^h 6:1 Diu 23:25 ⁱ 6:2 Jo 5:10 ^j 6:3 1Sml 21:1-6 ^k 6:4 Lev 24:5-9 ^l 6:7 Lu 13:14, 14:1
^m 6:8 Lu 5:22, 9:47

kitorhi, “Him me Moses matip haiu mamriak yaaim o enum mami wi Sabat? Haiu mamriak mitik kinap kaku o kaki me wi Sabat a?”¹⁰ Hirak naanmenteri mit yapirwe. Hirak naanmenteri, hirak katip mitik ik kar ik: “Ti esiuwe his mit.” Hirak kiriakem te his mirak mire yaaim mipiram.¹¹ Jisas kekepik, te mit hir neperper nine han enuk wisenum natipan nime nipinek menmen hir nanriak Jisas em enum.

Jisas kehimitan mit aposel nar hiswiyen wik (12)

(Mt 10:1-4; Mk 3:13-19)

¹² Me wi im, Jisas kiniu ken miniu (o neiyip) kitehi God menmen. Witaan ere wanewik hirak kitiwekhi menmen. ¹³ “Wanewik, hirak ken kenine mit yapirwe kerek nises him mirak, hirak kehimitan mit hiswiyen wik (12) hirak kewepor niuk mir kenewor kare “Aposel” nirak, maain hir enriak menmen mirak. ¹⁴ Hirak kehimitan Saimon kerek hirak kewis niuk mirak ham Pita. Hirak ketike nikik kirak Endru. Hirak kehimitan Jems, Jon, Filip, Batolomyu, ¹⁵ Matyu, Tomas, Jems hirak nikan ke mitik Alfias, Saimon kerek niuk mirak ham Selot, hir netike ¹⁶ Judas, nikan ke mitik hak Jems, hirak ketike Judas Iskeriot kerek maain kakwepyapir Jisas te mit enun nepan nirak neiyik nen nakip.

Jisas kewepyapir him me God hirak kikaap mit ninap

(Mt 4:23-25)

¹⁷ Epei au, Jisas ketike mit nirak nekiuwe miniu (o neiyip), hir nen wit kipirak netike mit yapirwe nises him mirak. Hir netike mit yapirwe nerer wit wit me provins Judia netike mit ne Jerusalem netike mit ne wan menep wit iuwe Taia ketike Saidon, ¹⁸ hir nan nanimtau him me Jisas, hir nan te hirak kakikepi. Mit han kerek hiram herwe mekreri hir nan, te Jisas hirak kekepi kepirem. ¹⁹ Mit yapirwe hanhan nanwis his mamwik nanintar menmen mirak iuwe meit niman mamno mamkaap mit te hir nanire yaain.

Jisas katip him me mit hir han yaaik, him me mit hir han enuk

(Mt 5:1-12)

²⁰ Jisas kerenaan kir mit nirak nisesik hirak ketpor kar ik:

“Yi mit enun menmen auri. Yi han yaaik eiyu eiyintar God naanmamri.

²¹ ^a “Yi mit miyapir kerek hanhan eiyises him me God luwe, yi han yaaik eiyu eiyintar maain yi eiyisesik werek eiyu werek eiyir ke mit kerek hir ninpi maan hir naam menmen ere tu iuwe.

²² ^p “Yi han yaaik eiyu te hir mit han enuk neriuweri hir nanimtaantiwo hir neweikin sip newetiyem hir netpi nisesi nentar yi yisisa hi Mitik

^a 6:13 Jo 6:70 ^o 6:21 Rev 7:16-17; Sam 126:5-6; Ais 61:3 ^p 6:22 Jo 15:19, 16:2; 1Pi 4:14

ke wit ke Mitik Iuwe. ²³Nipaa enum eik maamrer nir niriak mit profet enum te God kakwetir menmen yaaim iuwe kakit wit kirak. Maain mit nanrekyi enum nanir ke nipaa maamrer nir niriak profet em. Maain wi menmen enum im mamnen, yi einakin tokim han yaaik eiyu eiyintar maain God kakweti menmen yaaim mirak kakit wit kirak.

²⁴“Yi mit in ek yi yetenen menmen yapirwe te maain yi han enuk eiyu eiyintar yi ap yayit menmen yaaim meit wit ke God au.

²⁵“Yi mit in ek yi tu iuwe han enuk eiyu eiyintar maain yi ninpi mamiwei. Yi mit in ek yenwesis, maain yi han enuk eiyu eiyintar maain yi yaikit.

²⁶“Newaai meruri mit netpi yi yaain yi naanmamre hiras eiyintar menmen im ap meteikin yi yatip yaaim au. Nipaa maamrer ne mit in enun hir natip mit profet enun nemipin hir yaain. Te hir yaain au. Hir enun ye!

Yi hanhan mit enun nepan

(Mt 5:38-48)

²⁷“Yi mit kerek yemtau him mai hi hetpi har ik: ‘Yi hanhan mit nepan, yi yairiak yaaim me mit hir han enuk neriuwi. ²⁸“Mit kerek newen henye netpi enum te yi yetpor him yaaim. Hir mit kerek nerekyi enum, yi eiyitehi God ekrekyor yaaim. ²⁹Mitik kerek kakitep kaknemtinut nikip, ti ewisik pike ekitep ekno nikip pinam. Mitik hak kaknen kakri saket kit, ti ap etenen siot au. Ti ewisik hirak ektiwek ektikerek. ³⁰Neimin nitihi menmen yi eiwetirem, te yi ap pike yetpor hir enwetiyeu au emit! ³¹“Yi eiyinin eiriak mit menmen yi hanhan maain te mit nanrekyiyem.

³²“Yi hanhan mit keriyen kerek hir hanhani, yi han kitet God kaktip yi yaain? Taau. Hiram menmen weinim. Mit enun nises God au, hir niriak menmen mar im. ³³Yi eiriak yaaim mit keriyen kerek nerekyi yaaim, yi han kitet menmen im hiram iuwe te God kaktip yi yaain? Taau. Hiram menmen weinim. Mit enun nises God au hir niriak menmen mar im. ³⁴Yi eiwet mit menmen kerek yi han kitet maain hir pike enwetiyeu, yi han kitet menmen im hiram iuwe te God kaktip yi yaain a? Taau! Hiram menmen weinim. Mit enun newet mit han menmen te hir pike nantiwem. ³⁵“Yi hanhan mit nepan eirekyor yaaim, eiwetir menmen te ti ap han kitet pike eiyit menmen au emit! Yi eiriak menmen im te God kakweti menmen yaaim. Yi yeteikin mit yi yaire nikerek ne God yentar God kiriak yaaim kikaap mit enun nises han kir hanhan hiras, hir netike mit yaain. ³⁶Yi eikaap mit eirekyor yaaim eire Haai ki God kiriakem.

⁹ 6:24 Je 5:1 ^r 6:27 Pro 25:21; Ro 12:20 ^s 6:28 Ro 12:14 ^t 6:31 Mt 7:12 ^u 6:35 Lev 25:35-36

Yi ap skelim mit han eitip yi yaain te hir mit enun au emit
(Mt 7:1-5)

37^v“Yi ap skelim mit me menmen hir niriakem te God ap skelim yi mit me menmen yi yiriakem taau. Menmen enum mit nerekyiyem, yi eitip hiram menmen weinim. Te God han yaaik keriuwi kakisak menmen enum mi mamno. 38^wYi eiwet mit menmen te God kakweti menmen ere mau him te mamihinhin. Mamirkeim yi eiwet mit menmen, hiram mamir ke God maain kakwetiye.”

39^xJisas ketpor him tok piksa im e. Hirak katip, “Mitik nanamir toto ap te kakteikin mitik hak kerek nanamir toto tatriyakit tatitet yayiwe. Hirak kakriak menmen mar im te hirakit tatinkewin tatikre wi. 40^yNikan sumatin kau skul ap kakirtei menmen kakinin mitik tisa kirak. Te maain hirak kakirtei menmen epei werek te hirak kakre tisa kirak kerek ek. 41-42^zTi henmak te ti hipir menmen mire yenkis yehes mekre nanamir ke kit yinak te ti ap hertei nu mire heneik mau mekre nanamir kit a? Ti ehinin eweikin sip ewet menmen enum te maain ti yaaik te ti atip kit yinak menmen enum hirak kiriakem.

Nu enum ap mine nikim yaaim au
(Mt 7:17-20, 12:33-35)

43^a“Nu yaaim ap mine nikim enum au, nu enum ap te mine nikim yaaim au. 44^bMit nir nikim me nu ham, hir nertei hiram tuwaan o hinaan. Mit ap nenep tapir mau nu miyak herpe au. Hir ap newen hinaan nikim mari mau sirpit au. 45^cMit hir nar nu im. Mitik yaaik kiriak menmen yaaim kentar menmen yaaim mau han kirak. Him me mit mewepyapir menmen mekre han kir.

Him me mit nime winak
(Mt 7:24-27)

46^d“Yi yenmak yi yatip hi Mitik luwe te yi ap yises him mai au a? 47-48^eMitik kerek kaknen kakimtau him mai kakisesim, hirak kakre mitik kime winak. Mitik ik kekin hei kime winak kentar nan keit miniu (o neiyip). Maain mani kakniu kaknep winak te ap keket winak au kentar mitik kimaak yaaik kime winak kentar nan keit miniu (o neiyip). 49^fMitik kerek kaknen kakimtau him mai kakisesim au, hirak kakre mitik kime winak kekin hei kau tenhaan menep mani. Hirak kimaak kau tenhaan, maain mani kakniu kaknep winak kakwenek, hirak keyiyik kakno kakiwaankek.”

^v 6:37 Mt 6:14 ^w 6:38 Mk 4:24 ^x 6:39 Mt 15:14 ^y 6:40 Mt 10:24-25 ^z 6:46 Mal 1:6; Mt 7:21

Jisas kikaap mitik hirak kiriak menmen me mitik iuwe ke ami
(Mt 8:5-13)

7 ¹Jisas katip menmen im epei au, hirak ken wit Kapaneam. ²Hirak ken wit Kapaneam, mitik iuwe ke ami ke wit Rom kepu Kapaneam, hirak han tewenin mitik kerek kiriak menmen mirak, hirak kinap menep te kaki. ³Me wi im hirak kemmau Jisas kikaap mit, hirak keriuwet mit iuwe ne Juda nau wit eik te hir nanitiwekhi kaknen kakikaap mitik ik. ⁴Hir nan nir Jisas nitiwekhi him iuwe netpiwek, “Mitik ik hirak yaaik te ti enen ekepek. ⁵Hirak han tewenin haiu mit ne Isrel hirak kime winak kaiu kerek haiu mau mererik mekine him me Moses.”

⁶Hir natip epei au, Jisas ketikeri nen. Hir menep te hir nipiun winak kirak eik, mitik iuwe ke ami keriuwet nirak yinan newenyipiri netpiwek, “Mitik Iuwe ti ap enen au emit! Hi ap yaaik te ti enen enik winak kai au. Ti Mitik Iuwe hi au weinik. ⁷Hi han kitet hi ap yaaik te hi enen erit au. Hi hertei ti atip him keremem te mitik kai pike kaku werek kentar ⁸hi har ke ti. Hi ehises him me mit nau ne ami ninina. Hi hinin naanmipre mit ne ami han. Hi atip mitik ik, ‘Ti eno,’ te hirak kakno. Hi atip mitik eik, ‘Ti enen,’ te hirak kaknen. Hi hatip mitik kerek kiriak menmen mai, ‘Ti eriak menmen im,’ te hirak kakriakem. Ti atip enen menmen enum mekre yink ke mitik kai te hiram eminke emrir emkepniwek.”

⁹Jisas kemtewek katip karik, hirak han kekrit han yaaik, hirak keweikin katip kar ik: “Hi etpi hi ap hertei mitik kiutip ke mit ne weiwik me Isrel hirak han kitet him me God kar ke mitik ik kisesim au.” ¹⁰Jisas katip epei au, hirak keriuwet mit kerek mitik iuwe ke ami keriuweti nan nirek, te hir pike nen winak kirak, hir nir mitik kiriak menmen mirak hirak pike kire yaaik.

Jisas kikiak mitik pipiak kaa keit wit Nen

¹¹Maain wi ham Jisas ken wit niuk mirak Nen. Mit nirak nises him mirak netike mit han yapirwe nen netikerek. ¹²Hirak ken kiun ya weipir ke niwa ke wit eik epei au, hirak kir mit ninan herwe kentar kinaan nanwisik kakikre hei. Herwe kaa, hirak nikan ke mite kerek nipaa mitik kire kaa. Mit yapirwe ne wit nikitek nen. ¹³“Mitik Iuwe Jisas kir miye pirak wikitek, hirak han teweninep ketpiwe kar ik: “Ti ap ekitek au emit! Ekintip!” ¹⁴Hirak kan kewis his mentar yeno te hir mit ninanek neiyik nerp neit. Te hirak katip mitik pipiak kar ik: “Hi hetput ti ekrit.” ¹⁵“Hirak katip epei au, herwe kerek kaa hirak kekrit kau, hirak katip. Te Jisas keriuwetek pike ketike miye pirak nen. ¹⁶“Hir nepirpir newenipi niuk me God natip nar ik: “Mitik profet iuwe epei kan kau niman ke haiu mit. God

^a 7:13 Lu 8:52 ^b 7:14 Lu 8:54 ^c 7:15 1Kin 17:23; 2Kin 4:36 ^d 7:16 Lu 1:68, 19:44

epei kan kakikaap haiu mit miyapir nirak.”¹⁷ Mit newepyapir menmen Jisas kiriakem men merer wit wit me provins Judia ketike wit menep.

Jon keriuwet mitikit disaipel wiketeret ten tir Jisas
(Mt 11:2-19)

¹⁸ Mit disaipel ne Jon netpiwek menmen yapirwe Jisas kiriakem. Te hirak kari mitikit wik tirak, ¹⁹ keriuwetet ten Mitik Iuwe Jisas te titiwekhi, “Ti Mitik Iuwe kerek God katip kaknen ek o haiu mamimerir mitik keyyak?” ²⁰ Mitikit te Jon epei ten tir Jisas hirakit titiwekhi tarik: “Jon kerek kikir mit keriuwetawir te hawir wituthi, ‘Ti Mitik Iuwe Krais kerek God keriuwetit o haiu mamimerir keyyak maain kaknen?’ ”

²¹ Me wi im Jisas kikaap mit hir ninaap hir nire yaain. Hirak kikaap mit han kepir herwe mekre han kir hir nire yaain. Hirak kikaap mit nanamir toto te hir nir ein ein. ²² Hirak kewen Jon mitikit tirak ketpiwekit, “Yi pike eino eitip Jon menmen yi yirem, menmen yi yemtewem. Mit nanamir toto hi ekepi te hir nir ein ein. Mit kerek perku enum hir neke ti nen werek werek. Mit lepro mewi, yink kir kire yaaik. Mit nikip toto enum hir nemtau. Mit epei naa hi hikian nekrit nepu. Hi atip mit enun menmen au, hi eweporyapir him yaaim me God. ²³ Mit kerek hir han yaaik neriuwe menmen hi hiriakem han kiteta, hi Mitik God keriuweta hikaap mit, hir han yaaik enu.”

²⁴ Hirak ketpiwekitem, mitikit Jon keriuwetet epei ten, Jisas katip mit yapirwe in me Jon. Hirak ketpor kar ik: “Yi yen yayir mekam yayit wit weinim a? Yi yir menmen weinim mire niyen (o keneiken) nime metitiwem, ²⁵ o au en, yi yen yayir mekam a? Mitik keriuwet klos yaaim? Au, mit narik hir nau werek werek hir nepu winak ke mit iuwe gavman keriyen. ²⁶ Im au, te yi yen yayir mekam a? Mitik profet? Yi epei yir mitik profet, te hi etpi werek. Hirak Jon kinin mit profet. ²⁷ Jon hirak mitik kerek him me God mau tiwei matip mar im:

‘Eiyimtewem! Hi ariuwet mitik kai kaktip him kakininit kakno kaktip mit, ti Mitik hi God hehimitenut ti enen, te hir enweikin sip enwet menmen enum nanmeriyut.’ ²⁸ Hi hetpi me wi Jon kiriak menmen, hirak mitik iuwe epei kinin mit yapirwe kerek miyapir nipaa ninen. Te in ek hir mit kerek niuk mir kike hir nises God hirak naanmipror, maain hir nanu nantike God nanit en hir naninin Jon kerek wi hirak kau ti ik e.”

²⁹ Hir mit weinin netike mit kerek hir nari pewek me takis newet mit iuwe ne gavman em, hir yapirwe nemtau him Jisas ketpim me Jon, hir natip, “Him me God hiram yaaim.” (Hir keriyen nises him me God

^e 7:19 Sam 40:7; Mal 3:1; Rev 1:8 ^f 7:22 Ais 35:5-6, 61:1; Lu 4:18 ^g 7:26 Lu 1:76

^h 7:27 Mal 3:1 ⁱ 7:29 Lu 3:12

kehimitanorem, hir newis Jon kikiri neriuwe tipar. ³⁰Hir mit ne Farisi kerek naanmipre him me Moses netike mit ne Skraip kerek newepyapir him me Moses, hir au. Hir neweikin sip newet menmen God hanhan hir nanisesim mamkepi te hir ap newis Jon kikiri neriuwe tipar au.)

³¹Jisas wen ketpor kar ik: “Hi atip mekam te hi eteikni mit nau ti ik ek hir neweikin sip newet God hir nire mekam? Hi hetpi. ³²Hir nire nikerek netike miye haai nen maket nesiuwe menmen mir, nikerek han nenine nikerek han netpor,

‘Haiu miriam tukin mine henye te yi yiprire au. Haiu memipin menep tukin han tewenin herwe kaa, te yi yikitek au. (Haiu miriak menmen ham ham te yi ap han yaaik yeriuwerem au.) Yi mit han yi yire nikerek in.’

³³Hirak Jon kerek kikiri mit neriuwe tipar kan ninpi maak kepu, hirak ap kaam wain tipar si enum, te yi yatip herwe kekrerek. ³⁴Hi Mitik ke wit ke Mitik Iuwe epei han haam menmen metike wain tipar si enum te yi yatip, ‘Eiyirek! Hirak kaam menmen yapirwe kaam tipar yapirwe. Hirak ketike mit nari pewek me takis netike mit niriak enum, hirak ketikeri nariyan niriak menmen.’ ³⁵Menmen God kirkakem mit kerek nisesim nertei hiram yaaim.”

Jisas keit winak ke Saimon ke Farisi

³⁶Mitik kiutip ke mit Farisi kitehi Jisas kaktikerek tatim menmen tatit winak kirak, te hirak ketikerek ten taam menmen teit winak kirak eik. ³⁷Mite hap weit wit ik ek, hire enu wiriak enum. Hire wertei Jisas kaam menmen keit winak ke mitik ke Farisi, te hire weit min tipar minin yaaim mekrerem weiyim wan. ³⁸Hire wen werp sip ke Jisas menep hit mirak, witehir wikit wan ketnen kentar hit mirak te hire weit paan kire nokik weiyik wesiunen hit mirak. Hire weiyewiwiek hit te hire wewen tipar sanda kerek yaaim minin em menterim.

³⁹Mitik hak ke Farisi ik ek nipaa kenine Jisas ken kaam menmen ketikerek hirak kir menmen im, hirak katip kekere han kirak, “Mitik ik hirak kire profet, te hirak epei kertei mite ip ep hire peimin hire wire mekap te hire wetenenik, hire wire mite enu wiriak menmen enum.”

⁴⁰Jisas kertei han kirak te hirak ketpiwek kar ik: “Saimon, hi ami hetput menmen.” Saimon kewenhi kar ik: “Mitik Iuwe, ti etpo.” ⁴¹Jisas katip, “Nipaa mitikit wik tari pewek me mitik hirak kewetiwekitem, te pike tatwetiwekitem kiutip hirak kari 500 kina. Hak au 50 kina kerem em. ⁴²Maain hirakit ap tetenen pewek te hirakit pike tatwetiwekem, hirak katip hiram menmen weinim. Te ti han kitet keimin ke mitikit wik hirak han teweninek wisenuk a?”

⁴³Saimon katip, “Mitik nipaa kari pewek iuwe, hirak han teweninek wisenuk.” Jisas ketpiwek, “Ti atip werek.”

^j 7:30 Mt 21:32 ^k 7:34 Lu 15:2 ^l 7:36 Lu 11:37 ^m 7:37 Mt 26:7; Mk 14:3; Jo 12:3

⁴⁴ⁿ Jisas kiwaai naan kir mite ip e, hirak katip Saimon, “Ti epei hir mite ip a? Ti heninau te hi han winak kit. Ti ap eweto tipar te hi ekemyet hit mai ehises menmen me maamer nau au. Te hire wekemyet hit mai weriuwe wan ke nanamir kire, hire wesiunenim weriuwe paan kire. ⁴⁵ⁿ Nipaa hi han winak kit ti ap heiyewowa au, te hire weiyewo hit mai kerek nipaa hi hiwaai yeno ere in. ⁴⁶ⁿ Ti ap hewis tipar minin yaaim kike mau paan kai au. Te hire wewen tipar minin yaaim wisenum mau hit mai. ⁴⁷ⁿ Hi hetput, hire han tewenina. Menmen im meteikin mit hire han yaaik wentar hi epei hesak menmen enum mire yapirwe, hiram epei men. Mitik kerek ap kertei werek God kesak menmen mirak hiram iuwe, maain hirak han tewenin God kike.” ⁴⁸ⁿ Jisas katip mite ip kar ik: “Menmen enum mit, ti nipaa hiriakem, hi epei esakem.” ⁴⁹ⁿ Mit han nau yeno eim naam menmen netikerek hir han kitetim mekre han kir, “Hirak han kitet hirak keimin te hirak kesak menmen enum mit niriakem a? Hirak God a?” ⁵⁰ⁿ Au, Jisas wen ketiwe kar ik: “God kekepti kentar ti han kiteta. Ti han yaaik eno.”

Miyapir han nises him me Jisas

8 ¹ⁿ Maain wi ham Jisas ken wit iuwe, wit kike kewepyapir him yaaim me God naamamre mit. Mit nirak nar hiswiyen wik (12) netikerek nen. ²ⁿ Miyapir han kerek nipaa Jisas kekepi ninap o kepir herwe mewi menpin, niuk mir im: Maria kerek niuk ham Magdala kerek nipaa Jisas kepir herwe hispinak wik (7). ³ⁿ Hire wetike Joana kerek mite pe mitik Susa, mitik iuwe naanmipre menmen meit winak ke mitik iuwe gavman King Herot. Hire wetike Susana, miyapir han yapirwe naanmipre Jisas ketike mit nirak nisesik hir naanmiprewek neriuwe menmen mir.

Jisas katip him tok piska ke mitik kamir menmen

(Mt 13:1-9; Mk 4:1-9)

⁴ⁿ Mit nerer wit wit nan nir Jisas. Jisas kir mit yapirwe nererik nerp menep, hirak ketpor him tok piska mar im: ⁵ⁿ “Mitik hak ken kewir rais yehes meit ni mirak. Hirak wen kewirem, ham menke miwaai yayiwe, mit nan nentiraam, hore menuuwe man maam. ⁶ⁿ Yehes ham menke miwaai ti kike kentar nan. Hiram mewo te hiram maa mentar tipar au. ⁷ⁿ Yehes ham menke miwaai ti waai enum tiktik enum mewiyen. Yehes metike waai enum mewo mipiram te waai enum miwapinem te hiram ap mari au. ⁸ⁿ Yehes ham menke mekre ti yaaik nipaa mitik kewenek hiram mewo yapirwe mine nikim mar 100.” Hirak Jisas wen katip kinap him iuwe, “Keimin ekimtau him mai nikip emnep hirak han ekitet menmen hi epei hetpim.”

ⁿ 7:44 Jen 18:4 ° 7:46 Sam 23:5 ₪ 7:48 Lu 5:20-21 ¶ 7:50 Lu 8:48, 17:19, 18:42

ⁱ 8:1 Lu 4:43 ° 8:2 Mt 27:55-56; Mk 15:40-41; Lu 23:49

Jisas kewepyapir kenmak te hirak katip mit him tok piska
(Mt 13:10-17; Mk 4:10-12)

⁹Hirak katip epei au, mit nirak kerek nises him mirak nitiwekhi nar ik: “Ti ewepyapir him nipaa ti hetpim.” ¹⁰^tJisas ketpor kar ik: “God kewisi yi yertei han kirak te hirak naanmamre mit. Te mit han en hi hetpor heriuwe tok piska te hir nir menmen hir nepitariyem, hir nemtau him te hir ap nisesim werek au.

Jisas kewepyapir menmen me tok piska
(Mt 13:18-23; Mk 4:13-20)

¹¹^u“Him me tok piksa hiram im: Rais yehes hiram him me God keremem. ¹²Yehes miwaai yayiwe hiram mire mit nemtau him me God te Seten kan kari him yaaim mau han kir mamno te hir ap nises him mirak, te hirak God ap kakikepi kaktorhis au. ¹³Yehes miwaai ti kike kentar nan hiram mire mit nemtau him me God hir han yaaik hir nire nekenik kike mau pin. Hir han kitet him me God kike keremem, te him mamno han kir au mire yehes nekenik kike mau pin. Maain wepni kakmip hiram mamiweiwei. Maain Seten kaknen kakri han kir te hir nanweikin sip nanwet him me God. Him mirak mekre han kir mami. ¹⁴Yehes menke miwaai ti enuk kerek waai tiktik mewiyen, hiram mire mit nemtau him me God te hir hemkre menepam neriuwe pewek o menmen mir, hir hanhan nises menmen han kir katip hiram yaaim, te hiram meiyepet han kir te hir ap nises God werek werek au. ¹⁵Yehes menke miwaai ti yaaim ham mire mit nemtau him yaaim me God. Hir nemi mekre han kir yaaik, hir nisesim ere hir nises God werek werek niriak menmen yaaim mire rais mari yapirwe.

Mit hir ap nisawin si kinik sar au
(Mk 4:21-25)

¹⁶^v“Mitik ap keksiu si kisawinek kekre sar o kewisik kinik yeno au. Hirak kewisik kau yaain te mit naninen nimen in nanirek. ¹⁷^wMenmen yapirwe misawin meit te maain hiram mamu yaain mit nanirem. Menmen yapirwe misawin meit te maain God kakwepyapirem kakteikin mit em. ¹⁸^xMenmen yi yemtewem yi naanempre hiras te yi yemtewem werek, yi han ekitetim werek werek. Keimin ketenen him yaaim kisesim, maain God kakwetiwek him ham yaaim. Keimin han kitet kerekek hirak ketenen him ham hirak kisesim, menmen hirak han kitet hirak kerteiyem, God kakriyaam mamno mamkeipniwek mamiwaank mamit.”

^t 8:10 Ais 6:9-10 ^u 8:11 1Pi 1:23 ^v 8:16 Mt 5:15; Lu 11:33 ^w 8:17 Mt 10:26; Lu 12:2
^x 8:18 Mt 25:29; Lu 19:26

Jisas miye pirak wetike kikrek nirak naninen nanirek

(Mt 12:46-50; Mk 3:31-35)

¹⁹Miye pe Jisas wetike kikrek nirak nan nanirek te hir ap nanwep mit yapirwe nanirek. ²⁰Mit han netpiwek, “Miye pit wetike kikrek nit nerp wit eik nanrit.” ²¹Te Jisas kewenhi ketpor, “O, hi hemtau. Te hi hetpi, mit kerek nemtau him me God nisesim, hir nire miye wetike kikrek nai.”

Jisas katip kewen yuwerep pike matin meit

(Mt 8:23-27; Mk 4:35-41)

²²Wi ham Jisas ketike mit nises him mirak hir nen nau nekre sip. Te hirak ketpor, “Hiau mamno wan pinak ein.” Hirak ketpor, te hir nepno. ²³Hir nepno, Jisas kiwaai kinatin keit, yuwerep kiniu kekiuwe miniu (o neiyip) kan. Yuwerep kekiuwe miniu (o neiyip) kan te wan tipar kehin kekre sip, sip menep mamriwer mamriweri nanikre wan te hir nani. ²⁴Mit nirak nen nekotitek netpiwek nar ek: “Mitik Iuwe, Mitik Iuwe, hiau menep te mami.” Jisas kekrit katip kewen yuwerep ketike wan, hiram mewire meit. ²⁵Te hirak ketpor, “Yenmak yi yinaain te yi ap han kiteta werek werek au a?” Te hir han kekrit hir ninaain natipan nar ik: “Mitik ik hirak iuwe, menmen iuwe mewik te hirak katip yuwerep wan hiram mewire miwaai meit.”

Jisas kikaap mitik herwe enum mekrerek

(Mt 8:28-34; Mk 5:1-20)

²⁶Sip merekir wan ere mipiun ti ke wit Gegesa. Gegesa kiwaai wan keit pinak ein te Galili kiwaai keit pinak in. ²⁷Jisas kenke ken kiun تنهاان eik, mitik ke wit iuwe kewenyipirek. Mitik ik herwe mekrerek me wi yapirwe hirak ap kamir laplap au. Hirak kau winak au, hirak kepu han kinik miniu (o neiyip) han kerek mit newis herwe maa mekrerem. ²⁸⁻²⁹Wi yapirwe herwe merekyiwek han ken sip, mit naanmiprewek hir newenkekik neriuwe sen ain mau his hit mirak te hirak keremir te herwe meriyaak meiyik men wit weinim mit ap newi. Jisas katip herwe enum him manp te hirak kepirem mamno. Jisas wen ketpiwek hirak kenepip kenkewin kiwaai ninaan mirak hirak katip him iuwe mar im: “Jisas ti Nikan ke God Wisenuk. Ti henmak herekyo menmen im? Hi hituthi ti ap herekyo menmen im au emit!”

³⁰Jisas kitehi herwe kar ik: “Ti ekine niuk mit.” Hiram matip mar im: “Niuk maiu mit yapirwe mentar hiau yapirwe mekrerek.” ³¹Herwe mitiwekhi te hirak ap kakriuwetem mamno hei enuk.

³²Sak yapirwe merp miniu (o neiyip) menep maam menmen te herwe nitiwekhi hirak ekwisim mamno mamikre sak im. Jisas kewenhi herwe hiram mamno. ³³Jisas kewenhi herwe te hiram metpaan mekeipin mitik,

hiram men mekre sak. Te sak mesiuikin mekiuwe tinpi (o neiyi) me miniu (o neiyip) men mamin wan te tipar mekiuwe him yipir, hiram maa meit.

³⁴Hir mit naanmipre sak nir menmen im, hir nirir nen natip mit ne wit iuwe, mit ne wit kike netporem. ³⁵Hir netporem, hir mit ne wit nesiukin nen nanir menmen hir nepei netporem me sak. Te hir nan nir Jisas ketike mitik kerek Jisas kepir herwe mekeipniwek hirak kau menep hit me Jisas. Hirak han yaaik epei kamir laplap te hir ninaain. ³⁶Mit kerek epei nir Jisas kekepek hir natip mit ne wit karkeik Jisas kikaap mitik nipaa herwe mekrerek. ³⁷Te mit nerer wit wit me Gegesa hir nan nitehi Jisas kaknawiri kakintar hir nineinik wisenum, te Jisas ken kau sip kakno pinak ein. ³⁸Hirak kau sip kakno, mitik kerek Jisas kepir herwe menke menpin mekeipniwek kitehi Jisas him iuwe kaktikerek tatno, te Jisas keriuwetek ketpiwek, ³⁹“Ti pike eno nit en ewepyapir atip mit menmen yaaam iuwe God kerekyutem.” Hirak ketpiwek, te hirak pike ken nirak en kewepyapir katip mit yapirwe neit nirak en menmen Jisas kerekyiwekem.

Jisas kikaap Jaires niki pirak wetike mite kerek wetenen klos mirak
(Mt 9:18-26; Mk 5:21-43)

⁴⁰Jisas pike ken kerekir wan ken pinak ein, te mit yapirwe hir han yaaik neriuwerek nentar hir nemeriyiwek pike kerekir wan kaknen en. ⁴¹Hirak kiun ein, mitik niuk mirak Jairas ken menep. Hirak mitik iuwe ke winak kerek mit nau nererik nekine him me Moses ein. Hirak kan kenke kiwaai hit me Jisas kitiwekhi him iuwe kar ik: “Ti enen winak kai.” ⁴²Hirak kitiwekhi kentar hirak kine niki piutipen, hire tito hiswiyen wik (12). Hire winap menep te wawi. Jisas kepno ketikerek, mit yapirwe nisesik neweikniwek.

⁴³Mite hap kerek winen hemkre tito hiswiyen wik (12) hire wisestik. Hire wewir pewek mire epei mesi, te mit nekepye werek werek au. ⁴⁴Hirak kepno, hire wisestik weke sip kirak wan wetenen hir me saket mirak, te wasenum hire hemkre katin keit. ⁴⁵Jisas kitehi katip, “Peimin wetenina?” Te hir yapirwe niune natip nar ik: “Hi au. Hi au.” Pita katip, “Haiu mit yapirwe meweiknut merp menep menep. Ti henmak te ti hatip him mar im?” ⁴⁶Au, Jisas katip, “Mite hap hire wetenina. Hi hertei menmen mai iuwe epei minaiwira mikaap mite peiyap.” ⁴⁷Mite wertei Jisas kertei menmen hire wiriakem, te hire weperper wan wewen ninip wiwaai menep hit me Jisas, hire wewepyapir hirehes me ninaan me mit yapirwe markeim te wasenum hirak kekepiye hire wepu werek werek. ⁴⁸Hire wepu werek werek, te Jisas ketpiwe kar ik: “Mite ti han kiteta te God kekepit ti hire yaaip. Ti han yaaik eno.”

⁴⁹Jisas wen katip him im, mitik hak ke winak ke mitik iuwe Jaires kan ketpiwek kar ik: “Niki pit epei waa. Ti henmak ti eriyaam ektan Jisas? Ti ewisik

kakno.”⁵⁰ Jisas kemtewek hirak katip Jaires kar ik: “Ti ap enaain au. Ti han ekiteta te hire wawu werek.”⁵¹ Hirak kipiun winak, te hirak kewis mit han netikerek nanino nimin winak au. Pita, Jems, Jon netike miye haai hir keriyen nen nimin.⁵² Mit yapirwe ein nikitep hir han teweninep, te Jisas ketpor, “Yi ap eikitep au emit! Hire ap waa, hire wiwaai kerep ep.” (Hirak ketpim kentar hirak hanhan kakikia.)⁵³ Hir nemtewek hir nenwesisek nentar hir nertei hire epei waa weit.⁵⁴ Hir nenwesisek te Jisas keteniniwe his mire keninewe him iuwe kar ik: “Niki ti ekrit.”⁵⁵ Himin kire pike kan kekrerep te wasenum hire wekrit. Jisas katip miye haai hir enwetwe menmen hire wawim.⁵⁶ Miye haai nire, hir han kekrit, te hirak ketpor him manp te hir ap nantip mit menmen hirak kirkakem au emit!

Jisas keriuwet mit nirak hiswiyen wik (12) niriak menmen mirak
(Mt 10:5-15; Mk 6:7-13)

9¹ Jisas kenine mit nirak disaipel hiswiyen wik nirak (12) kewisi hir nekrehir kirak ninin herwe hir nankaap mit ninap te hir nire yaain.² Hirak keriuweti hir nen nanwepypir God kinin naanmamre mit. Hirak keriuweti nankaap mit miyapir ninap.³ Hirak kinin ketpor, “Yi ap eyit menmen kerek yi yeiyim yaino au. Menmen au, pewek au, laplap meiyam au, tanik metike paap au. Yi yewi yiriak menmen mi,^{4c} maain yi yaino wit mit hir newisi yewi, yi yau winak kiutip kerekek ere yi einaaiwir wit.^{5d} Yi eipiun wit mit ap nanimtau him mi, yi einaaiwir wit eik, yi einepep toni waniu mamu hit mi te eiteiknor God han enuk kakriuweri.”⁶ Hirak ketpor epei au, mit nirak ninaiwirek nen nerer wit wit newepypir natip him yaaim me God, hir nikaap mit ein hir ninap.

Herot kemtau him mit hir netpim me Jisas
(Mt 14:1-12; Mk 6:14-29)

^{7e} In ek mitik iuwe gavman King Herot hirak naanmipre mit ne provins Galili, hirak kemtau menmen epei man, hirak han kitetim kentar mit han natip Jon kerek kikir mit neriuwe tipar nipaa kaa te in ek hirak pike kekrit kepu.⁸ Mit han natip, “Ilaija profet ke nipaa hirak pike kan.” Mit han natip, “Mitik profet hak ke profet yapirwe nipaa ein te God kikiak hirak epei kan.”^{9f} Herot kekre han kirak han kitet, “Nipaa hi herekir teruk ke Jon hirak kaa. Hirak keimin hi hemtau hirak kirkak menmen im e?” Hirak hanhan kakirek.

Jisas kewet mit nar 5,000 menmen hir naam
(Mt 14:13-21; Mk 6:30-44; Jo 6:1-13)

¹⁰ Maain mit nirak aposel nipaa keriuweti nen, hir epei nan netpiwek menmen hir niriakem. Te hirak kinaaiwir mit yapirwe hirak keithis mit

^z 8:52 Lu 7:13 ^a 8:54 Lu 7:14 ^b 8:56 Mk 7:36; Lu 5:14 ^c 9:4 Lu 10:4-11 ^d 9:5 Lu 10:11; Ap 13:51 ^e 9:7 Mt 16:14; Mk 8:28; Lu 9:19 ^f 9:9 Lu 23:8

nirak hiswiyen wik (12) ketikeri keriyen hir nen wit Betsaida. ¹¹Hir nen en, mit yapirwe nerteiyek, hir nisesik nen ein te hirak han yaaik keriuweri ketpor God kakinin naanmamre mit, hirak kikaap mit ninap te hir nire yaain. ¹²Hinkewi, mit nirak nar hiswiyen wik (12) nan netpiwek, “Ti esiuwe mit enino te hir nanino wit metike ni mit newi hir enit menmen hir enwaai en. Wit ik ek hirak wit weinik ap menmen mewi au.” ¹³Te Jisas ketpor kar ik: “Yi hiras eiwetir menmen hir nanim.” Hir newenek netpiwek, “Haiu metenen bret hispinak (5), saauk wiketeret mit epei niam kerem em. Ti hanhan te haiu mamno mamit menmen mamwet mit em? Taauye! Hir mit enun yapirwe!” ¹⁴Hir natip menmen im nentar mit keriyen yapirwe hir 5,000 mit neit ein keriyen. Hir ap newenhis miyapir nikerek au.

Jisas katip mit nirak, “Yi eiriak mit nererik nau nire 50 in 50 ein niran ere hir enu ti werek.” ¹⁵Mit nirak niriakem nar hirak ketpim, hir newen mit nau ti. ¹⁶Te Jisas keit bret hispinak (5), saauk wiketeret kikiamnaa katip God hirak yaaik, te hirak kewepim kewet mit nirak em te hir nanwetirem. ¹⁷Mit yapirwe naam ere tu iuwe. Mit nirak neit menmen mit naam au, hir neit hause (o wanpnake) mar hiswiyen wik (12) neiyik nemi yinam kerek miwaai em.

Pita kewepyapir Jisas hirak Mitik God kehimitanek

(Mt 16:13-19; Mk 8:27-29)

¹⁸Wi ham Jisas hirak kitehi God menmen, mit nirak nau netikerek neit wit weinik. Hir nau en, hirak kitorhi kar ik: “Mit natip hi keimin?” ¹⁹Hir newenhi natip, “Mit han natip ti Jon Baptais kerek nipaa kikiri neriuwe tipar, pike kekrit kepu. Mit han natip ti profet Ilaija ke nipaa. Mit han natip ti mitik profet hak ke nipaa ein mit profet yapirwe nepu te God kikiak katip hirak kaknen.” ²⁰Te Jisas hirak kitorhi kar ik: “Yi han kitet hi keimin?” Pita ketpiwek, “Ti Mitik Krai nipaa God kehimitenit ti enen ekepai haiu mit.”

Jisas katip maain hirak kaki te pike kakikrit

(Mt 16:20-28; Mk 8:30-9:1)

²¹Jisas katip him manp te hir ap newepyapir hirak Mitik God kehimitanek kerekek au emit! ²²Hirak wen katip, “Hi Mitik ke wit ke Mitik luwe, mit iuwe ne Isrel nantike mit ne Skraip nantike mit iuwe naanmipre winak iuwe ke God hir nanweikin sip nanweto, hir naniyep hi hahi. Maain wi wikak God kakikoya hi pike akrit hahu.”

²³Hirak katip epei au, Jisas katip mit nirak yapirwe kar ik: “Mitik kerek kakisisa hirak ekwenin han kirak me menmen hirak hanhan kakriakem, hirak hekrit hekrit han kitet, ‘Hi hahi entar hi hisesik hiram

§ 9:19 Lu 9:7-8 h 9:20 Jo 6:68-69 i 9:22 Lu 9:44, 18:32-33 j 9:23 Mt 10:38; Lu 14:27

menmen weinim te hi ehisesik.’²⁴ ^kKeimin ap kisisa kentar hirak wen hanhan kises han kirak, maain hirak kaki hirak ap kaku werek kaktike God au. Te keimin katip kar ik: ‘Hi ap hepu hises han kai hiram menmen weinim, te hi hises him me God,’ mitik ik kaku werek kakit tipmain tipmain enum eik. ²⁵ ^MMitik hak kakit menmen yapirwe me ti im te hirak kewaank menmen me kaku werek. Menmen me ti ik mamkepik kaku kaktike God mamirkeik a? Taauye! ²⁶ ^lKeimin hirak yink enuk kinapen kakisisa hetike him mai yaaim, hi anapen hirak kaku kaktikewa. Maain me wi hi Mitik ke wit ke Mitik Iuwe hi pike anen ariuwe menmen yaaim God Haai kakwetewem, hi etike mit yaain nirak ensel, hi hinapen mitik kar ik kaku kaktikewa au. ²⁷ ^HHi hetpi werek. Mit han neit in hir nani au ere hir epei nir menmen iuwe God kakriakem naanmamre mit kakriuerem.”

Jisas keweikinhis kar ke Mitik ke wit ke Go

(Mt 17:1-13; Mk 9:2-8)

²⁸ ^MMaain wi hispinak wikak (7) epei au, Jisas ken kiniu miniu (o neiyip) ken kaktip kaktike God. Hirak keithis Pita, Jems, Jon tetikerek ten. ²⁹ ^HHirak wen kitehi God menmen, ninaan mirak meweikinhis merhihe, klos mirak merhihe mire nepni mewenin. ³⁰ ^WWaswas mitikit wiketeret tan tetikerek tewepnak. Hirakit Moses ketike Ilaija. ³¹ ^mHirakit tetike menmen iuwe me God merhihe yaaim man, hirakit tetike Jisas tatip me menmen Jisas kakriakem, kises han ke God Haai, kaki kakit wit Jerusalem. ³² ⁿIn ek Pita ketike mitikit tau tetikerek hirakit tiwaai tinatin te hirakit tekrit tir Jisas kerhihe yaaim, hirak ketike mitikit wik terp en. ³³ ^HHirakit mitikit wiketeret tatnaaiwir Jisas tatno, Pita katip Jisas, “Kaiu Iuwe, hiram yaaim te haiu mau in ek. Haiu emime weisaak emir wikak: Hak kit, hak ke Moses, hak ke Ilaija.” ³⁴ ^HHirak wen katip him im e, napi kiwapini te hirakit wikak tinapen napi kiwapinet. ³⁵ ^oHirakit temtau God katip keke napi kar ik: “Ik ek hirak nikan kai, nipaa hi hehimitanek. Yi eiyimtau him mirak!” ³⁶ ^HHirakit temtau him matip epei au, hirakit tir Jisas kiutipen kerek kepu. Hirakit tekintip wire wire. Hirakit ap tatip mit neiyen me wi im Jisas ken ketikeri menmen hirakit epei tirem au.

Jisas kepir herwe mekeipin nikan kike

(Mt 17:14-21; Mk 9:14-29)

³⁷ ^MMaain teipmen hir nepei nekiuwe miniu (o neiyip) nan, hir mit yapirwe nan nir Jisas. ³⁸ ^MMitik hak kenine kekre mit yapirwe hirak katip kar ik: “Mitik Iuwe, hi hituthi iuwe te ti enen ehir nikan kai.

^k 9:24 Mt 10:39; Lu 17:33; Jo 12:25 ^l 9:26 Mt 10:33; Lu 12:9; 2Ti 2:12 ^m 9:31 Lu 9:22, 13:33 ⁿ 9:32 Jo 1:14; 2Pi 1:16-18 ^o 9:35 Lu 3:22

Hirak nikan kai kiutip kerek ek. ³⁹Herwe keweikin han kirak te waswas hirak kenepip hirak keperper kaa, hirak teknek mar tiwerpek kekesis him, herwe merekiwek enum ere hemkre meneises yink kirak, hirak kinapen kinaiwirek au. ⁴⁰Hi hitehi mit nit te hir nepirek taau.”

⁴¹Jisas kewenhi katip, “Yi mit han ki enuk yi han kitet menmen iuwe me God werek werek au. Hi hinapen hepu hetikewi wi yapirwe.” Hirak katip mitik eik kar ik: “Ti ehit nikan kit eiyik enen.” Hirak katip, te mitik ik keyiyik kepnen. ⁴²Nikan kepnen, herwe kewirek ken ti, hirak keperper. Jisas kene herwe enuk kepirek kekeipniwek, nikan kire yaaik, te hirak keriuwet nikan ken haai kirak. ⁴³Mit yapirwe han kekrit nentar menmen iuwe yaaim me God hir epei nirem.

Jisas katip keteipim maain hirak kaki

(Mt 17:22-23; Mk 9:30-32)

Hir wen han kekrit neriuwe menmen im, hirak Jisas katip mit nirak kar ik: ^{44p}“Yi han ekitet menmen werek werek hi in ek etpiyem. Hi Mitik ke wit ke Mitik Iuwe God, maain mitik hak kakwisa hi eno his me mit enun hir nantenina.” ⁴⁵Te hir ap nertei werek menmen hirak ketporem nentar hirak ap kekepi werek te hir nerteiyem. Hir ninaain pike nanitiwekhiyem.

Mit ne Jisas natipan mitik keimin ke hir mit hirak kinin mit han

(Mt 18:1-5; Mk 9:33-37)

⁴⁶Jisas mit nirak hir natipan nenehan keimin ke hir mit hirak kinin. ⁴⁷Jisas kertei menmen hir han kitetim, te hirak keit nikan kewisik kerp menep hirekes hirak ketpor kar ik: ⁴⁸“Keimin kikaap mitik kiutip kar ke nikan kike ik e kentar hirak kisisa, hirak kekepa. Keimin kekepa hirak kar ke hirak kikaap hirak Mitik Iuwe kerek keriuweta hi han. Keimin hirak han kitet hirak weinik ke yi mit, hirak kire iuwe kinini.”

Keimin hirak kire mitik kepan ke yi mit, hirak ki yinak yaaik

(Mk 9:38-40)

⁴⁹Mitik Jon katip Jisas kar ik: “Mitik Iuwe, haiu mir mitik hak kepir herwe kekrehir kit te haiu metpiwek hirak kakriakem au kentar hirak ke haiu mit au.” ⁵⁰Jisas ketpiwek, “Yi ap yeremiriwek menmen mirak hirak kiriakem au emit! Keimin hirak ap mitik kepan ke yi mit, hirak ki yinak yaaik yiriak menmen miutip.”

^p 9:44 Lu 9:22 ^q 9:45 Lu 18:34 ^r 9:46 Lu 22:24 ^s 9:48 Mt 10:40; Lu 10:16; Jo 13:20
^t 9:50 Mt 12:30; Lu 11:23

Mit ne wit kike ne Sameria ninapen nankaap Jisas

⁵¹ "Maain wi menep mamnen te Jisas kakno wit ke God, hirak han ekitet hirak kakno wit Jerusalem. ⁵² Hirak keriuwet mit han ninin nen niun wit kike ke provins Sameria hir nen ninatin winak newis menmen neiyim nemeriyiwek. ⁵³ "Au, mit in ap nekepek nentar hir nertei hirak kakno Jerusalem kakwenipi God, te hir nineinik. ⁵⁴ "Jems ketike Jon terteyek, hirakit tatip tar ik: "Mitik Iuwe, ti hanhan hawir wari si emoke wit ke God emnen si etin mit o au?" ⁵⁵ Te Jisas hirak keweikin keneret. ⁵⁶ Hirak keneret, te hir epei nen wit hak.

Mit han nanises Jisas

(Mt 8:19-22)

⁵⁷ Hir wen nitet yayiwe nanino Jerusalem, mitik hak katip Jisas kar ik: "Hi tewen aisesit epno nein kerek me ti eponi en." ⁵⁸ Jisas ketpiwek, "Miyak miwaai mekre nu herkip, hore miwaai mekre yaank mir, te hi Mitik ke wit ke Mitik Iuwe hi wit aure te hi ewaairi au. Ti ehisisa te ti ewaai nein?" ⁵⁹ Jisas katip mitik hak, "Ti ehisisa." Te hirak ketpiwek, "Mitik Iuwe, ti ewisa hi ehinin eno ewis haai kai kerek menep kaki kakikre hei, te maain hi ehisesit." ⁶⁰ Jisas ketpiwek, "Ti ewis mit kerek nisisa au hir enwis mit kerek naa, te ti eno ewepyapir him me God naanmamre mit."

⁶¹ "Mitik hak katip, "Mitik Iuwe, hi tewen ehisesit te hi ehinin eno atip miye haai kikrek nai hi enaiwiri." ⁶² Jisas ketpiwek, "Mitik kerek hirak kises him me God te hirak hanhan menmen enum nipaa hirak kisesim, hirak ap te kakises menmen me God werek werek au. Mitik ik kire mitik kamir rais keriuwe paap hihe, hirak kiwaainaan mentar sip kirak hirak kamir kewaankem."

Jisas keriuwet 70 mit han nen niriak menmen mirak

10 ¹ Jisas katip mit epei au, hirak kehimitan 70 mit han, hirak keriuweti nininek nen hirak kenkeri wik wik nerer wit wit kerek hirak menep te kaknen. ² Hirak ketpor kar ik: "Han ke mit hirak kire menmen mau ni epei mewinki te mit ap yapirwe nantiwem mamisi. Yi eiyitehi Haai ke ni te hirak kakriuwet mit yapirwe te hir nanino nanri han ke mit hir nanisesik. Menmen im hiram mire mit nanino ni nanit menmen mewinki ere mamisi. ³ Yi eino hi eriuweti yire sak nikim mamno yaank nepere kimaam kakmip. Te hi

¹ 9:51 Mk 10:32 ^v 9:53 Jo 4:9 ^w 9:54 2Kin 1:9-16 ^x 9:61 1Kin 19:20 ^y 10:1 Mk 6:7
^z 10:2 Mt 9:37-38; Jo 4:35 ^a 10:3 Mt 10:16

heriuweti yi yaino eitip mit him mai te God naanmamri. ^{4b}Yi ap eiyit tanik yinak o tanik me nemi niu mekrerem, hiram metike su mei au emit! Yi eisipat mit yayit yayiwe eitikeri eiwepnak au emit. Yi yayitpor him kike te yi yaino keriyen. ⁵Winak kerek yi yinik ek, yi eitip mit neimin nau winak ik ek, 'Hawir hanhan God kakrekyi yaain eiyu werek werek.' ⁶Mitik yaaik kepu in te him yaaim mi mamri han ke God kakikepik, o au en, God kakikepik kaku werek werek au. ^{7c}Yi eipau winak kiutip kerekek, eipaam menmen eipaam tipar kerek hir newisiyem. Yi ap eiwir nan eiwetirem eiyintar yi yiriak menmen mamkepi te hir naanmamri menmen. Yi ap eiyu eirer winak winak au.

^{8d}'Yi einu wit hak te hir nantihis, yi yayno yayim menmen yaitikeri yaipaam menmen hir naninkiyem. ⁹Yi eikaap mit ninap neitai en, te yi eiyitpor, 'God kerek wisenuk menep naanmamre haiu mit ne ti.' ¹⁰Te neimin yi yaino wit kir hir ap nantihis au, yi yaino eiyirp yayiwe kir eiyitpor, ^{11e}'Waniu me ti me wit ki ik mau hit maiu te haiu pike mesiunenim men yi hiras meteikni God han enuk keriuwi. Te hawir wetpi te yi yertei menmen im. Wi epei man menep te God naanmamre haiu mit.' ^{12f}Hi hetpi wi maain mamnen God skelim mit ne menmen enum, mit ne Sodom God kakiwaanki kike, te God kakiwaank mit in au wisenum.

Mit ne wit hir ap nises him yaaim au, hir naniwaank hiras
(Mt 11:20-24)

^{13g}'Yi mit ne Korasin God kakriwaank. Yi mit ne wit Betsaida God kakriwaank eiyintar menmen yaaim God kerekuiyem, te yi ap yeweikin sip yewet menmen enum. Yi epei yipirem yisisa au. Te nipaa God kiriak menmen mar im meit wit ke Taia ketike Saidon mit nirem, te hir waswas namir laplap enum newen toni te hir neteikin God hir neweikin sip newet menmen enum. Te yi au. ¹⁴Maain God skelim mit, hirak kakriak mit ne wit Taia ketike Saidon kakrekyor menmen enum kike, te yi mit yeit Korasin ketike Betsaida au iuwe. ¹⁵Yi mit ne Kapaneam, yi han kitet God katip yi yaain a? Au, maain God kaktip yi enun yire menmen weinin."

^{16h}Hirak katip mit nirak, "Keimin kemtau him mi, kemtau him mai. Keimin keweikin sip kewetiyem, hirak kar ke hirak keweikin sip kewetewem. Keimin keweikin sip keweto, hirak kar ke hirak keweikin sip kewet God kerek keriuweta hi han ti ik."

Hir mit 70 hir han yaaik pike nan

¹⁷Maain mit 70 han yaaik pike nan natip Mitik Iuwe, "Nipaa haiu matip mekrehir ke ti herwe metike menmen ham yapirwe hir nemtau

^b 10:4 Mt 10:7-14; Mk 6:8-11; Lu 9:3-5 ^c 10:7 1Ko 9:6-14; 1Ti 5:18 ^d 10:8 1Ko 10:27

^e 10:11 Ap 13:51, 18:6 ^f 10:12 Mt 10:15, 11:24; Jen 19:24-25 ^g 10:13 Mt 11:21-23

^h 10:16 Mt 10:40; Lu 9:48; Jo 5:23

him maiu, haiu minini.”^{18 i}Jisas kewenhi ketpor, “Hi epei hir Seten hirak kire nepni mewenin hirak keke nepni ken ti kentar menmen yi yiriakem. ^{19 j}Hi epei heweti menmen mai iuwe te yi yinin Seten. Yi yayintirer manpen siurp (o yenmik) yehes enum mamtike mispenepnam (o nikipinepnam) te hiram mamiwep, yi ap yayi au. ^{20 k}Yi ap han yaaik wisenuk eiyintar herwe nemtau him mi au. Yi han yaaik wisenuk eiyu eiyintar niuk mi God kewisim mau weiwik miutip mirak te yi yire mit nirak.”

Jisas han yaaik katip God hirak yaaik
(Mt 11:25-27, 13:16-17)

^{21 l}Me wi miutip keremem God Himin Yaaik kiriak Jisas han yaaik. Jisas katip kar ik: “Haai kai ti Mitik Iuwe ke wit kit ketike ti ik. Hi hetput ti yaaik hentar ti epei hisawin menmen mit me hir mit iuwe kerek han kitet hir nertei menmen werek werek, ti epei heteikin mit weinin em. Ti epei hiriak menmen im hises han kit kerekek. ^{22 m}Ti Haai kai Iuwe God epei heweto menmen mit yapirwe. Mitik keiyak ap kertei hi Nikan kit hi han kai hirak kar ke kit au. Ti God Haai kerekek herteiyek. Mitik keiyak ap kertei ti Haai kai hirak kire han kai han kit au. Hi Nikan kit kiutip kerekek, hetike mit in en hi eweputyapiri.” ^{23 n}Hirak katip epei au, hirak keweikin kir mit nirak disaipel ketpor main main kar ik: “Yi han yaaik eiyu eiyintar menmen hi hiriakem yi yirem. ^{24 o}Hi etpi nipaa enum eik mit profet yapirwe kerek newepyapir him me God, hir netike mit kerek naanmipre mit ne wit Isrel, hir hanhan nanir menmen yi epei yir hi hiriakem, te hir au. Hir hanhan nanimtau menmen yi epei yemtewem hi hetpim te hir au. Hir epei naa.”

Jisas katip him me mitik ke Sameria han tewenin
kakikaap mitik kerek mit nepan nakip

^{25 p}Wi ham mitik kerek kinin kertei him me Moses kewepyapirem hirak kekrit kan katip kewises Jisas keriuwe him me Moses. Hirak kan katip Jisas kar ik: “Mitik Iuwe. Hi eriak mekam te hi ehu etike God tipmain tipmain enum eik?” ^{26 q}Jisas ketpiwek, “Him me God Moses kewisim mau tiwei matip mekam? Ti etpo mekam ti han kitetim.” ^{27 r}Hirak kewenhi ketpiwek, “Ti hanhan Mitik Iuwe God kit wisenuk heriuwe han kit, han ekitetik herkit hekrit. Ti hanhan mit han o nit yinan har ke ti hanhan hirekes.” ^{28 s}Jisas ketpiwek, “Hiram werek. Ti eriak menmen im te ti etike God yaikiyakit yayu tipmain tipmain enum eik.”

ⁱ 10:18 Jo 12:31; Rev 12:8-9 ^j 10:19 Jen 3:15; Sam 91:13; Mk 16:18 ^k 10:20 Mt 7:22; Eks 32:32; Fl 4:3; Rev 3:5 ^l 10:21 1Ko 1:26-28 ^m 10:22 Jo 3:35, 10:15 ⁿ 10:23 Mt 13:16-17
^o 10:24 1Pi 1:10 ^p 10:25 Mt 22:35-40; Mk 10:17; Lu 18:18 ^q 10:27 Diu 6:5; Lev 19:18
^r 10:28 Lev 18:5; Ro 10:5; Ga 3:12

²⁹Mitik yink enuk kentar Jisas kenerek te hirak kewen tapin te hirak kitehi Jisas kar ik: “Keimin ti hatip hi han kitet hirak kai yinak?” ³⁰Jisas kewenhi ketpiwek, “Nipaa mitik kiutip kinaaiwir wit Jerusalem kekiuwe ken wit Jeriko. Mit enun nisawin nakip nari menmen mirak, ninaiwirek kiwaa yayiwe maain hirak kaki, hir nirir. ³¹Me wi im mitik pris kerek kewet God menmen me mit, hirak kekiuwe yayiwe eik, hirak kirek te kesipatek ken yayiwe pinak ein kepno. ³²Maain kike, mitik ke weiwik me Livai kerek naanmipre winak iuwe ke God, hirak kan kir mitik kiwaa keriyen, te hirak kesipatek ken yayiwe pinak ein kepno.

³³“Maain mitik kiutip ke mit yapirwe ne Sameria kerek ninapen mit ne Isrel, hirak kerekek kekiuwe yayiwe ken. Hirak kir mitik kiwaa, hirak hanhan keriuwerek. ³⁴Hirak ken kirek kewen tipar me nu oliv metike wain hiram mipre marasin menterik. Te hirak kemsiwiek his hit. Epei au, hirak kinanek ere kewisik kentar hos pirak, hirak keiyik ken winak kerek mit nererik niwaa ek, hirak naanmiprewiek. ³⁵Teipmen, hirak keit pewek wik kewet mitik ke winak em, hirak ketpiwek, “Ti naanemprewiek ere hirak pike yaaik. Maain hi pike enen hi ewetit nan emrer mit kerek ti ewirem eyim ekepik heriuwerem.”

³⁶“Keimin ke mitikit wikak hirak kire kirak yinak ke mitik ik kerek mit enun nakip?” ³⁷Mitik Skraip kerek kewepyapir him me Moses hirak katip, “Hirak mitik kerek kekepik kerekek.” Jisas ketpiwek, “Ti eno eriak menmen yaaim mamir im.”

Jisas ketike mit nirak disaipel nen nir Mata wetike Maria

³⁸Jisas ketike mit nirak disaipel nepno, hir nipiun wit hak mite piutip niuk mire Mata wau en, te hire weriyei nen winak kire, nanit menmen nanim. ³⁹“Mata kikir pire Maria, hire wau menep hit me Jisas wawimtau menmen hirak ketpim. Hire ap wikaap Mata wemani menmen. ⁴⁰Mata han enuk wentar menmen yapirwe hire wauriakem me naanmamre mit te hire wan watip Jisas war ik: “Mitik luwe ti han kitet hiram menmen weinim kikir pai winaiwira wemtau him mit te hi hirehes hiriak menmen iuwe im e? Ti etpiwe hire eunen eukepa.” ⁴¹Jisas ketpiwe, “Mata, tewisiye ewit! Ti hanhan menmen yapirwe ti hiriakem. ⁴²“Menmen miutip te ti ap etiwem, Maria epei weit menmen im yaaim, te ti ap eriyi te hire waunaiwirem au. Hire ewu ewimtau him hi hetpim.”

Jisas keteikin mit nises menmen mirak hir enitehi

God menmen emirkeik

(Mt 6:9-15, 7:7-11)

11 ¹“Wi ham Jisas kitehi God menmen keit wit hak. Hirak kitehi God menmen epei au, mitik hak ke mit disaipel kerek nises

^s 10:39 Jo 11:1, 12:2-3 ^t 10:42 Mt 6:33 ^u 11:1 Lu 5:33

him mirak nitiwekhi, “Mitik Iuwe, eteiknai menmen me prea te haiu mamitehi God menmen mamir ke Jon epei keteikin mit kerek nises him mirak.”² Jisas ketpor kar ik: “Yi eiyitehi God menmen emir im. Yi eitip,

‘Haai, haiu hanhan niuk mit mire iuwe te ti enip mit hir nanwenipi nuik mit. Wi mamnen te ti naanmamre haiu mit.

³ Ti petepin ewetei menmen emim har ke nipaa ti eweteyem hekrit hekrit.

⁴ Ti esak menmen enum haiu miriakem ap han ekitetim emir ke haiu hiras matip menmen mit nerekyeyem hiram menmen weinim, haiu han ekitetim au emit!

Ti ap ewis menmen enum mamri han kaiu.’”

⁵ Jisas katip mit nirak, “Mitik kiutip ke yi mit ke nimin hirak kakno winak ke kirak yinak, hirak kakitpiwek, ‘Ti eweto niu mei wikak. ⁶ Kai yinak hak keke yanimin kan kira, te hi ap etenen menmen mei au, te hi ewetiwekem.’ ⁷ Hirak keit nimin kakwenuthi kakitput, ‘Hi epei heiyepet weipir, nikerek nai niwaa netikewa, hi ap te akrit awetut menmen taau.’

⁸ Hi etpi hirak ap kakikrit kakwetut menmen kentar mitik hirak kit yinak au, te hirak kakikrit kakwetit menmen kentar ti hitiwekhi yapirwe me menmen. ⁹ Hi hetpi, yi eiyitehi God menmen te hirak kakwetiyem. Yi yinyatin menmen te yi yainapinem. Yi yeretit weipir te hirak kikeiswi weipir kirak. ¹⁰ Hi hetpi menmen im hentar keimin kitehi God menmen, hirak kakwetiwekem. Keimin kinkatin menmen kaknapinem. Keimin keretit God kekeisiwek weipir.

¹¹ “Keimin ke yi mit hirak kire haai te nikan kit kitiwekhi sauk te ti ewetiwek manpen siurp o miniuhan (neiyip han) te hirak kakim a? Taau! ¹² O hirak kituthi suware yinu, te ti ewetiwek mispenepnam (o nikinpenepnam) a? Taau! ¹³ Te yi mit enun yi yertei yewet nikerek ni menmen yaaim, te God Haai ki keit wit kirak kakinin menmen yi yewet nikerek em. Hirak kakwet Himin kirak Yaaik kakno mit kerek hir nitiwekhi me hirak.”

Mit natip Seten Bielsebul kikaap Jisas kepir herwe

(Mt 12:22-30; Mk 3:20-27)

¹⁴ Maain Jisas kepir herwe kekere mitik kerek han enuk him kitapu. Te hirak kenip mitik hirak kau kekrerek hirak him kitapu. Herwe kinaiwirek, mitik enuk hirak katip, te mit yapirwe han kekrit neriuwe menmen im. ¹⁵ “Au, mit han natip, “Hirak kepir herwe kentar Bielsebul hirak wisenuk kinin herwe hirak kekepik kepirek.” ¹⁶ ^x Mit han hanhan Jisas kakriak menmen nipaa hir niriakem taau, kakteiknor hirak mitik kerek God kehimitanek kaknen kakikaap mit. ¹⁷ Au, Jisas kertei menmen

† 11:8 Lu 18:5 * 11:15 Mt 9:34, 10:25 x 11:16 Mt 12:38

hir han kitetim, te hirak ketpor kar ik: “Wit kiutipen mit newi hir hiras nenepan te mit ne wit hak naninip nani naninepi. Iuwe mitik ketike kike tenepakit te hirakit tatiwaank weiwik mirakit. ¹⁸Yi yatip Seten Bielsebul kekepa hi hepir herwe mirak te yi yatip hirak ketike herwe mirak nenepan. Seten kiriak menmen im, karkeik te hirak kaku werak naanmipre menmen mirak werak werak a? Taauye! ¹⁹Hi hepir herwe hentar Bielsebul kekepa, te keimin kikaap mit kerek nises him mi hir nepir herwe a? Mit nises him mi nanteikin yi ap yatip werak werak nentar hi hepir herwe neriuwe niuk me God. ²⁰Te hi hepir herwe heriuwe menmen iuwe me God. Menmen im hi hiriakem meteikni God epei kan menep kakinin naanmamri yi mit. ²¹Mitik iuwe keit yipo henmik naanmipre wit kirak, menmen mirak mepu werak. ²²Te mitik hak hirak manpenuk kinin mitik ik, hirak ketikerek tenepakit, hirak kinaiwirek hirak kakri yipo henmik mirak kerek mitik nipaa han kitet hiram mamkepik, hirak kakriyaam mamtike menmen mirak yaaim mamno, hirak kakinkerem kakwet nirak yinan em. ²³Keimin hirak ap kekepa kari mit nanisisa, hirak kar ke mitik kepan kakiwaank mit nai nisisa, hir nanwep nanrir ein ein.

Herwe enuk pike kaknen kaku mitik han kirak

(Mt 12:43-45)

²⁴“Wi kerek herwe enuk kaknaaiwir mitik, hirak kakno wit tenhaan weinik kakinkatin nein te hirak kakwi, o au en, hirak kaktip, ‘Hi pike enen nai kerek nipaa hi hewiyen.’ ²⁵Hirak kaknen, hirak kakir han ke mitik kipre winak miyapir niripep menmen nikin nakirke mekre winak. ²⁶Hirak kipirek, te hirak kakno kakithis herwe ham hispinak wik (7) hiram enum mininek, te hiram mamtikerek mamnen mamu mitik kerek ek. Nipaa hirak mitik kire enuk te in ek au mamiwaankek.”

Menmen mit enisesim te hir han yaaik enu

²⁷cJisas katip menmen im epei au, mite piutip pe mit yapirwe hire watip him iuwe war ik: “Peimin hire winit wewetut nim hire han yaaik wepu.” ²⁸dTe Jisas kewenhi katip, “O, hire han yaaik. Te neimin nemtau him me God nisesik, hir han yaaik kir kakinin miye pai.”

Mit han hanhan nanir menmen yaaim Jisas kakriakem

(Mt 12:38-42; Mk 8:11-12)

²⁹eMit yapirwe nan neweikin Jisas, hirak wen katip kar ik: “Mit miyapir nau ti in e, hir enun hir nitauhi hi ariak menmen yaaim eteiknor God han

^y 11:20 Eks 8:19 ^z 11:22 Kl 2:15 ^a 11:23 Lu 9:50 ^b 11:26 Jo 5:14 ^c 11:27 Lu 1:28, 42, 48 ^d 11:28 Lu 8:15, 21 ^e 11:29 Mt 16:4

yaaik keriuwa. Te hi eteiknor menmen yaaim yapirwe au. Menmen miutip me mitik Jona kerek nipaa God kekepik kepu kekre tu ke saauk me wi wikak. ³⁰Nipaa Jona hirak kiwaai kekre saauk tu kirak me wi wikak, te God keteikin mit ne Nineva menmen mirak iuwe keriuwerem. Mar im hi Mitik ke wit ke Mitik Iuwe hi eteikin mit in menmen mar im eteiknor menmen iuwe me God. ³¹Me wi God skelim mit, mite iuwe naanmipre mit ne wit Siba, hire wautip yi enun wentar nipaa hire weke yanimin wan wentau him yaaim mitik iuwe King Solomon ketpim. Hi hinin mitik iuwe Solomon te yi ap yemtau him mai au. ³²Maain wi God skelim mit, mit enun ne Nineva nantip yi enun yinini nentar nipaa hir nemtau Jona kewepyapir him me God, hir neweikin sip newet menmen enum. Hi hinin profet Jona, te yi ap yeweikin sip yewet menmen enum, te yi yises him mai au.

Nanamir hirak kire si keteikni menmen

(Mt 5:15; 6:22-23)

³³h“Mitik hak ap keksiu si te kakwisik kaksawinek kaknik winak, o kaknik tikenup. Au, hirak ekirp yaain te mit neimin naninen nimin hir enir si mamir. ³⁴Nanamir kit hirak kire weipir. Nanamir kit naanmipre menmen yaaim te ti han kitet menmen yaaim, o au en, ti nanamir kit naanmipre menmen enum ti han ekitet menmen enum hemkre menepam heriuwerem. ³⁵Te yi naanempre hiras te nanamir ki hirak kire weipir hirak ap ekwis menmen enum mamu mamikre han ki. ³⁶Mitik han kirak werek, hirak han kitet menmen werek werek. Te hirak kertei werek werek menmen God kiriakem keteikniwekem. Hirak kire mitik han kirak kire si kir keteikniwek menmen.”

Jisas kene mit Farisi netike mit ne Skraip

(Mt 23:1-36; Mk 12:38-40; Lu 20:45-47)

³⁷iJisas katip him mirak epei au, te mitik hak ke Farisi kitiwekhi, “Ti enen winak etikewa ewim menmen.” Hirak ketpiwek, hirak ketikerek tariyakit ten. ³⁸Hirakit tariyakit ten, mitik ke Farisi kehinhin kentar Jisas hirak ap kises him me maamrer nir, hirak ap kekemyet his mirak te kakim menmen taau. ³⁹Mitik Iuwe Jisas ketpiwek, “Yi mit ne Farisi yekemyet sar wenkepye mi au werek, te yi ap yirak han ki keit nimin yaaik au. Hirak enuk kises menmen enum mire hemkre menepam me menmen o yi yetike miyapir yiriran. ⁴⁰Yi yetaritari mit! Hirak God kerek kerekyi yink ki hirak kirak han ki ketikerek. ⁴¹Yi eiwet mit menmen mi yapirwe mekre sar o wenkepye hiram mamkepi te menmen mekre han ki hiram yaaim. ⁴²kYi mit ne Farisi menmen enum mamnen mamiwep

^f 11:31 1Kin 10:1-10 ^g 11:32 Jna 3:5-10 ^h 11:33 Mk 4:21; Lu 8:16 ⁱ 11:37 Lu 7:36, 14:1
^j 11:38 Mt 15:2 ^k 11:42 Lev 27:30

mamintar yi yewet God menmen meiyam kike me menmen yapirwe yi yetiwem yaaim te yi ap yiriak mit yapirwe menmen mipiram au. Yi ap han tewenin God werek werek au. Yi eyinin eiriak mit yaaim mipiram, yi hanhan God, menmen im metike menmen me yi eiwet God menmen kike me menmen yapirwe, hiram yaaim iuwe. Te yi au yinapen.

⁴³“Yi mit ne Farisi menmen enum mamiwep mamintar yi hanhan yayu yeno yaaim me mit iuwe yayit winak kerek mit nererik nekine him me Moses. Yi hanhan mit nanitpi nanwenipi niuk mi nanit maket, wit kerek mit nererik nesiuwe menmen mir.

⁴⁴“Yi mit ne Farisi menmen enum mamiwep mamintar yi enun yire hei ke herwe kekrerek mit ap neriuwesisek au. Menmen yaaim mit hir niri yi yiriakem, hiram misawin menmen enum mekre han ki mire meri miwapin hei enuk keriuwe herwe enuk kinin kekrerek. Maain mit han nises menmen yi yetporem hir enriakem te hir nepitari hir nises menmen enum mar ke yi mit yiriakem.”

⁴⁵Mitik ke mit Skraip katip Jisas kitiwekhi, “Mitik Iuwe, ti atip menmen im ti enai metikeri.” ⁴⁶Jisas kewenhi ketpiwek, “Yi mit ne Skraip menmen enum mamiwep mamintar yi yewis him ham weinim mamtike him yaaim me God, te mit ap nanisesim werek werek taau. Yi yenip mit hir nanisesim te yi ap eyisesim au.”

⁴⁷“Menmen enum mamiwep mamintar yi yeses herwe hei mikaap mit han tewenin mit profet kerek nipaa maamrer keriyen hir nanip. ⁴⁸Yi hiras yeteikin yi yertei menmen enum maamrer ni nipaa niriakem, yi han yaaik yeriuerem yentar yi naanmipre herwe hei im e.

⁴⁹“God kertei menmen im te nipaa hirak katip him mar im: ‘Hi tewen ariuwet mit profet nantike mit aposel nanino mit ne Isrel. Han hir nanrekyor enum, mit han hir naninip.’ ⁵⁰Te God kaknep yi mit ne Isrel yau ti ik kar ke hirak kaknenp maamrer ni kerek nipaa hir nenep profet yapirwe naa me nipaa enum eik ere in. ⁵¹¹Nipaa Ebel hirak profet kinin kaa hemkre mirak mewen ere mitik profet kikaru Sekaraia kaa kerp nimin kinaan kerek mit newis menmen me God mewik metike winak iuwe ke God. God kakriak mit ne Isrel nau in enum enum kakinterim.

⁵²“Yi mit ne Skraip menmen enum mamiwep. Yi yertei him me God te yi yeweikin him mirak mire menmen ham. Yi yinapen yises him mirak werek werek eyintar yi hanhan mit naninen nanitih markeik te hir enises God werek werek. Yi enun yar ke mit yeiyepet weipir menmen mau meit nimin. Maain mit naninen nanim menmen yi ap eiwisi nanino nimin nanim menmen au. Hir nanu nanit.”

¹ 11:51 Jen 4:8; 2Kro 24:20-21

⁵³Maain Jisas kinaaiwir winak ik ken witeik, mit ne Farisi hir han enuk nitiwexhi menmen yapirwe ⁵⁴^mnemeriwiwek hirak kaktip menmen enum te hir nansiwek him nankip.

Yi naanempre hiras me him mit enun nemipin hir netpim

(Mt 10:26-27)

12 ¹Mit miyapir yapirwe nerp menep menep te hir nentireran, Jisas katip mit disaipel nirak kinin kar ik: “Yi naanempre hiras te yi ap eiyises him me mit ne Farisi. Hiram enum mire sak haak. Hi atip hir mit enun nemipin, hir newirnak nekteni te hir nises han kir. ²Menmen yapirwe kerek misawin, maain God kakwepyapirem te mit nanirem nanirteiyem. ³Maain him kerek yi epei yetpim me witaan te God ke wepni kakwepyapirem mit nanimtwem. Menmen kerek yi yatip mit han em yi yisawin yekre winak, maain God kakwepyapirem kakit wit eik te mit neit wit nanimtwem.

Jisas katip keimin kerek mit nanineinik

(Mt 10:28-31)

⁴“Hi hetpi nai yinan, yi ap einapen mit au emit! Hir nenep mitik yink kerekek, te maain hir ap te nanriak menmen meiyam taau. ⁵Hi hetpi eteikni keimin kerek yi eineinik. Yi einapen God. Hirak kakiwep epei au, hirak enuk manpenuk te kakwiri yaino si enum. Hi hetpi, yi eineinik.

⁶Hore kike hispinak (5) mit newir pewek wik nantiwem. Hore kike mit namip hiram menmen weinim te God epei kertei hiram maa. ⁷God epei kertei menmen iuwe, hirak kewenhis kertei paan marmenum miwapiin paan hesnu ki. Te yi ap einaain menmen au. God katip yi himin ki hirak menmen iuwe kinin hore. Hore hiram menmen weinim ap himin kewim au. God hanhan hore, te hirak hanhani mit wisenum naanmamri.”

Him me mit hir natip hir nises Jisas

(Mt 10:19-20, 32-33, 12:32)

⁸Jisas wen katip, “Hi etpi nai yinan, mit niutip niutip neimin newepyapir hiras nisisa nerp ninaan me mit miyapir yapirwe, te hi Mitik ke wit ke Mitik luwe maain hi ewepyapir mit in me ninaan me mit ensel ne God, hi atpor hir nikerek ne God keriyen. ⁹“Te neimin hir nepakin hir nisisa me ninaan me mit, maain hi Mitik ke wit ke Mitik luwe apakini hir ne God nerp ninaan me mit ensel ne God.

¹⁰“Mit neimin niutip niutip natip netawin hi Mitik ke wit ke Mitik luwe, hi asak menmen enum mir. Neimin kerek natip neratawin God Himin Yaaik, God Haai ap te kakisak menmen mir taau. Hiram mamu mamit.

^m 11:54 Lu 20:20 ⁿ 12:1 Mt 16:6 ^o 12:2 Mt 10:26; Lu 8:17 ^p 12:7 Lu 12:24, 21:8; Ap 27:34 ^q 12:9 Lu 9:26 ^r 12:10 Mk 3:28-29

¹¹“M̄it maain nansiuwe him nan̄intar yi yises him mai, hir nantorhis nanri nanino winak kerek m̄it nererik nekine him me Moses neitai, o yi yayirp ninaan me m̄it iuwe gavman netike kaunsil, te yi ap hanhan menmen te yi yayitpim te yi eikaap hiras au. ¹²Yi hanhan em au eīȳntar me wi eim God Himin Yaaik kakwis menmen mamikre han ki te yi eīȳtporem.”

Jisas katip tok piksa me mitik iuwe ap kises God au

¹³M̄itik kiutip ke m̄it yapirwe nerp en katip Jisas kar ik: “M̄itik luwe ti atip heiyiuwe kai te hirak ekweto menmen mei me menmen haai kawir kaa kewisim miwaaari, maain hawir ewinkerem ewetakit.”

¹⁴Jisas ketpiwek, “M̄itik keimin kehimitena te hi ehinke menmen mi a?”

¹⁵“Hirak keweikin katip m̄it yapirwe, “Naanempre hiras te yi ap hemkre menepepam me menmen yapirwe. Menmen yapirwe mitik kentenenim ap te mamkepik kaku au.”

¹⁶Jisas ketpor him tok piksa mar im: “M̄itik hak iuwe kamir ni hiram matin yapirwe. ¹⁷Te hirak han kitet kar ik: ‘Hi ariak mekam? Hi menmen yapirwe te hi ewisim emwaai nein? Winak au.’ ¹⁸Hirak katip, ‘Hi are ariak menmen im. Hi ewep winak ketike weisaak me teket te hi ehime ham wisenum minin im te hi ewis menmen mamwaai weisaak mamtike menmen mewo meit ni eim, hiram mamno mamwaai mamikre weisaak kerem em. Hi ariak menmen im, te ¹⁹hi atip hirekes, Ti epu werek werek menmen meiyam yapirwe mepeit me tito yapirwe. Ti ehu ehim menmen ehim tipar si enum ehu han yaaik.’ ²⁰Au, God ketpiwek kar ik: ‘Ti etaritari mitik! Witaan ik ek ti hahi, himin kit kakno, te menmen mi yapirwe ti epei hetiwem hewisim miwaai meit, maain keimin kaktiwem a? Ti au!’ ²¹“Keimin keit menmen yapirwe kakikaap hirekes, te hirak ap kises menmen God hanhan hirak kakisesim, hirak enuk kar ke mitik eik e.”

Yi han kitet God kakikepi kerekek

(Mt 6:25-34)

²²Jisas katip mit nirak disaipel kar ik: “Yi eīȳises menmen God hanhan yi eīȳisesim, te hi hetpi menmen im: yi ap han ekitet karkeik eīȳit pewek eīw̄irem eīȳit menmen yi yayim o menmen yi eimir emu yink ki au emit!

²³Himin ki kepu werek, hirak kinin menmen yi eīȳim. Yink ki kaku werek werek kakinin menmen yi yamir. ²⁴“Yi yayir hore tepre. Hiram ap mamir ni meket teket au. Hiram mime winak te mewis menmen mekrerem au, te God kewetir menmen. God han kitet yi iuwe yinin hore, hiram au menmen weinim. ²⁵M̄itik keiyak hirak han kitet kakriak menmen te hirak kaku wi meiyam o tito yapirwe au. ²⁶Yi ap eiriak

^s 12:11 Mk 13:11; Lu 21:12-15 ^t 12:15 1Ti 6:9-10 ^u 12:21 Mt 6:19-20 ^v 12:24 Sam 147:9; Lu 12:7

menmen kike mar im au, te yi yenmak han kitet menmen ham te yi yayu werek werek a? Au emit!

²⁷“Yi yayir timen miwaai yayiwe. Hiram mewo, hiram ap mesikek yiwaap mekerwo menmen au. Te hiram yaaim mir minin mitik iuwe King Solomon hirak ketenen menmen yapirwe. Hirak nipaa ap kamir menmen mau yink kirak yaaim minin timen im au. Te timen hiram menmen weinim. ²⁸God kerekek kiriak menmen im hiram yaaim te hiram petepin mepu teipmen mami, te mit nantiwem neiyim nanwirem mamikre si. Timen im hiram menmen weinim, te God kakweti menmen yi yaimir mamu yink. Yi ap han kitet God werek werek au. ²⁹Yi ap han kitet yapirwe yi yayit menmen o tipar te yi yayim ere tu iuwe au emit! ³⁰Mit nerer wit wit ap nises God hir han kitet menmen mar im. God hirak Haai ki kertei yi yayit menmen im te yi eiyu. ³¹Te yi yinin eiyises menmen God hanhan yi eiyisesim, te hirak kakweti menmen mamkepi yi yayu werek werek.”

Yi hanhan yaiwis menmen yaaim mamu wit ke God
(Mt 6:19-21)

³²“^wYi mit nai yire sipsip, yi ap einaain menmen au eiyintar God Haai ki kakwisi yi eiyinin naanmamre mit me menmen mirak. ³³“Yi yesiuwe menmen yapirwe kerek yi yetenenim yayit pewek mererim eiwet mit weinin m. Mar im yi yaiwis menmen yaaim mamkepi mamwaai wit ke God. Hiram mamu mamit te mit enun nekintip menmen o wesiuk mamnen mamiwaank menmen mi mamit en au emit! ³⁴Menmen ti hanhanem, han kit ekitetim.

Mit naanempre menmen me mitik iuwe hir enmeriyiwek

³⁵“Yi eimir laplap tokim keremem, yi eiyit waai eiyik eitepenem eiyiksiu si, yi eiyu eimerir menmen mamnen. ³⁶“Yi yayre mit nemerir mitik iuwe kir kaknen kakike wit kerek mite wetike mitik neitan neitai ein ek, hirak kaknen wit kirak te hir naninkiwiek weipir wasenum kerek hirak kan keretitek. ³⁷“Te mitik iuwe kaknen kakri mit niriak menmen mirak ap niwaai au, te mit keriyen hir han yaaik. Hi etpi te hirak kakmir laplap tokim mirak hirak kakitpor nanu yeno kerek naam menmen menterim, te hirak kaknen kakwetir menmen hir nanim kakir ke wok mitik kir. ³⁸Te hirak kaknen kaki wi nimin suware kenep enum, hirak kir mit niriak menmen mirak hir nepu, hir han yaaik nanu.

³⁹“^bYi eiyirtei menmen im e. Mitik ke winak epei kertei wi kerek mitik enuk kekintip menmen kaknen, te hirak ap kakwisik kakwep weipir

^w 12:32 Lu 22:29; Rev 1:6 ^x 12:33 Lu 18:22 ^y 12:35 Eks 12:11; Mt 25:1-13; 1Pi 1:13

^z 12:36 Mk 13:33-36 ^a 12:37 Jo 13:4 ^b 12:39 Mt 24:43-44; 1Te 5:2

kakno nimin kekin menmen mirak au. ⁴⁰Yi yire mitik eik e. Yi eimeriyo hi Mitik ke wit ke Mitik Iuwe hi pike anen me wi yi yepitari hi anen.”

Jisas katip him tok piska me mitik yaaik mitik enuk
(Mt 24:45-51)

⁴¹Jisas katip epei au, Pita kitehi Jisas, “Ti hetpei keriyen him im o haiu mit yapirwe?” ⁴²Te Jisas kewenhi katip, “Hi hetpi yi yapirwe. Yi han kitet keimin kiriak menmen me mitik iuwe, hirak yaaik kemtau him kisesim? Hirak mitik kerek mitik iuwe kirak kakwisik kakinin naanmamre mit han kerek niriak menmen me mitik kiutip kerek ek, hirak kakinin kakwetir menmen yaaim nanim me wi hirak kewetirem. ⁴³Maain mitik iuwe kaknen kakir mitik kiriak menmen mirak hirak wen kiriakem, te hirak han yaaik keriuwerek, te mitik kerekek han yaaik. ⁴⁴Hi hetpi werek. Hirak kakwisik naanmamre menmen mirak yapirwe. ⁴⁵Mitik hak kiriak menmen me mitik iuwe kirak kaktip, ‘Mitik iuwe kai ap te kaknen waswas,’ te hirak kaknep mit han kerek niriak menmen me mitik iuwe kerek ek, kaknep miyapir kerek niriak menmen me mitik iuwe kerekek, neiyewewan, kaam menmen metike tipar si enum. ⁴⁶Te mitik iuwe kerekek maain hirak kaknen me wi hirak ap kermeriyiwerek au. Hirak han kaa pike kaknen keremem. Hirak au ketari, te hirak kakreyiwerek enum kakiwaankek kaksuwerek kakno kaktike mit han kerek niriak menmen mirak ap nises him mirak werek werek au.

⁴⁷^d“Mitik kerekek kemtau him me mitik iuwe kirak, te hirak ap kises him mirak, hirak mitik iuwe kirak kakikip wisenum kakriuwe nipin. ⁴⁸Te hirak keimin ap kertei werek werek menmen mitik iuwe kirak hanhan hirak kakriakem, hirak kiriak menmen enum, te mitik kirak kakip kakriuwe nipin au kike. Mit kerek God kewetir menmen yapirwe, maain hir pike enwet God em. Mit neimin kerek neit menmen yapirwe me mit, maain hir pike enwetirem yapirwe.”

Jisas kan kakinke mit miyapir nanwep pinan nanino
in, nanwep pinan nanino ein
(Mt 10:34-36)

⁴⁹Jisas wen katip, “Hi han hewir si meit ti ik, te hi hanhan si emirhihe waswas, ⁵⁰^ete hi ahinin ahiwaanek wisenum hahi. Han kai enuk heriuwe menmen mamrewaank ere hiram epei au. ⁵¹Yi han kitet hi epei han te hiriak mit nankiyan nanu nanit a? Au, hi epei han te hi ewep mit miyapir han naninepan nanintar him mai. ⁵²In ek ere maain mit ne winak kiutip nar mit hispinak (5) hir naninke. Mitikit wikak tatkitite mitikit wiketeret naninehan naninepan nanintar him mai. ⁵³^fMit naninkehan. Haai kaktike nikan kirak

^c 12:44 Mt 25:21, 23 ^d 12:47 Je 4:17 ^e 12:50 Mk 10:38-39; Mt 26:38; Jo 12:27
^f 12:53 Mai 7:6

tatnehakit tatnepakit. Miye wautike niki pire naninehan naninepan. Mite wautike yani pire naninehan naninepan nanintar him mai.”

Mit nertei menmen me ti o nepni te hir nepitari menmen me God
(Mt 6:2-3; Mk 8:11-13)

⁵⁴Hirak katip disaipel nirak epei au, hirak katip mit miyapir yapirwe kar ik: “Yi epei yir napi meke wit kerek wepni kewen ken keremem, waswas yi yatip, ‘Hawi kaknen.’ Maain hirak kaknen. ⁵⁵Yi yemtau nime wenituk meke wepni kokai kan te yi yatip, ‘Wepni sisi iuwe kaknen.’ Maain hirak kaknen. ⁵⁶Yi mit enun yemipin. Yi yertei menmen me ti o nepni. Yi yenmak te yi yetari menmen God in ek kiriakem a?

Yi eitike mit kerek nansiuwi him yi eikiyan eiyu
(Mt 5:25-26)

⁵⁷“Yi yenmak te yi ap han kitet menmen yaaim te yi yiriakem a?
⁵⁸Mitik hak kesiuwe him kerwit (o kerwetit) te ti eno ehir mitik iuwe ke gavman. Ti eno kot hitet yayiwe, ti etpiwek te yi eikiyakit eiyu, o au en, hirak kakirit eno kot, maain mit nanwirit eno winak enuk. ⁵⁹Hi etput, ti ehu ere ti ewir pewek eiyim etnik.”

Mitik ap keweikin sip kewet menmen enum hirak kaki

13 ¹Me wi im, mit han nepu en hir natip Jisas nar ik: “Mit han ne Galili nen winak ke God nenep samiyak mir newepwarem nanwet God em, te mitik iuwe gavman Pailat kesiuwe mit nirak ne ami nen nanip, hemkre mir meweiknenim metike miyak miwaai kinaan.”
²Jisas kewenhi ketpor kar ik: “Yi han kitet mit hir naa nar ik, menmen im meteiknai mit in ne Galili hir niriak menmen enum minin mit han ne provins Galili a? Taauye! ³Hi etpi werek. Yi ap eiweikin sip eiwet menmen enum yi yayi yayir ke mit ein ne provins Galili epei naa. ⁴Yi yertei mit hiswiyen hispinak (15) naa neit tipar me wit Siloam nentar winak nokik kewen kanip? Yi han kitet menmen enum hir niriakem hiram minin menmen enum mit han ne wit Jerusalem niriakem a? Taauye! ⁵Hi etpi werek. Yi ap eiweikin sip eiwet menmen enum yi yayi yayir ke mit in.”

Jisas katip him tok piksa me nu ap kine nikim au

⁶Hirak wen ketpor him tok piksa hirak katip kar ik: “Nu hinaan kewo keit ni me mitik hak. Hirak ketpaan ken kakir nikim au, hirak kuwaau (o kiwaau). ⁷Hirak kuwaau (o kiwaau) au, hirak katip mitik kerek naanmipriwek ni mirak kar ik: ‘Ahirem! Tito wikak hi han hen hir nu

§ 13:2 Jo 9:2 h 13:3 Sam 7:12 i 13:6 Mt 21:19 j 13:7 Lu 3:9

hirak ap kine nĭkim au. Ti ekan nu eik ek eknepin. Hi hinapen hirak kaku ti ik e kari nan ti.’^{8k}Te mitik naanmĭpre ti kerek katip mitik iuwe, ‘Ewisik akirek me tito im e, hi awep wi aweikniwek awir waniu (o win) mamwetiwek. ⁹Maain hiram mamine nĭkim hiram yaaim, o au en, ti ekan eketik eknepin ekikeipin.’”

Me wi Sabat Jisas kikaap mite winap hire sip kire kin

¹⁰Me wi Sabat, Jisas keit winak kerek mit nererik nekine him me Moses, hirak kewepyapir him me God. ¹¹Me wi im, mite hap wepu. Tipir kaaup te hire winap tito hiswiyen hispinak wikak (18). Hire sip kire kin te hire ap wekrit wen werek werek au. ¹²Jisas kirep, te hirak keninwe ketpiwe kar ik: “Mite hi hepĭr menmen enum mewit mamno mamnopin mamkeipnut, te ti ere yaaip.” ¹³Hirak kewis his mirak menteriye, hire wekrit wenhi hirehes wekrit werp, hire wewenipi niuk me God. ¹⁴^lMitik kinin naanmĭpre winak ik e, hirak han enuk kentar Jisas kikaap mite me wi Sabat, te hirak katip kar ik: “Wi hispinak kiutip (6) haiu mamriak menmen. Yi einen in me wi eim te God kakikepi te yi yayu werek. Me wi Sabat emit!” ¹⁵^mJisas pike ketpiwek, “Yi mit enun yewisesik. Yi mit niutip niutip me wi Sabat yaino yaisiupan bulmakau o hos yairiyaam mamno mamim tipar. ¹⁶ⁿMite ip e kerek hire nepenye pe Ebrahim kerek Seten kerekyiwe enum te hire winap tito hiswiyen hispinak wikak (18). Hire winin sak mi te hi ekepye herekyiwe yaaim me wi Sabat.” ¹⁷Mit han kerek nipaa natip menmen enum, hir yink enuk nekintip nentar hirak katip him im. Te mit yapirwe han yaaik neriuwe menmen iuwe yaim hirak kiriakem.

Him me nu mastet nĭkim miram

(Mt 13:31-33; Mk 4:30-32)

¹⁸Jisas pike katip, “Menmen God kiriakem hiram mire mekam? Te hi eninem mamtike mekam mamiram? ¹⁹Hiram mire nu mastet nĭkim mirak kike enum. Mitik hak ketiwem kamir mau ni mirak. Maain hirak ken niu kire nu iuwe, hore hiram meniuwe meke niu mewis yaank mewik.” ²⁰Jisas pike katip, “Hi enin menmen God kiriakem mekre han kiau hiram mamtike mekam mamiram? ²¹Hiram mire yis mite hap wewisim metike plaua, hire weweiknenim ere werek. Maain plaua miniu wisenum.”

Jisas katip ke wepir kike

(Mt 7:13-14, 21-23)

²²Jisas katip epei au, hirak ken wit iuwe wit kike kewepyapir him me God te hirak karpino Jerusalem. ²³Mitik hak ketpiwek, “Mitik Iuwe,

^k 13:8 2Pi 3:9, 15 ^l 13:14 Lu 6:7; Jo 5:16; Eks 20:9-10; Diu 5:13-14 ^m 13:15 Lu 14:5

ⁿ 13:16 Lu 19:9

maain God kakithis mit niutip niutip keriyen nanu nantikerek o au?” Jisas katip mitik ik ketike mit yapirwe kar ik: ²⁴“Yi naanmamre hiras te yi eino eitet wepir kike ek. Hi hire wepir. Mit yapirwe hir hanhan nanino nantikerek nanino nimin ein te hir au. ²⁵Maain mitik ke winak kerek kakikrit kakiyepet wepir, te yi yayirp wit eik yairetit wepir yaitip, ‘Mitik Iuwe, ekaisiu wepir.’ Hirak kakitpi, ‘Hi ap ertei yi neimin.’ ²⁶Te yi yayitpiwek, ‘Haiu nipaa maam menmen maam tipar metikewit, te ti herp yayiwe kiau eik ek ewepeu him.’ ²⁷Te hirak kaktip, ‘Hi hetpi, hi ap hertei yi neimin. Yi eiyinka eikeipno yi mit enun yiriak menmen enum.’ ²⁸Te maain yi eiyir Ebrahim, Aisak, Jekop netike mit profet nanu nantike God te yi au eiyit wit eik yaykit yainakin yehes. ²⁹Mit naninen nanke wepni kokai kan, han naninen nanke wepni kewen ken o nanoke pinak nanoke pinak naninen nanu yeno nanit wit ke God nanim menmen iuwe. ³⁰Mit han kerek in ek hir mit weinin ek maain hir naninin mit iuwe han. In ek hir mit iuwe te maain hir nanre mit weinin.”

Jisas kikit Jerusalem kentar mit nises him mirak au
(Mt 23:37-39)

³¹Hirak wen ketpim, mit han ne Farisi hir nan netpiwek, “Yi eino eikeipin! In ek mitik Herot hanhan kakitep!” ³²Jisas ketpor, “Yi eino eitip manpen mawenekin Herot petepin, teipmen, tepin hi epi herwe enum, hikaap mit ninaap hir pike nire yaain. Me wi wikak menmen mai epei au. Menmen mai epei au, hi ehu ehit. Herot kakiyep au ere hi hiriak menmen epei au. ³³Te hi wen ano ehitet yayiwe petepin, teipmen, tepin. Hi profet ke God ap ahi ehit wit hak au. Wit Jerusalem kerekek.

³⁴“O mit miyapir ne Jerusalem! Nipaa God keriuwet mit profet hir newepyapir him mirak te yi yanip naa. Wi yapirwe hi hanhan hari yi mit yererik hi naanmipri har ke suware wari nikim minik yapir mire, te yi au yinapen. ³⁵In ek God keweikin sip kewet wit ki, yi hiras naanmiprewem. Hi etpi werek, yi eira au ere yi yaitip, ‘God kiriak yaaim kakikaap mitik hirak keriuwetek kaknen kakikrehir ke God.’ ”

Jisas kikaap mitik kinap yink kinwo hirak kire yaaik

14 ¹Me wi Sabat, Jisas ken kaam menmen keit winak ke mitik iuwe ke Farisi. Hir mit nau en naanmiprewek te hirak kiriak menmen. ²Mitik hak his hit mirak minwo hirak kerp menep kirapit Jisas. ³Jisas katip mit ninin nertei him me Moses natip mit em hir netike mit ne Farisi kerek ninin nises him me Moses, hirak kitorhi kar ik: “Him me Moses mamwisai haiu mit mamkaap mit ninap me wi Sabat o au?” ⁴Hir ap newenhi au, wire wire neit, te Jisas keit

° 13:24 Fl 3:12 P 13:25 Mt 25:10-12 ° 13:27 Sam 6:8 † 13:28 Mt 8:11-12 ° 13:29 Sam 107:3; Lu 14:15 † 13:30 Mt 19:30 ° 14:1 Lu 11:37 † 14:3 Lu 6:9

mitik kekepik ere werek, hirak kesiuwerek ken. ⁵W^wHirak kesiuwerek ken, hirak keweikin kitorhi kar ik: “Hos mi o bulmakau mi maminke mamikre hei me wi Sabat, yi eiriyaak eiketik me wi Sabat o au?” ⁶W^wHir ap neweniwekhi netpiwek menmen au. Hir yink enuk.

Mitik ap han ekitet hirekes mitik iuwe au emit

⁷W^wJisas epei kir mit yapirwe kerek naninen nanim menmen, hir nau yeno yaaim me mit iuwe te hirak ketpor tok piksa mar im. ⁸W^wHirak katip, “Wi kerek mitik hak hirak kenini einen eyim menmen me nikan kirak kakit mite, yi ap eyiu yeno yaaim me mit iuwe, te mitik iuwe akininit eknen. ⁹Hirak eknen te mitik kerek nikan kirak kakit mite, hirak kaknen kakitpi, ‘Yi eyinke eino ein, eiwis mitik iuwe ik hirak ekwim.’ Hirak kiriak menmen im te yi yink enuk eyiintar yi eyiu yeno weinim. ¹⁰Im em emit! Mitik ketpi yi einen eyim menmen yi eyiu yeno weinim me mit, te maain mitik nipaa ketput yi einen eyim, hirak kaktilhis kakitpi kakir ik: ‘Nai yinan, yi einen eyiu yeno me mit iuwe newim,’ te mit en nipaa hirak netikewi yayim menmen hir han kitet yi iuwe. ¹¹W^wMitik kerek han kitet hirekes mitik iuwe, God kakriakek hirak mitik weinik.”

Jisas katip mit nanine neimin naninen nanim menmen

¹²Nepei au, Jisas katip mitik kerek nipaa ketpiwek kaknen kakim, hirak ketpiwek kar ik: “Maain ti enine mit naninen nanim menmen iuwe, ti ap enine paaprer o haairer o nikerek o kikrek o nit yinan netenen menmen iuwe au emit! Ti ap eriakem ehisesim ehintar maain hir pike nanwetut menmen mit mamrerim. ¹³W^wMaain ti hemani menmen, ti enine mit enun menmen auri o mit his hit nanamir enum. ¹⁴W^wTi eriak menmen mar im te God maain kakrekuyut yaaim kakintar mit in enun te hir ap pike nanwetutem mamrerim. Maain God kakwetutem me wi kerek maain hirak kakikian mit kerek nire yaain hir pike nanikrit nanu nantikerek.”

Jisas katip him tok piksa me mit naam menmen iuwe

(Mt 22:1-10)

¹⁵W^wMitik kiutip kau kinaan kaam menmen kemtau menmen Jisas katip, hirak ketpiwek kar ik: “Mit nau kinaan neit wit ke God nanim menmen hir han yaaik nanu.” ¹⁶Jisas ketpiwek, “Nipaa ein mitik kemani menmen kenine mit yapirwe naninen. ¹⁷W^wWi epei man te hirak kakwet mit menmen. Hirak keriuwet mitik kirak kaknitor kakitpor kar ik: ‘Hi epei emani menmen te yi einen eyim eitikewa.’ ¹⁸Hirak kitorhi, te hir yapirwe natip, ‘Haiu ap te mamno au.’ Mitik hak katip, ‘Hi epei hewir pewek heiyim hatin ti, te hi eno ahirek te hi hanhan ti ap han enuk heriuwe hi ap enen taau.’

^w 14:5 Mt 12:11; Lu 13:15 ^x 14:6 Mt 22:46 ^y 14:7 Mt 23:6 ^z 14:8 Pro 25:6-7

^a 14:11 Mt 23:12; Lu 18:14 ^b 14:13 Diu 14:29 ^c 14:14 Jo 5:29 ^d 14:15 Lu 13:29

¹⁹Mitik hak katip, ‘Hi epei hewir pewek etin bulmakau hiswiyen (10) me mamwen ti te hi ano ahirem eninem te hi hanhan ti ewisa hi ehui in ehim menmen mit au.’ ²⁰‘Mitik hak katip, ‘Hi epei heit mite te hi ap anen au.’

²¹“Te mitik kerek kiriak menmen mirak, hirak ken ketpiwek. Epei ketpiwek, hirak han enuk ketpiwek kar ik: ‘Ti eno waswas erer yayiwe me wit ehithis mit kerek his hit nanamir mire enum, kerek nau yayiwe ek e.’ ²²Maain mitik hirak epei kan ketpiwek, ‘Mitik Iuwe, menmen ti etpewem hi epei hiriakem, te yeno ham wen mepeit weinim.’ ²³Mitik iuwe katip mitik kerek kiriak menmen mirak kar ik: ‘Ti eno ehitet yayiwe iuwe, ehitet ya ke yaank, ya meke nimin te winak kai eknempet ekriuwe mit miyapir. ²⁴Hi etput werek. Ap nei kerek nipaa hi heninor naninen nanim menmen nantikewa au.’”

Mitik ekinin han ekitet werek werek te hirak ekises Jisas

(Mt 10:37-38)

²⁵Mit miyapir yapirwe nen nises Jisas te hirak keweikin ketpor kar ik: ²⁶“Mitik kerek kaknen kakisisa hirak hanhan kinin kemtau him me miye haai nirak, mite o nikerek nirak, hirak ap kakises him mai taau. ²⁷“Mitik kerek kisisa te kinaain menmen enum mamnen mamkip, hirak ap te kakises him mai werek werek au.

²⁸“Keimin ke yi mit hanhan kakime winak iuwe nokik, hirak wen eku han ekitet hirak ketenen teket mei o niu mei kakwet mit kerek nankepik nanime winak kirak ere naninepik. ²⁹Hirak epei kekin hei kamir teinik kewis tapin, te hirak ap kime winak kenterim wen au kentar hirak pewek kike hiram epei au mesi, te mit kerek naninen nanirek nanitetiweknaan naniniuwesisek. ³⁰Hir nantip nar ik: ‘Mitik ik kakime winak te hirak ap kakimaak ere werek au.’

³¹“Mitik iuwe kerek naanmipre mit yapirwe en kakno kaktike mit yapirwe nirak 10,000 nanino naninepan nantike mitik iuwe hak ketike mit nirak yapirwe nar 20,000. Hirak wen eku han ekitet hirak manpenuk te kakirp kakinin mitik hak ik kaktike mit nirak o taau. ³²Au en, mitik hak ek wen kepeit yanimin, hirak kakriuwet mit nirak nanino nanwenyipirek nanitiwekhi me mekam hir enriakem te hir enkiyan enu enit. ³³Te keimin hirak ap ekinin han kitet werek werek ekweikin sip ekwet menmen mirak, hirak ap te kakises him mai taau.

Sol tokim ap matin him au, mit nanwirem

(Mt 5:13; Mk 9:50)

³⁴“Sol hiram menmen yaaim, te hiram tokim ap matin him mamirmeim te hiram pike emtin him? Taauye! ³⁵Mit ap newirem te

° 14:20 1Ko 7:33 † 14:26 Lu 18:29 § 14:27 Lu 9:23

mamkaap ti au. Hiram mamawaank ti. Hir nanwirem mamno mune me bulmakau mamkaap menmen meit ni eim mamwo taau. Mit nanwirem mamitet yayiwe weinik. Nikip emnep eiyimtwem!”

Jisas katip him tok piksa me sipsip kirir keit pin

(Mt 18:12-14)

15 ¹Wi ham, mit enun kerek nari pewek me takis, hir netike mit han enun nises menmen enum, hir nan menep nanimtau him me Jisas. ²^hMit han ne Farisi netike mit nertei menmen me Moses newepyapir mit em, natipan nene Jisas nar ik: “Hirak hanhan kari mit enun kaam menmen ketikeri.” ³Te Jisas kewenhi ketpor tok piksa im e:

⁴“Mitik kiutip ke yi mit kewis sipsip yapirwe, hak kinaaiwir mitik ik kirir keit yaank te hirak kaknaiwirem mamu weinim, hirak kakinkakitniwek ere kerek epei kirir ek hirak kaknapinek. ⁵Hirak kaknapinek, hirak kektin hipi han yaaik kakriuwerek. ⁶Hirak kektin hipi kaknan ek kakir ik kakiun wit, hirak kaknine nirak yinan netike mit ne wit kirak kakitpor, ‘Yi han yaaik eitikewa. Hi epei hinapin sipsip kerek nipaa kirir keit yaank eik.’ ⁷Hi hetpi mit ensel neit wit ke God hir han yaaik kike keriyen neriuwe mit yaain hir nau werek werek. Te hir han yaaik wisenuk neriuwe mitik enuk kiutip keweikin sip kewet menmen enum. Hir han ehitet yayiwe iuwe, ehitet ya keyaai iuwe nar ke mitik hirak han yaaik kentar sipsip kirak hirak kinapinek.”

Jisas katip tok piksa me pewek minatin

⁸“Mite peimin wetenen pewek hiswiyen (10), te kiutip kinatin keit, hire weksiu si wiripep winak ere hire winapinek. ⁹Hire epei winapinek, hire wenine nire yinan netike miyapir ne wit kire eik, hire wetpor war ik: ‘Yi han yaaik eiyu eitikewa eiyintar hi hinapin pewek kerek nipaa kinatin.’ ¹⁰Hi hetpi mar im. Mit ensel ne God hir han yaaik iuwe neriuwe mitik hak kiutip keweikin sip kewet menmen enum.”

Him me nikan pipiak kinaaiwir haai kirak

¹¹Jisas wen ketpor kar ik: “Mitik hak kine nikerek hirakit wikereret. ¹²Kike katip haai kirak, ‘Haai enkaau menmen mei in ek maain ti hahi ti ewetewem.’ Nepei au, haai kirak kenke menmen mirak kewet nikerek tirak em. ¹³^jMaain wi ham, kike kesiuwe ti keit pewek mererik keyim kakno wit iuwe yanimin ein. Hirak kenke menmen mirak kewirem keyim katin menmen enum. ¹⁴Hirak kewir pewek keyim katin menmen enum ere pewek nan epei au mesi hirak kau weinim. Hirak kau weinim,

^h 15:2 Lu 5:30 ⁱ 15:4 Esi 34:11, 16; Lu 19:10 ^j 15:13 Pro 29:3

hawī au te ni merer wit wit mewo au, maa meit te mit menmen auri, hir ninpi maan. ¹⁵Hirak ninpi maak te hirak ken kiriak menmen me mitik ke wit ik e, hirak kesiuwerek kakno naanmamre sak mirak. ¹⁶^kHirak hanhan kakim nu weki nikim mit newet sak em kentar hirak menmen au ap mei mau te hirak kakim au.

¹⁷“Hirak epei kertei hirak kau enum enum hirak han kitet hirekes katip kar ik: ‘Mit yapirwe niriak menmen me haai kai, hir neit menmen werek te hi au ninpi meiyō, hi hau in hahi hentar hi menmen au. ¹⁸‘Hi pike eno ahir haai kai hi etpiwek, ‘Haai, hi epei eweikin sip ewet God hi herekyut enum. ¹⁹Hi ap yaaik te hi hire nikan kit au. Ti ewisa hi are mit niriak menmen mit.’ ²⁰Hirak han kitet kar ik, te hirak kekrit kakno kakir haai.

“Hirak kan kitet yanimin, haai kirak kirek, hirak hanhanek kesiukin ken keiyewewik, kemwek tekep kises menmen me maamrer hirak keteikniwek hirak han yaaik keriuwerek. ²¹Nikan katip haai kar ik: ‘Haai ye! Hi epei eweikin sip ewet God hi herekyut menmen enum. Hi ap yaaik te ti enewa hi nikan kit au.’ ²²Te haai keremiriwek him katip mit niriak menmen mirak ketpor kar ik: ‘Yi einō waswas eiyyit laplap yaaim emiriyiwekem eiyyit pitau eiyyinwikem eiriuwetiwek su emu hit. ²³Eiyyit bulmakau kerek wa kewik eikip eiyyik te haiu emim han yaaik emu. (Haai kiriak menmen im keteikin nikan kirak hirak wen hanhan hirak kire nikan kirak.) ²⁴^mHaiu mamriakem mamintar nikan kai hirak kar ke mitik kaa. Te in ek haiu minapinek epei kekrit kau.’ Hir niriak menmen han yaaik neriuwerem naam.

²⁵“In ek heiyiuwe kirak keit ni eim. Hirak pike kaknen winak eik hirak kemtau mit nirire nine henye. ²⁶Hirak kenine mitik ke mit niriak menmen me haai kirak, hirak kitiwekhi kar ik: ‘Yi mit ein yi yiriak mekam?’ ²⁷Hirak kewenhi kar ik: ‘Nikik kit epei kan te haai kit kenep bulmakau wa kewik niak naak neiyik nirire nenar nikik kit pike kan kepu werek, haai hirak han yaaik.’ ²⁸ⁿHirak kemtewek epei au, hirak kine han enuk. Haai kirak ketpaan kan, hirak ketpiwek kari han kirak te hirak kinapen kakno winak nimin ein. ²⁹Hirak katip haai kirak, ‘Hi epei hiriak menmen mit tito yapirwe, ap wi miutip te hi eweikin sip ewet him mit au. Te ti ap eweto sak meme kiutipen te hi etike nai yinan mamkip mamik meiyik mamrire au. ³⁰Te nikan kit enuk kerek nipaa kewir pewek kerek nipaa ti ewetiwekem, hirak ketike miyapir enun nari mit his neweninem neiyewewan, hirak epei kan in, te ti enep bulmakau yaaik wa kewik ekip ewetiwekek.’

³¹“Haai ketpiwek, ‘Nikan kai, ti hekrit hekrit epu etikewa. Menmen yapirwe mai hiram menmen mit. ³²Te haiu han yaaik emu emim

^k 15:16 Pro 23:21 ^l 15:18 Sam 51:4; Jer 3:12-13 ^m 15:24 Ef 2:1, 5, 5:14 ⁿ 15:28 Lu 15:2

menmen emrire emintar nikik kit hirak kar ke mitik epei kaa. Te in ek hirak pike kekrit kepu. Hirak kire sipsip kepir keit yaank, te in ek hiau minapinek.’ ”

**Mitik enuk naanmipre menmen me mitik hak
kertei kiriak menmen mamkaap hirekes**

16 ¹Jisas katip mit disaipel nirak kar ik: “Mitik hak ketenen pewek menmen ham yapirwe, hirak kewis mitik hak naanmipre menmen mirak. Mit han nan netpiwek, ‘Mitik kerek naanmipre menmen mit hirak kewir pewek mit menep epei mamesi.’ ²Hirak kemtewek, hirak ketpiwek kar ik: ‘Hi epei hemtau ti hiriak enum. Ti ewiso tiwei eteikno menmen ti epei hiriakem entar ti ap wen naanmipre menmen mai au.’ ³Te mitik kemtau menmen me mitik iuwe kerekek hirak han kitet hirekes katip kar ik: ‘Mitik iuwe kai kakinka kakriuweta hi ano entar hi hiriak enum heriuwe menmen mirak. Hi ariak mekam? Hi ap manpenuk te hi ewep wi au. Hi yink enuk ehu yayiwe ehitehi mit nanweto pewek au. ⁴Hi epei han kitet ariak menmen ham te mit hir anira entauhis ano winak kir hir naanemprau. Te maain hi epei henke ekeipin menmen nipaa ein hi naanmiprewem hi ehu werek.’ ⁵Te hirak kenine mit yapirwe niutip niutip nan kerek nipaa neit menmen me mitik iuwe kirak weinim. Hir ap newetiwek nan mererim wen au, te hirak katip mitik kerek kinin kan kar ik: ‘Ti nipaa heit menmen marmenum me mitik iuwe kai?’ ⁶Hirak ketpiwek kar ik: ‘Hi nipaa heit dram me tipar mar 100.’ Mitik naanmipre menmen ketpiwek, ‘Ehu in ehit tiwei ik ti ewis nipaa ti heit 50 dram kerem em.’ ⁷Mitik hak kan hirak kitiwekhi kar ik: ‘Nipaa ti heit mekam?’ Hirak ketpiwek, ‘Nipaa hi heit 100 bek rais kerem em.’ Hirak ketpiwek, ‘Ti ehu in ehit tiwei ik ewis menmen mire 80 bek rais kerem em.’

⁸“Maain mitik iuwe kirak kan katip mitik enuk kirak kerek naanmipre menmen, hirak ketpiwek hirak mitik enuk weise tipar kertei menmen werek werek kari han ke mit te maain mit ein naanmamriwek.” Jisas wen katip, “Mit ne ti ap nises God hir ninin mit nises him me God me naanmipre menmen mir yapirwe.

⁹“Hi wen hetpi werek. Yi han kitet yayit menmen mi eikaap mit eiriuwerem te maain yi yayi yaino wit ke God hirak kakitpi yi yayu yaitikerek yayintar yi yiriak menmen yaaim a? Taauye!

¹⁰“Mitik keimin hirak naanmipre menmen kike werek werek, te maain hirak naanmamre menmen wisenum werek werek. Te hirak mitik kerek kemipin me menmen kike, maain hirak kakmipin me menmen iuwe. ¹¹Yi ap naanmipre pewek werek werek me ti ik e, te

keimin kakwisi yi naanmamre him yaaim me God? Taauye! ¹²Te yi ap naanmipre menmen me mit han werek werek, te God ap te kakweti menmen kerek yi yaitenenim taau!

¹³^r“Mitik kiriak menmen me mitik hak ap te kakriak menmen me mitikit wiketeres taau. Te hirak han tatwenin hak, hak au kakneinik. O hirak han kekrit keriuwe hak, han ap kekrit keriuwe hak. Yi han ki kakinke kakintar pewek ap te yi eiyises God werek werek taau.”

Him me Moses metike menmen me God

(Mt 11:12-13)

¹⁴^sMit ne Farisi hanhan pewek, hir nemtau menmen Jisas ketpim, te hir netpiwek enum nanwesisek. ¹⁵^tTe Jisas ketpor, “Yi keriyen yiriak menmen yari han ke mit yeriuwerem te hir han kitet yi yire yaain yinin mit han. Te God kertei han ki. Menmen mit han kitet hiram yaaim, God han kitet hiram enum weinim.

¹⁶^u“Him me Moses metike him me mit profet, hiram mepu naanmipri ere wi Jon kerek kikir mit neriuwe tipar hirak kan kewepyapir him ham yaaim me God. Me wi eim ere in hiau mewepyapir him im yaaim me God naanmamre mit.

¹⁷^v“Maain nepni mamtike ti ik mamno mamiwaank mamit. Te him ham kike me him yaaim yapirwe Moses nipaa kewisim ap te mamit taau! Mamir keremem mamu mamit.

Jisas katip him me mitik kinaaiwir mite kakit mite hap

(Mt 5:31-32; 19:9; Mk 10:11-12)

¹⁸^w“Mitik kerek kepir mite pirak kakit hap, hirak kire mitik enuk kari mite his kewenem. Keimin keit mite nipaa winaaiwir mitik kire, hirak kire mitik enuk kari miyapir his kewenem.

Him me mitik ketenen pewek yapirwe ketike Lasaras

¹⁹“Nipaa mitik ketenen pewek yapirwe kepu. Hirak kewir pewek yapirwe keit klos yaaim iuwe. Hekrit hekrit hirak kau werek, keriuwet klos yaaim, kaam menmen yaaim. ²⁰Mitik enuk weinik niuk mirak Lasaras kepu. Hirak mit nirak neriyaak neiyik nan newisik kiwaai ya weipir ke niwa ke winak eik. ²¹^xHirak kemerir mit nanit menmen mit newirem nipaa mau kinaan ke mitik iuwe hiram menke. Hirak kau en nepere mepnen meswiwek (o mesiuwewik) wikes meriuwe nin miram.

²²“Maain mitik weinik ek kaa, mit newisik kekre hei te ensel ne God ninan himin kirak ken kau ketike mitik Ebrahim teit wit kirak kewik.

^r 16:13 Mt 6:24 ^s 16:14 Mt 23:14 ^t 16:15 Mt 23:28; Lu 18:9-14; Pro 21:2 ^u 16:16 Mt 11:12-13 ^v 16:17 Mt 5:18 ^w 16:18 Mk 10:11-12; 1Ko 7:10-11 ^x 16:21 Mt 15:27

Mitik ketenen menmen yapirwe kaa, te mit newisik kekre hei. ²³Mitik ketenen menmen yapirwe hirak kekre si enum, menmen merekyiwek han enuk yink mirak mekek. Te hirak kikiamnaan kir Ebrahim keit yanimin kau niu ein ketike mitik Lasaras tekiyakit tau. ²⁴Te hirak kinap kenine, 'Maam Ebrahim, ti han ekiteta esiuwe Lasaras ekwis tipar emintirau nin kai te nime wenina. Hi au si teknina heit wit enuk ik e.'

²⁵"Te Ebrahim katip, 'Nikan, ti han ekitet nipaa ti etenen menmen yapirwe kerek nipaa ti hau ti eik, Lasaras hirak kau enuk te wikes makip, hirak kaam menmen enum. In ek hirak kau werek werek te ti au enuk yink kitewo. ²⁶Hi hanhan akepit te menmen mewenina. Wi iuwe kau nimin nipaa God kewisim kerekirai. Te neimin in nanino ein taau. Mit ein ap te nanrekir wi kerekek naninen nanirei taau.'

²⁷"Mitik ketenen pewek yapirwe katip, 'Hi hituthi ti eriuwet Lasaras kakno winak kerek haai kai nipaa kewik. ²⁸Ti atip Lasaras hirak kakno kaktip kikrek nai hispinak (5) hirak kakwepyapir ekitpor hir enweikin sip enwet menmen enum te hir ap aninen entikewa enu wit ik kerek hi yink keiyewo heitai.'

²⁹"Te Ebrahim katip, 'Hir netenen him me Moses mau tiwei metike him mit profet newisim mau tiwei. Ewisi hir enises him mir.' ³⁰Mitik ketenen pewek yapirwe katip, 'Au, hir ap nanisesim au. Haai Ebrahim mitik hak kerek nipaa kaa ti eriuwetek ekno ekitpor, te hir enweikin sip enwet menmen enum.' ³¹'Ebrahim ketpiwek, 'Hir ap nanimtau him me Moses ketike profet au, te hir ap te nanimtau him me keimin kerek nipaa kaa hirak pike kekrit kakno kakitpor taau.' "

Menmen enum mari han ke mitik kises him me God

(Mt 18:6-7, 21-22; Mk 9:42)

17 ¹Jisas katip mit nirak disaipel, "Menmen enum me mamri han ke mit hir nisesim mamriwaank, hiram mamnen. Te keimin kakriak menmen enum kakri han ke mit, maain hirak God kakiwaankek kakir ke hirak kiriakem. ²Hiram yaaim te mit nankaaip nan keriyiwek teruk, hir nanwirek hirak kakno kakikre wan kaki kakit, te hirak kakriak mitik kerek kises him mai hirak kakweikin sip kakises menmen enum. Hirak kaku kakriak enum, maain hirak kaknen kakir God hirak enuk wisenuk.

³"Yi naanempre hiras hekrit hekrit yi eiyses menmen yaaim keremem. Kit yinak kerekjut enum ti enerek. Hirak yink enuk keriuwe menmen enum hirak kerekjutem, hirak ketput, 'Ti yaaik hi herekyut enum,' te ti hetpiwek him yaaim mar im: 'Hiram menmen weinim.'

⁴Hirak ke wi miutip hirak kerekjut enum me hispinak wik (7), te hirak yink enuk keriuwerem, hirak pike kaknen kakitput, 'Ti yaaik hi herekyut

† 16:31 Jo 11:44-48 † 17:3 Mt 18:15

enum,' te ti etpiwek, 'Hiram menmen weinim.' Hirak kiriak kerek kerek ere hispinak wik (7), ti etpiwek, 'Hiram menmen weinim,' ti eriweksak menmen enum."

Jisas katip menmen me mit enises him me God

⁵ Mit aposel natip Jisas, "Ti ekepai te haiu emisesit emirp han tokik."
⁶ Jisas katip, "Yi eiyises God werek werek kike yi yire nu mastet nikim hiram kike te maain hiram mamwo ere wisenum. Yi eiyisesik eiyir ek te yi yaitip niuwaine ik e, hirekes kakiket kakriuwe puk mirak, te hirak kakimtau him mit kakno kakikir hirekes kakikre wan eik kakirp kakit.

Menmen mitik kiriak menmen me mitik hak kakisesim

⁷ "Te keimin ke yi mit hirak ketenen mitik kerek kiriak menmen mirak kire kewen ti me ni o naanmipre sipsip mirak. Maain hirak kaknaaiwir ni kaknen winak ti etpiwek, 'Ti enen ehu yeno wasenum ehim menmen?' Hirak taau! ⁸ Au, ti etpiwek har ik: 'Ti emir laplap tokim erekyo menmen mai miwaaai eiyim emeriyo ere hi ehim menmen, ehim tipar. Te maain ti ehim menmen, ehim tipar mit.' ⁹ Hirak katip mitik kerekyiwek menmen mirak, hirak yaaik kentar hirak kemtau him mirak kerek hirak ketpiwek em? Au, hiram menmen weinim. ¹⁰ Yi yar ke mitik eik kiriak menmen keremem. Yi epei yiriak menmen God ketpiyem yiriakem, yi han ekitetim emir im: 'Haiu mit weinin keriyen, haiu epei miriak menmen keremem God ketpiyem.'"

Jisas kikaap mit hiswiyen (10) kerek lepro mewi

¹¹ Jisas kepno Jerusalem kitet yayiwe kewep provins Galili ketike provins Sameria. ¹² Hirak kare kakno wit kike, mit hiswiyen (10) lepro mewi hir newenyipirek newisik yayiwe eik, hir nepir nenpin nekeipniwek. ¹³ Hir nepir nenpin nekeipniwek, hir ninap nenine Jisas netpiwek, "Jisas Mitik luwe, ti han etweninei." ¹⁴ Jisas kiri ketpor, "Yi eino eiteikin mitik pris kerek kewet God menmen keit winak kirak, yi eiteikniwek yink ki." Hirak ketpor, hir nepno, wasenum lepro epei mekeipnor men te yink kir kire yaaik. ¹⁵ Hir nertei hir nire yaain, mitik kiutip ke mit en pike kan katip him iuwe kewenipi niuk me God. ¹⁶ Hirak kan kenke kiwaaai hit me Jisas ketpiwek, "Ti yaaik." Hirak mitik ke wit Sameria. ¹⁷ Epei au, Jisas katip, "Hi epei hikaap mit hiswiyen (10) lepro mewi. Mit hispinak tekyaaat (9) neit nein a? ¹⁸ Kenmak te mitik ik ke wit hak hirak kerekek pike kan kewenipi niuk me God? Mit ne Isrel au ninapen a?" ¹⁹ Jisas ketpiwek kar ik: "Ti ekrit eno. Ti epei hire yaaik hentar ti han kiteta."

^a 17:5 Mk 9:24 ^b 17:6 Mt 17:20, 21:21 ^c 17:11 Lu 9:51-52, 13:22 ^d 17:12 Lev 13:45-46
^e 17:14 Lev 14:2-3; Lu 5:14 ^f 17:19 Lu 7:50

Jisas katip ke wi maain hirak pike kaknen
(Mt 24:23-28, 37-41)

²⁰ Mit han ne Farisi nitehi Jisas mewaa meruri wi mamnen te God kakinin naanmamre mit. Hirak kewenhi ketpor kar ik: “Mit ap nanir menmen im me God mamnen au. ²¹ ^h Ap te mitik keiyak kaktip, ‘Eiyir menmen God kirkakem keit in ek o meit ein e.’ Au, hiram mau ke nimin ke yi mit, te yi ap eiyirem eiyir ke yi eiyir nu o menmen taau.”

²² Hirak katip mit ne Farisi epei au, hirak keweikin katip mit nirak disaipel keriyen kar ik: “Wi mamnen te yi hanhan hi hahu etikewi wi miutip kerekek mar ke in ek hi Mitik ke wit ke Mitik Iuwe hau hetikewi, te maain hi ehue etikewi au. ²³ ⁱ Mit han maain nanitpi nanir ik: ‘Eiyirek! Kraisk pike kan.’ o ‘Eiyirek in.’ Te yi ap eiyitpaan eino eiyirek au emit! Hir nemipin. ²⁴ Mipre nepni mewenin iuwe mir merer wit wit mau yaain, mamir im e te hi mitik ke wit ke Mitik Iuwe me wi hi pike enen, mit yapirwe nanira hi hahu yaain. ²⁵ ^j Te hi ehinin hahi, mit ne ti in ek enweikin sip enweto.

²⁶ ^k “Maain wi hi Mitik ke wit ke Mitik Iuwe pike anen, menmen mamu mamir ke wi nipaa Noa kau ti. ²⁷ ^l Mit yapirwe nipaam menmen nipaam tipar si enum, haairer nesiuwe nikerek hiram (o hiran) nir te mit netike miyapir neitan, netenenan his ere wi Noa ken kekrek sip mirak, wan tipar kiniu kenep mit hir naa ere nenepik o nesi. ²⁸ ^m Wi hi pike enen hiram mamir ke wi nipaa Lot kau ti. Mit ein naam menmen metike tipar si enum, hir newir pewek neiyim neit menmen o nesiuwe menmen mir neit nan mererim, hir namir ni me winak, hir nime menmen. ²⁹ Me wi Lot kinaaiwir wit Sodom, God keriuwet si metike nan sisi minin enum menep mit menepi neit ein. ³⁰ Me wi hi Mitik ke wit ke Mitik Iuwe maain hi pike enen ewepyapir hirekes, mit nanriak menmen hi epei hetpiyem.

³¹ ⁿ “Me wi eim, keimin kentir winak siup ap te kakikiuwe kaknen kakinin kakit menmen mirak yaaim mekre winak kirak au. Hirak kakrir kerek ek. Mitik kerek keit ni mirak, hirak kirem, hirak ap te kaknen winak kakit menmen ekik. Hirak kakrir kerek ek. ³² ^o Yi han ekiket Lot mite pirak. Hire weweikin werp wir wit Sodom te God kaaup keweikniye hire weweikin wire nan. ³³ ^p Mitik keimin hanhan naanmamre hirekes, hirak ap kises him me God, maain hirak kaku kaktike God au. Keimin kerek ap hanhan naanmipre hirekes te maain hirak kaki kakintar hirak kises him mai, God kaktiwekhis kaku kaktikerek.

³⁴ “Hi hetpi. Me witaan keremem hi pike enen, mitikit wiketeret tatwaai yeno miutip, kiutip hi etiwekhis kaknen kaktikewa, au kiutip

^g 17:20 Jo 3:3, 18:36 ^h 17:21 Mk 13:21 ⁱ 17:23 Lu 21:8 ^j 17:25 Lu 9:22 ^k 17:26 Jen 6:5-12 ^l 17:27 Jen 7:6-23 ^m 17:28 Jen 18:20, 19:25 ⁿ 17:31 Mt 24:17-18 ^o 17:32 Jen 19:17, 26 ^p 17:33 Lu 9:24

kakwaai yeno kakwaai kakit. ³⁵Miyapir wiketeri nehisi newen niu. Hap piutip hi etiwehisi wawu wautikewa. Hap ep au, wawu wawit en. [³⁶Mitikit wiketeret tatit ni eim. Mitik hak hi etiwekhis heiyik kaknen, hak au kaku.]”

³⁷“Mit nirak disaipel nemtau menmen im hirak ketpor, hir nitiwekhi, “Mitik Iuwe, menmen im mamit nein?” Jisas ketpor tok piksa ik: “Herwe kaa kiwaairi te hore tepre mamno mamwik mamkinenik mamik.”

Jisas katip him tok piksa me mite weiniye wetike mitik masistret

18 ¹Jisas katip mit nirak him tok piksa kakikepi hir enirtei te hir enitehi God hekrit hekrit, hir ap eninapen. ²Hirak katip kar ik: “Nipaa mitik masistret kau wit hak kiutip, hirak ap kises God, ap hanhan mit au. ³Mite hap weiniye nipaa mitik kire kaa hire wau wit kiutip wetike masistret, hire wen wan wir masistret ik wetpiwek war ik: ‘Mitik hak enuk kan kerekyo enum. Ti ekepa.’ ⁴Nipaa enum eik masistret ap kekepye ere maain hirak han kitet menmen im hirak katip, ‘Hi ap hinapen God au, hi ap hanhan mit. ⁵Hi akaap mite weiniye hentar him hire wetpewem te hire ewu werek o au en, hire waunen hekrit hekrit te waurekya han enuk eriuwep.’ ”

⁶Jisas wen katip, “Yi eiyimtau him me mitik masistret enuk ketpim, yi han ekitetim. ⁷In ek yi han ekitet God kakikaap mit nirak kakimtor him mir kerek hir ninap nanitiwekhi ekikepi witaan wanewik o au? Te hirakkakikepi waswas o au? ⁸Hi etpi, God kakikepi kakimtau him mi kakriakem wasenum. Te maain hi Mitik ke wit ke Mitik Iuwe hi pike enen ti, mit hir han ekiteta nanitehi God menmen nanmeriyo o au?”

Him tok piksa me mitik ke Farisi ketike mitik enuk kari pewek me mit ne takis

⁹Jisas hirak wen katip him tok piksa im e me mit kerek han kitet hiras hir niriak menmen yaaim, te ninaain han en niriak menmen enum. ¹⁰Hirak katip kar ik: “Mitikit wiketeret tiniu ten winak iuwe ke God hirakit titehi God menmen. Hak ke mit ne Farisi, hak ke mit nari pewek me takis me mit. ¹¹“Mitik ke Farisi kerp hirekes kitehi God kar ik: ‘God, hi han yaaik heriuwit hentar hi ap enuk har ke mit han au. Hi ap enuk o sampeine hari pewek me mit, hises menmen enum o etike mite wiriran au. Hi ap har mitik ik enuk kerek kari pewek me takis me mit au. ¹²“Me wi wik me wik miutip miutip, hi au hit nainpi hau te hi hituthi menmen. Hi pewek mei man hi ewepim ewetut pinam kike, hi ehit pinam kerek mepeit en.’ ¹³“Hirak katip kar ik, te mitik enuk kari pewek me mit me

¶ 17:37 Jop 39:30 ¶ 18:1 Ro 12:12; Kl 4:2; 1Te 5:17 ¶ 18:5 Lu 11:7-8 ¶ 18:11 Lu 16:15
 ¶ 18:12 Jen 14:20; Mt 23:23 ¶ 18:13 Sam 51:1

takis, hirak keit winak ke God kerp yanimin, hirak ap kikiamnaan men niu wit ke God au. Hirak yink enuk kiwaai his kewen han pank kirak katip God, ‘Ti hanhan heriuwa. Hi mitik enuk hiriak menmen enum.’

^{14w}Jisas katip, “Hi hetpi, mitik ik ek enuk kari pewek me mit, hirak kinaaiwir winak ke God hirak God katip hirak yaaik. Te mitik hak eik au. Mitik kerek han kitet hirak yaaik kinin mit han, God kaktip hirak weinik. Te mitik kerek hirak han kitet hirak weinik, God kakrekryiwewek kaktip hirak yaaik iuwe.”

Jisas kewis his mentar nikerek kitehi God naanmamror

(Mt 19:13-15; Mk 10:13-16)

¹⁵Mit han neit nikerek kike nir neri nan Jisas te hirak ekwis his eminteri ekitehi God naanmamror. Te mit disaipel nir miye haai nir hir natip neneri nar ik: “Jisas epei kikaap mit yapirwe hir ninap. Nikerek kike hir weinin. Yi einopin!” ¹⁶Te Jisas kenine nikerek kike eninen enerek, hirak katip mit disaipel nirak, “Yi eiwisi hir eninen. Yi ap eiweni eyintar mit hir nanises him me God hir han ekitet God nanir ke nikerek han kitet him me miye haai netpim. ¹⁷Hi hetpi werek. Neimin ap nises him me God nanwisik naanmampri nanir ke nikerek hir nises him me miye haai nir, hir ap nanit menmen God kakwetirem taau.”

Him me mitik iuwe kinin mit ketenen menmen yapirwe

(Mt 19:16-30; Mk 10:17-31)

^{18y}Mitik kiutip ke mit iuwe ne Isrel kan kitiwekhi kar ik: “Mitik Yaaik kerek ti hertei menmen ewepyapirem, hi eriak mekam te hi ehit himin yaaik hi ehu etike God tipmain tipmain enum eik?” ¹⁹Jisas ketpiwek kar ik: “Henmak te ti etpo hi yaaik? Ti hertei ti atip hi hire keimin te ti atip hi yaaik a? Mitik kiutip kekere nimin ne yi mit miyapir hirak yaaik au. God kiutip kerekkek. ^{20z}Ti hertei him lo Moses nipaa kewisim. ‘Yi ap eitike miyapir kerek epei neit mit yi ap eiriran au emit! Yi ap einep mit nani. Yi ap eisawin eyit menmen me mit han. Yi ap eimipin eiwenin him mitik hak. Yi eiyses miye haai ni eyimtau him mir.’” ²¹Mitik kerek ketenen menmen yapirwe ketpiwek, “Nipaa kerek hi hire nikan kike ere in ek hi epei hises him me God Moses kewisim mau tiwei.” ^{22a}Jisas kemtau menmen im, hirak ketpiwek, “Ti wen eriak menmen ham miutip ti ap hisesim. Ti etenen menmen yapirwe. Ti eno esiuwe menmen mit ehit pewek mamrerim ti ewet mit enun weinin em. Epei au, ti enen eisisa. Ti eriakem te God kakwetut menmen yaaim mirak kakit wit kirak.” ²³Mitik ketenen menmen yapirwe kemtau him im, hirak han enuk kentar hirak ketenen menmen yapirwe. Hirak kinapen kakwet mit em.

^w 18:14 Mt 23:12; Lu 14:11 ^x 18:17 Mt 18:3 ^y 18:18 Lu 10:25 ^z 18:20 Eks 20:12-16; Diu 5:16-20 ^a 18:22 Mt 6:20

24 Jisas kirek, hirak han enuk te hirak katip, “Amirkeik te mit netenen menmen yapirwe hir enwis God kinini naanmamri hir nises him mirak. Taauye! 25 Miyak kamel (hirak kire hos) kakno kakitet pewek kihi taau. Mitik kerek wen ketenen menmen yapirwe kakno kakises him me God kakwis God kakinin naanmamriwek taauye!” 26 Te mit nemtau him im, hir nitiwekhi, “Te keimin God kaktiwekhis kaku kaktikerek kaku kakit? Taauye!” 27^bJisas kewenhi ketpor, “Menmen mit ap nanriakem, hiram menmen weinim God hirak kakriakem.”

28 Te Pita katip, “Haiu epei minaaiwir wit kaiu, menmen maiu misesit.” 29 Jisas ketpor kar ik: “Hi hetpi im e. Neimin ninaaiwir wit kir o ninaaiwir miyapir nir o kikrek nir o miye haairer o nikerek nir nentar hir nises him me God, 30 hir nanit menmen yaaim yapirwe me wi hir nau ti ik e. Maain God skelim mit, hir nanu nanit nantikerek tipmain tipmain enum eik.”

Jisas katip keteipim hirak kaki maain pike kakikrit

(Mt 20:17-19; Mk 10:32-34)

31^c Jisas keithis mit disaipel nirak hiswiyen wik (12) keru ken ketpor, “Eiyimtau! Haiu mamno wit Jerusalem menmen yapirwe mit profet nipaa newisim mau tiwei me hi Mitik ke wit ke Mitik luwe hiram mamnen. 32^d Te hir nanriuweta hi ano his me mit enun ap ne Isrel hir nanrekyo enum, nanititonaan, nanitpo enum, naninikin timank mamnawa. 33 Hir naniyep nanriuwe nipin, hi ano te mit nanwenkeka hahu nu tentarakit hi hahi. Me wi wikak hi pike akrit ehu.” 34^e Mit disaipel ap nertei menmen werek werek au. Te menmen kerek hirak ketpim au misawin ap meke yaain au. Te hir ap nertei menmen werek werek Jisas ketpim au.

Jisas kikaap mitik nanamir toto

(Mt 20:29-34; Mk 10:46-52)

35 Jisas kan menep wit Jeriko, mitik kerekek nanamir toto kau menep yayiwe kenine mit miyapir nanwetiwek nan te kakit menmen kakim. 36 Mitik nanamir toto kemtau mit yapirwe nan nanino, hirak kitehi mit han kar ik: “Mit niriak mekam?” 37 Hir netpiwek, “Jisas ke wit Nasaret kan kesipetit ken.” 38^f Hir netpiwek te mitik nanamir toto kinap katip, “Jisas Nepenyek ke Devit. Ti han etwenina.” 39 Te mit kerek ninin ek nenerek netpiwek, “Ekintip wire wire!” Te hirak pike kinap yapirwe kenine hisiwe, “Nepenyek ke Devit, ti han ekepai naanmiprai, te ti han etwenina.” 40 Jisas kemtewek hirak kerp ketpor, “Eiyithis mitik nanamir toto eiyik einen.” Hir neiyik nan, hirak kan menep, Jisas kitiwekhi kar

^b 18:27 Mk 14:36 ^c 18:31 Lu 24:44 ^d 18:32 Lu 9:22, 44 ^e 18:34 Mk 9:32 ^f 18:38 Mt 15:22

ik: ⁴¹“Ti hanhan hi erekyut mekam?” Mitik nanamir toto katip, “Mitik Iuwe, hi hanhan nanamir kai pike ekiupan te hi ahir menmen werek werek.” ⁴²⁸Hirak katip epei au, Jisas ketpiwek, “Ti esiupan nanamir ehir menmen. Ti han ekiteta te hi hekepit ti hire yaaik.” ⁴³Wasenum hirak kir menmen werek werek kises Jisas kewenipi God. Mit yapirwe nirek, hir newenipi God nentar hir han yaaik neriuwerek.

Him me Sakias

19 ¹⁻²Jisas kepno kitet wit Jeriko kesipatek kepno. Mitik iuwe niuk mirak Sakias hirak kepu wit ik. Hirak kinin naanmipre mit kerek hir nari pewek me mit ne takis newet gavman em. Hirak ketenen menmen yapirwe. ³Mitik ik hirak kare kakir Jisas hirak keimin. Hirak mitik kike yinak te ap kakir Jisas kentar mit yapirwe nerp menep menep nesoniwek. ⁴Te hirak kesiuknen kinin mit yapirwe ken kiniu nu fik kau niu (hirak kire tapir kup) hirak kakir Jisas kentar hirak kakno kaksipaata nu ik e.

⁵Jisas kan kerp nu ik e kikiamnaaan kir Sakias ketpiwek kar ik: “Sakias, ekiuwe wasenum enen. Hi etput, hi petepin atikewit wauno winak kit ek.” ⁶Sakias kekiuwe wasenum kan ti, hirak han yaaik keriuwe Jisas kekre han kirak, hirak keriyaak ken winak kirak. ⁷^hHir mit yapirwe nirek, hir natipan ninan yipir newirek hir natip nar ik: “Jisas kakno winak ke mitik enuk kiriaak menmen enum.” ⁸ⁱMaain keit winak eik, Sakias kekrit kerp katip Jisas, “Mitik Iuwe emtau! Hi ewet pewek o menmen mai pinam mamno mit enun winen menmen auri. Te hi nipaa emipin mit han ekinortip pewek mir, hi pike ewetirem mamrer mir kerek nipaa hi etiwem miutip, hi ewetirem tekyaaait.” ⁹^jJisas katip te mit nau en nemtewek. Hirak katip kar ik: “Petepin mitik ik epei keweikin sip kewet menmen enum. Hirak hirekes nepenyek ke Ebrahim kentar in ek hirak kises God werek werek. Hirak kises God werek werek kentar ¹⁰^khi Mitik ke wit ke Mitik Iuwe, hi han te hi hinhatin mit hir newaank hiras nar mitik ik, te hi ekepi etorhis.”

Jisas katip him tok piksa ke mit naanmipre pewek me mitik hak (Mt 25:14-30)

¹¹Jisas katip him tok piksa men mit kerek nemtewek katip Sakias menmen. Hirak katip him im kentar in ek hirak epei menep kakiun wit Jerusalem kaki. Te hir mit han kitet natip epei menep te God kaknen kakriuwe menmen mirak iuwe yaaam kakinin naanmamre mit. ¹²^lTe Jisas katip kar ik: “Nipaa mitik hak iuwe kepu. Hirak kakno wit hak keit yanimin te mit han nanwisik kakre iuwe naanmamre mit neit ein. Maain hirak pike kaknen wit kirak ik.

⁸ 18:42 Lu 7:50 ^h 19:7 Lu 5:30, 15:2 ⁱ 19:8 Eks 22:1; Nam 5:6-7 ^j 19:9 Ap 16:31-34; Lu 13:16 ^k 19:10 Lu 15:4; Jo 3:17; 1Ti 1:15 ^l 19:12 Mk 13:34

¹³Menep hirak kakno, hirak kenine mit hiswiyen (10) nekepik niriak menmen mirak, hir nan. Hir nan, hirak kewtir pewek mar 20 kina miutip miutip. Epei au, hirak ketpor, 'Eiyimtau menmen. Yi yayit pewek im em, hiram mamri meiyam mamkiterem mamwaai ere iuwe, te hi pike anen.'

¹⁴^m"In ek, mit han ne wit kirak, hir nineinik te hir nesiuwe mit han nikaru nen natip nar ik: 'Hiau minapen mitik ik kakre iuwe naanmamrai.'

¹⁵"Maain mitik iuwe epei naanmipre mit pike kan, wasenum hirak kenine mit kerek niriak menmen mirak em kerek nipaa neit pewek, hirak keriyeyiri hir nan nerp ninaan mirak, hirak kitorhi me pewek nipaa hirak kewtirem, te hir neit pewek meiyam mamtikerem o au. ¹⁶Mitik hak kiutip kinin kan katip, 'Mitik iuwe, me pewek nipaa ti ewetewem mar 20 kina, hiram mari ham mire 200 kina.' ¹⁷ⁿMitik iuwe ketpiwek kar ik: 'Ti yaaik, ti mitik erekyau menmen mai yaaim. Ti yaaik naanmiprau menmen kike mar im werek, te hi ewisit naanmamre wit iuwe mar hiswiyen (10) im e.'

¹⁸"Hirak epei ken, mitik hak kerek kiriak menmen mirak ek kan katip, 'Mitik iuwe, me pewek nipaa ti ewetewem mar 20 kina, hiram mari ham mire 100 kina.' ¹⁹Hirak katip epei au, mitik iuwe king katip me mitik ik kar ik: 'Ti naanmamre wit mar hispinak (5).'

²⁰"Hirak epei ken, mitik hak kiriak menmen mirak kan katip, 'Mitik iuwe, im em hiram pewek mit nipaa ti ewetewem. Hi hisawinem mekre wa hitin. ²¹Hi hineinit hentar ti menmen kerek mit han nimaam. Ti ewenkek menmen kerek nipaa ti ap emir em au, mit han namir.'

²²"Mitik iuwe king ketpiwek, 'Ti mitik eriak menmen mai, ti enuk! Hi pike ehit him mit ti etpim me hi, hi pike enit eriuwerem. Ti hertei hi mitik enuk atip him tokik tokik ari menmen ap mai ewenkek menmen kerek hi ap epei hamir au mit han. ²³Henmak te ti ap ewisa pewek mei mekre benk? Te hi ehit meiyam kike weinim mamtikerem wi kerek hi pike han in a?'

²⁴Te mitik iuwe king katip mit kerek nerp ein en, 'Eiyit pewek emkeipniwek eiwirem te yi eiwet mitik hak kerek ketenen 200 kina eiwetiwekem.'

²⁵"Hir netpiwek, 'Mitik iuwe mitik eik epei ketenen 200 kina, ekit.'

²⁶^o"Mitik iuwe katip kar ik: 'Hi etpi mit kerek netenen menmen hiram yapirwe, te maain hirak mitik iuwe kakwetir meiyaam. Te mit kerek ap netenen menmen yapirwe au, menmen kike kerek hir netenenim, mitik iuwe kaktiwem mamkeipnor. ²⁷In ek mit nai nepan ninaain hi hire mitik iuwe naanmamror, yi eitorhis einen in yi einip te hi ahiri.' "

Jisas ken Jerusalem kakre mitik iuwe naanmamre mit
(Mt 21:1-11; Mk 11:1-11; Jo 12:12-19)

²⁸Jisas katip him im epei au, hirak kinin kiniu kakno wit Jerusalem.
²⁹Hirak kan menep ke wit Betfasi ketike wit Betani keit miniu (o neiyip)

^m 19:14 Jo 1:11 ⁿ 19:17 Lu 16:10 ^o 19:26 Mt 13:12; Lu 8:18

niuk mirak oliv. Epei au, Jisas keriuwet mitikit disaipel wik tiniu ten.
³⁰Hirak ketpiwekit kar ik: “Yi eino wit eik yi eiyir donki nikik (hirak kire hos) mit nekeipik kerp kerek mit niutip niutip ap nipaa newik wen au. Yi eisiupanek eiriyaak eiyik einen in e. ³¹Te mit han nanitih, ‘Yi yenmak te yi yesiupan ek,’ te yi eiyitpor, ‘Mitik iuwe hanhan kaktiwek.’”

³²Hirakit ten ten ere tinapin menmen mar ke Jisas nipaa ketpiwekitem. ³³Tinapinek o, hirakit wen tesipuan hos, mit kerek naanmipre hos netpiwekit, “Yi yenmak te yi yesiupanek?” ³⁴Hirakit tatip, “Mitik iuwe kawir kakwik.”

³⁵Hir newenhi te hirakit tari hos eik teiyik ten Jisas, hir yapirwe newir saket (hiram mire laplap) mentar hos sip kirak, te hir nekin Jisas newisik kewik. ³⁶^qJisas kewik kepno, hir mit nepno netikerek nenepep saket newisim minin miwaai yayiwe neteikin hir newenipiyek han yaaik neriuwerek. ³⁷Jisas kan menep wit Jerusalem kerek yayiwe kiun wank kekiuwe ken miniu Oliv ek, mit disaipel nirak yapirwe nererik menep menep hir han yaaik newenipi God nine henye newep him iuwe nentar menmen yaaim hir epei nir Jisas kirkakem. ³⁸^rHir natip nar ik:

“God naanmamre Mitik Iuwe kerek naanmamre haiu mit, hirak kakikrehir God. God hanhan keriuwai haiu mit. God hirak kakit niuk iuwe.”

³⁹Te mit han ne Farisi kerek naanmipre him me Moses nekre mit yapirwe en natip Jisas, “Mitik Iuwe, ti atip mit disaipel nit wire wire nentar hir natip God keriuwetit te ti han ti ik. Hiram enum.” ⁴⁰Jisas kewenhi ketpor, “Hi etpi, hir nekintip wire wire, nan hiremes kerek miwaai yayiwe mamnap mamtip mamwenipi niuk mai.”

Jisas kikit Jerusalem kentar mit neweikin sip newetiwek

⁴¹^sJisas epei kan menep wit Jerusalem, hirak kirek, hirak kikit mit nau wit eik. ⁴²^tHirak katip, “Hi hanhan te yi mit petepin yertei menmen eitiwem me yi eiyu werek werek, te in ek yi ap yerteiyem taau. ⁴³Maain wi mamnen te mit ni enun nepan naninen nanweikni hir naniyepeti mit naninke yinan hesini naninke yinan hasini. ⁴⁴^uTe hir naninen naniwep yi mit miyapir naniwaank wit ki. Ap te nan mei miutip mamu kerek nipaa mepu ek taau. Menmen im mamnen mamntar yi ap yertei wi God kan te kakikepi.”

Jisas ken winak iuwe ke God kepir mit nesiuwe menmen neit ein *(Mt 21:12-17; Mk 11:15-19; Jo 2:13-22)*

⁴⁵Maain wi ham Jisas ken winak iuwe kerek mit nererik natip him me God neitai en, hirak kene mit kerek nesiuwe menmen mire sipsip o hore

^p 19:32 Lu 22:13 ^q 19:36 2Kin 9:13 ^r 19:38 Sam 118:26; Lu 2:14 ^s 19:41 Jo 11:35
^t 19:42 Ais 6:9-10; Mt 13:14; Ro 11:8 ^u 19:44 Lu 1:68, 21:6

menmen ham mit namip nanwet God em, hirak kepri nen. ⁴⁶Hirak ketpor kar ik: “Him nipaa God ketpim mit newisim mau tiwei mar im: ‘Winak kai mit netpim hirak ke hir nanino nanitehi God menmen naneitak.’ Te yi yeweiknik kire winak ke mit enun nekintip menmen newik.”

⁴⁷Epei au, hekrit hekrit Jisas katip mit miyapir him mirak keit winak iuwe ke God kerek ek. Te mit iuwe pris newet God menmen me mit, hir netike mit ne Skraip kerek natip mit miyapir him me Moses, hir netike mit iuwe ninin mit, hir nimenipin Jisas hanhan nankip kaki. ⁴⁸Te hir ap niriakem au nentar hir mit yapirwe nemtau him mirak ap te naninaaiwir him meiyam miutip au. Hir hanhan netikerek neit winak iuwe ke God eik.

Mit iuwe nitehi Jisas: Keimin kewisit ti ewepyapir him me God?

(Mt 21:23-27; Mk 11:27-33)

20 ¹Wi ham, kerek Jisas kepeit winak iuwe ke God keit Jerusalem kerekek, hirak katip mit miyapir him yaaim me God, mit han pris iuwe kerek newet God menmen me mit, hir netike mit ne Skraip kerek natip mit miyapir him me Moses, hir netike mit iuwe hir naanmipre mit ne Isrel hir nan. ²Hir nan hir nitiwekhi, “Ti etpai, keimin kehimitenit te ti han hiriak menmen im? Keimin ketput hiram yaaim te ti hiriakem?” ³Jisas kewenhi ketpor, “In ek hi hitihi yi eiypewem. ⁴Mitik Jon, God keriuwetek kan hirak kikir mit neriuwe tipar ketpor hir enweikin sip enwet menmen enum o Jon hirekes han kitetim kiriakem?” ⁵Hir natipan han kitetim mar im: “Hau mamtip me God, te hirak kaktip, ‘Hiram meke God man te yi yenmak ap yises him me Jon?’ ⁶Te hau mamtip Jon hirekes han kitetim kiriakem, mit yapirwe in en nanwir nan nanwep nanintar hir han kitet Jon hirak profet, God keriuwetek kan kewepyapir him mirak.” ⁷Te hir newenhi natip Jisas nar ik: “Hau ap mertei menmen Jon ketpim meke nein man?” ⁸Te Jisas ketpor, “Mar keremem te hi ap hetpi keimin keriuweta hi hiriak menmen.”

Jisas katip him tok piksa me mit enun naanmipre

ni me waai nikim wain

(Mt 21:33-46; Mk 12:1-12)

⁹Hirak ketpor epei au, Jisas katip mit him tok piksa im: “Mitik kiutip kamir wain nikim mau ni kewis mit han naanmiprewem. Maain hir nanit ham, hirak kakit ham. Epei au, hirak kinaaiwir wit kirak ken kakit wit hak ere maain tito yapirwe. ¹⁰^bMe wi kerek hir nanit waai nikim mewinki kerem em, hirak keriuwet mitik kerek kiriak menmen mirak kakno kakir mit kerek naanmiprewem, hir enwetiwek ham pinam. Te mit

^v 19:46 Ais 56:7; Jer 7:11 ^w 19:47 Lu 21:37, 22:53; Jo 18:20 ^x 19:48 Mt 21:46; Mk 14:1-2; Lu 20:19 ^y 20:4 Mk 4:1-5 ^z 20:5 Mt 21:32 ^a 20:9 Ais 5:1 ^b 20:10 2Kro 36:15-16

kerek naanmipre ni keremem nakip nenipek yink enuk nesiuwerek kan ap ketenen menmen mei au. ¹¹ Maaïn hirak pike keriuwet mitik hak ken te mit naanmipre ni keremem hir nakip nenipek yink enuk nesiuwerek pike kan ap ketenen menmen mei au. ¹² Hirak pike kan ap ketenen menmen au, hirak keriuwet wok mitik hak kepno, te mit naanmipre ni hir nakip kaa hir newirek kenpin. ¹³ Hir newirek kenpin, mitik ke ni hirekes katip, ‘Hi ariak mekam te hi ehit menmen mai pinam? Hi hertei. Hi esiuwe nikan kai nipaa hi hinaak kiutip kerek ek. Hirak ekno te hir han ekitetik enwetiwek menmen.’ ¹⁴ Hirak keriuwetek ken ni eim, te mit kerek naanmiprewem nirek hir natipan, ‘Ik ek hirak nikan kirak hirekes kerek ek. Haiu emkip te haiu mamit ni me waai wain hiram maiu.’ ¹⁵ Te hir nepirek kaknopin ni me waai nikim kerem em, hir nakip. Mitik hirekes ke ni keremem ekriak mekam me mit naanmipre ni mirak? ¹⁶ Hi hetpi hirak eknen eknep mit kerek naanmipre ni eim, hirak pike ekwet han em naanmipre ni me waai keremem.” Mit hir nemtau him im hir natip, “Taau! Emit! Mit kerek naanmipre ni ap te nanriak enum marim auye!”

^{17c} Jisas kiri ketpor kitorhi kar ik: “Menmen im ap te mamnen taau, kenmak him me God mau tiwei matip mar im:

“Teinik kerek nipaa mit kerek nime winak ek nineinik nenkerek newisik kiwaa?” ^{18d} Mit neimin niutip niutip kerek neweikin sip neweto hir nar ke mit hir nerewo teinik ek hirak kakrenirir kike kike nanriwaank. Teinik kakinke kakintar neimin hirak kaksesi tikip tikip mamre niutip. (Hi kerekek hire teinik ik. Keimin ap kises him mai kakiwaank hirekes.)” ^{19e} Mit hir natip mit miyapir him me Moses netike mit iuwe pris kerek ninin mit han, hir hanhan in ek nanithis Jisas nankip nentar hirak katip mit him weinim tok piksa me hir mit iuwe keriyen. Te hir ninapen mit miyapir yapirwe nererik menep menep, te hir netiwekhis nanip au.

Mit nan nitehi Jisas menmen me nanwet gavman pewek me takis
(Mt 22:15-22; Mk 12:13-17)

^{20f} Te hir nemerir wi te nantiwekhis. Hir nehimitan mit enun nemipin hir nire yaain te hir naninen nanmipin Jisas nanitiwekhi menmen te hir nanwisik kakno his me mitik iuwe Gavman ke Rom. ²¹ Hir nan natip Jisas, “Kaiu luwe, haiu mertei menmen ti etpim ewepyapirem hiram yaaim. Haiu mertei ti ap hinaain mit iuwe o mit neimin weinin. Hiram menmen weinin ti etpor him yaaim me God keremem. ^{22g} Ti etpei hiram yaaim werek te haiu emwet mitik iuwe naanmipre mit ne Rom netikewei pewek me takis o au?” ²³ Te Jisas kertei kekere han kirak hir nemipin te

^c 20:17 Sam 118:22 ^d 20:18 Ais 8:14-15 ^e 20:19 Lu 19:47-48 ^f 20:20 Lu 11:54

^g 20:22 Ro 13:6-7

hirak ketpor, “Yi yenmak te yi yitauhiyem a? ²⁴Yi eiteikno pewek kei kiutip. Himin metike niuk me keimin im em?” Hir newenhi, “Mitik iuwe Sisa kerek naanmpre mit ne Rom ek.” ²⁵Te Jisas katip, “Yi eiwet mitik iuwe naanmpre mit ne Rom menmen lo metpim. Te yi eiwet God menmen him me Moses keremem metpim.” ²⁶Hir ap nemtau him mei enum hirak ketpim te hir nanriyaak me nanamir me mit neiyik nanino au. Te hir nekintip wire wire neit, hir han kekrit neriuwe him mirak.

Mit nitehi Jisas menmen me mit nani pike nanikrit

(Mt 22:23-33; Mk 12:18-27)

²⁷Mit han pris hir nises him me Sadyusi, hir nan Jisas. Hir keriyen han kitet mit epei naa ap te pike nanikrit taau. Hir nitiwekhi nar ik: ²⁸^h“Mitik Iuwe, mitik Moses kewisai him lo im em: ‘Mitik kaa kinaaiwir mite pirak te nikerek au, mitik kerekek nikik o heiyuwe kirak ekit mite pirak weiniye kerepew te hire pike ewine nikerek enikrehir ke mitik nipaa kaa ek e.’ ²⁹Nipaa mitik ketike kikrek nirak hispinak kiutip (6) ne haai kiutip hir nepu. Heiyuwe kir keit mite. Maain hirak kaa, te hirak ap epei kine nikerek nei wen au. ³⁰Te nikik kirak kerek niminek ek ketiwe te hirak kaa ap epei kine nikerek au. ³¹Nimnek ketiwe te menmen mar im me hirakit hispinak wik (7), hir naa te ap hir nine nikerek nei au. ³²⁻³³Hir naa, maain mite hire waa. Maain wi God kakikian mit nanikrit, mite ip e pe mitik keimin ke mit hispinak wik (7)?”

³⁴Hir nitiwekhi epei au, Jisas kewenhi ketpor, “Mit miyapir in ek hir neitan. Haairer ne miyapir nihan hiram, hir nesiuwe nikerek nir nanino nanit pewek nanmereyi. ³⁵Te mit netike miyapir kerek hir yaain en nentar hir newis God naanmpri, hir nani te maain God kakikian hir nanikrit nanu te maain hir ap pike nanitan taau. ³⁶ⁱHir nanire mit ensel nentar hir ap te nani au. Hir nanu nanre nikerek ne God nanintar hir naa hir pike nanikrit. ³⁷Mitik Moses katip keteiknai werek werek kerek mit naa maain nanikrit nanu. Him me God mau tiwei Moses kewisim matip menmen me wi hirak kir si taak nu ap kaa au, hirak katip ke Mitik Iuwe, ‘Hirak God ke Ebrahim, God ke mitik Aisak, mitik Jokop kerek nipaa enum eik nepu.’ ³⁸^kMenmen im meteiknai hirak God ke mit hir naa au. Hir nepu. Haiu mit in han kitet mit epei naa, te God katip au hir himin kir kepu. Hir ninaaiwir yink kir kaa kerekek te nanit yink hak yaaik.”

³⁹Mit han ne Skraip kerek newepyapir him me Moses newenhi natip, “Mitik Iuwe, ti epei atip werek.” ⁴⁰Hir yink enuk ninaain nanitehi Jisas menmen meiyam au.

Jisas kitehi Sadyusi him me mitik God kehimitanek kakikaap haiu mit

(Mt 22:41-46; Mk 12:35-37)

⁴¹Jisas ketpor, “Nenmak mit kerek natip mit miyapir him me Moses natip Mitik Kraiss kerek God kehimitanek hirak nepenyek ke Devit

^h 20:28 Diu 25:5 ⁱ 20:36 1Jo 3:1-2 ^j 20:37 Eks 3:2-6 ^k 20:38 Ro 14:8-9

kerekek a? ⁴² Hirak nepenyek kirak kerekek au kentar Devit hirekes katip mau tiwei Sam kar ik:

‘God hirak katip Mitik Iuwe kai:

Ti ehu etikewa har ke mit iuwe, ⁴³ ere maain hi enep mit nit enun nepan epei au nesi.’ ⁴⁴ Devit kene nepenyek kirak “Mitik Iuwe kai.” Markeik te Mitik Iuwe God kehimitanek kaknen kakikaap mit hirak kakre nepenyek ke Devit kerekek a?” Jisas katip menmen im keteikin mit hirak kire God.

Jisas katip mit naanmamre hiras me menmen mit kerek newepyapir him me Moses hir nisesim

(Mt 23:1-36; Mk 12:38-40; Lu 11:37-54)

⁴⁵ Mit yapirwe nererik nemtewek, Jisas katip mit nirak disaipel menmen im: ⁴⁶ “Yi naanmamre hiras me mit iuwe newepyapir him me Moses. Hir nanino ein ein neweikin laplap saket nokik kerek meteikin mit hir nises God, hir han yaaik nantipan neiyewowan nanirp wit maket kerek mit nererik nesiuwe menmen. Hir hanhan nanu yeno mit nehimitanem me mit iuwe neit winak kerek mit nererik nekine him me Moses, o winak mit nererik naam menmen neriuwe mit han. ⁴⁷ Hir hanhan nisawin nanri menmen, winak o ti me miyapir mit nir epei naa nesiupani. Hir epei nari menmen, te hir nanino winak ke God hir nemipin nitehi God menmen neteikin mit yapirwe hir yaain. Maain God kakiwaanki wisenum nanintar hir nemipin niriak enum.”

Mite weiniye nipaa mitik kire kaa, hire wewet God menmen

(Mk 12:41-44)

21 ¹ Jisas kerenaan kir mit netenen menmen yapirwe hir newir pewek yapirwe mekre tikenup miwaai winak iuwe ke God. ² Hir newirem, Jisas kau kir mite weiniye nipaa mitik kire kaa hire wewir pewek kike wik mepno mekre tikenup kerekek. ³ Hire wewirem epei au, Jisas katip, “Hi hetpi, mite weiniye ip e nipaa mitik kire kaa, hire wewir pewek mekre tikenup hiram minin mit han. ⁴ Mit han en hir newis ham kerek epei nenkerem men, pinam au meit, te hir newet God em. Te hire wetenen pewek mei yapirwe au, te hire wewisim wenepim kerek hire wetenenim me weiyim wawim menmen.”

Jisas katip winak iuwe ke God maain mit naniwaankek kakit

(Mt 24:1-2; Mk 13:1-2)

⁵ Mit han hir natip menmen me winak iuwe ke God hirak yaaik nan yaaim mire teinik mit newen ninaan mewik, menmen ham yaaim mit

¹ 20:42 Sam 110:1 ^m 21:3 2Ko 8:12

newisim neiyim nesese winak neriuwerem. Te Jisas ketpor, ⁶“Hiram menmen im yi yirem, maain wi mamnen te ap nan kei kiutip kaku taau, te menmen meiyam miutip miutip mamu mamintereram taau. Mit nanwirem mamno ti heriyai heriyai.”

Jisas katip menmen maain mamnen mamiwaank mit
(Mt 24:3-14; Mk 13:3-13)

⁷Hir mit en nitiwekhi nar ik: “Mitik Iuwe, me wi mekam te menmen im mamnen? Menmen mekam mamnen mamteiknei wi epei menep te menmen im mamnen?” ⁸Jisas ketpor, “Yi naanmamre hiras te mit ap nanmitipin. Mit yapirwe naninen nanikrehir kai, hi Mitik God kehimitana hi akaap mit. Hir niutip niutip naninen nantip, ‘Hi epei han,’ o ‘Wi epei man menep te ti kakiwaank kakit.’ Yi eiyimtau him im eiyisesim au emit! ⁹Maain yi eiyimtau mit naninepan wisenum yi ap einapen eipirpir au emit! Menmen ham yapirwe maminin mamnen keremem te wi eik enum epei man menep wen au.”

¹⁰Jisas wen katip, “Mit ne wit hak iuwe kiutip nantike mit han ne wit hak iuwe naninepan, gavman han nantike gavman han naninepan. ¹¹Menmen enum mamnen ti. Ti kaktanik kakrer wit wit, hawi au, te menmen mamwo au. Mit miyapir ninpi mamin. Menmen enum mamikrit mamnen te yi yainap. Menmen enum mamtike menmen ham iuwe me nepni mamir te yi yayirem.

¹²“Menmen im maain mamnen te im minin mamnen. Mit hir nanwepiyapir me menmen yi yiriakem, nanrekyi enum te naniswi yi yaino mit kerek naanmipre winak kerek mit nekine him me Moses, o mit iuwe, o gavman te hir nanriwaank yaino winak enuk yayintar yi yises him mai. ¹³Im em hiram wi yaaim te yi eiwepyapir him yaaim me God. ¹⁴Yi ap eiyinin han ekitet menmen yi eitip mit iuwe em naanmampre hiras au emit! Yi ap eiriakem eiyintar ¹⁵hi eweti him mai yaaim yi yayirtei menmen werek werek te mit kerek hir nepan ni en ap te nanwepiyapir nanweni him me ninaan me gavman ke menmen yi yetpim.

¹⁶“Mit enun nantike miye haai ni, o kikrek ni, yenterer ni, o ni yinan, hir nanriuweti yaino mit enun nepan, hir naniwep yi mit neiyam. ¹⁷Mit yapirwe nanineini nanintar yi yises him mai. ¹⁸Te God naanmamre himin ki yi eiyu werek werek. ¹⁹Yi han tokik eiyu eiyises him mai te mit naniwep yi yayi, maain himin ki kaku werek werek yi yayu yaitikewa.

Jisas katip maain mit naniwaank wit Jerusalem
(Mt 24:15-21; Mk 13:14-19)

²⁰“Maain wi kerek yi eiyir mit ne ami enun nepan naninen nanweikin wit Jerusalem, te yi eiyirtei wi epei man menep te mit naniwaankek.

ⁿ 21:6 Lu 19:44 ^o 21:12 Mt 10:18-20; Lu 12:11-12 ^p 21:15 Ap 6:10 ^q 21:16 Mt 10:21-22
^r 21:18 1Sm 14:45; Lu 12:7 ^s 21:19 Hi 10:36

²¹Te neimin nau provins Judia enrir enino miniu (o neiyip) enu enit en. Neimin kerek nau wit Jerusalem hir enino eninopin. Neimin kerek nerer wit wit kirapit menep Jerusalem ap pike eninen wit kir iuwe ek enu enit en au emit! ²²‘Wi im hiram wi God kakriak mit enum kakintar menmen enum hir niriakem mar ke nipaa him me God mau tiwei metpim mamnen. ²³‘Maain me wi im hir miyapir nanine nikerek hir han enuk, hir nantike miyapir ninan nikerek kike newetir nim nanintar hir ap nanrir waswas au. Menmen im enum mamnen mamiwaanki. Menmen enum mamnen mit nanu ti ik e, God kakriak mit ne Isrel enum enum. ²⁴‘Mit han hir mit enun naninip nanriuwe hine me his, hir nantorhis nanriyei nanino nanrer wit wit nanriak menmen me mit han. Te mit kerek hir ap ne weiwik me Isrel au, nanu wit Jerusalem naanmamriwek ere wi kerek God kewis mit nanweikin sip nanwet menmen enum hiram epei au.

Maain Mitik ke wit ke Mitik Iuwe hirak pike kaknen
(Mt 24:29-31; Mk 13:24-27)

²⁵‘‘Maain menmen yapirwe mamu nepni mamir im: Hiram wepni, hir, wenke mamweikin his mamre menmen ham, mit nanrer wit wit han toenuk naninapan nanimtau wan sir mewenin wan kakniu. ²⁶Mit yapirwe nanir menmen im han kakitet menmen meiyam enum mamnen ti ik te hir han toenuk nanpirpir naninkewin nanwaai naninatin. Menmen iuwe mau nepni maminke mamnaaiwir wit mir mamnen in, mamno ein. ²⁷‘Te in ek yi eiyir hi Mitik ke wit ke Mitik Iuwe hi anen akre napi etike menmen mai iuwe mamtike menmen mai yaaim mamrehihe. ²⁸‘Menmen im enum mamikrit mamnen, yi han ekitet hi Mitik Iuwe menep hi anen akepi etihis, te yi ap einaain au emit! Yi han yaaik eiyu eiyit.’’

Menmen mamu nepni mamteikin Jisas menep te pike kaknen mamir ke nu fik keteiknai menmen
(Mt 24:32-35; Mk 13:28-31)

²⁹Hirak ketpor epei au, Jisas ketpor him tok piksa ham im: ‘‘Yi han ekitet nu fik kerek hirak kire nu hamis ketike nu ham. ³⁰Wi yi eiyir nu heneik miram maminsiunen, yi eitip, ‘Wepni yaaik epei te kaknen.’ ³¹Mar im yi yayir menmen im me nepni o wan hiram mamnen mamir ke hi epei hetpiyem, te yi eiyirtei God menep te kaknen naanmamre mit miyapir ne ti.

‘ 21:22 Diu 32:35; Jer 5:29, 46:10; Hos 9:7 21:23 1Ko 7:26 21:24 Esr 9:7; Sam 79:1; Ais 63:18; Ro 11:25; Rev 11:2 21:25 Sam 46:2-3, 65:7-8; Rev 6:12-13 21:27 Dan 7:13; Mt 26:64; Rev 1:7 21:28 Ro 13:11

32 “Hi hetpi werek. Mit nau ti in ek ap nani ere wi mamnen te menmen yapirwe hi hetpim mar im hiram mamikrit mamnen.
33 ²Maain nepni mamtike ti ik mamiwaank mamit te him mai taau, mamu mamit tipmain tipmain enum eik.

**Jisas katip mit disaipel nirak hir naanmamre
hiras me wi God kaknen naanmamre mit**

34-35 ^a“Yi naanmamre hiras ap han ekitet yayim menmen yapirwe, tipar si enum, o menmen me ti, ni mi o sak o menmen im au emit! Hekrit hekrit yi han ekite eiriak menmen im keremem te wi hi Krais pike enen, yi ap yemeriya werek werek au. Wi im mamnen mamwepyapir mit yapirwe nau ti nerer wit wit hir ap nises God nanir ke miyak ketari tirpe kakikip. ³⁶ ^bNaanmamre hiras eiyitehi God hekrit hekrit te yi eiyirp han tokik me menmen enum me wi enum mamnen te maain yi wen eiyises him mai yi yaain te yi eiyu eitikewa hi Mitik ke wit ke Mitik Iuwe.”

³⁷ ^cMe wepni, Jisas ken winak iuwe ke God hirak kewepyapir him mirak katip mit em. Me witaan, hirak kiniu miniu (o neiyip) Oliv ken kiwaai ein. ³⁸ Wanewik hekrit, hir mit miyapir nanpino winak iuwe ke God nanimtau him mirak.

**Mitik Judas katip kakwet Mitik Iuwe Jisas kakwisik kakno his mir
(Mt 26:1-5, 14-16; Mk 14:1-2, 10-11; Jo 11:45-53)**

22 ¹ ^dWi epei man menep kerek mit ne Isrel han tewenin wi kerek nipaa God kari maamrer nir ninaaiwir wit Isip, hirak ken kenep mit newiyen. Wi im hir nekinaam Pasova, hir ap newis yis mekre bret au. ² ^eMit iuwe pris netike mit ne Skraip kerek natip mit miyapir him me God kerek Moses kewisim mau tiwei, hir han kitet mamirkeik te hir naninap Jisas nanintar hir ninapen nanriyaak kakit wit yaain te mit kerek nises him mirak hir naninip.

³ ^fTe Seten kan kari han ke Judas kerek mit nenewek “Mitik ke wit Keriot,” kerek hak kiutip ke mit disaipel hiswiyen wik (12). ⁴ Seten kari han kirak te Judas ken katip mit iuwe pris netike mit iuwe naanmipre polis ne winak iuwe ke God, hirak ketpor ekirkeik te hirak ekwetir Jisas kakno his mir. ⁵ Hir nemtewem, te hir han yaaik natip nanwetiwew pewek. ⁶ Judas kewenhi pewek te hirak han kitet ekirkeik te hirak kakwepyapir Jisas kakwet mit iuwe rek, te mit yapirwe nepu au hir nanitariyek.

^a 21:33 Lu 16:17 ^a 21:34 Mt 24:48-50; Mk 4:19; Lu 17:27; 1Te 5:3 ^b 21:36 Mk 13:33; Rev 6:17 ^c 21:37 Lu 19:47 ^d 22:1 Eks 12:1-27 ^e 22:2 Lu 20:19 ^f 22:3 Jo 13:2, 27

Mitikit wiketeret te mit disaipel temani menmen tiriakem me wi Pasova
(Mt 26:17-25; Mk 14:12-21; Jo 13:21-30)

⁷Wi epei man te mit ne Isrel nanim bret yis mekrerem au. Me wi ik hir mit eninep sipsip enir ke him me Moses mau tiwei metpim, hir nanim me wi Pasova han tewenin God kikaap maamrer nir nipaa ninaaiwir Isip. ⁸Me wi im Jisas keriuwet Pita ketike Jon ten ketpiwekit, “Yi eino eiraimani menmen eiriakem me wi Pasova te haiu mamim.” ⁹Hirakit titiwekhi, “Ti hanhan hawir waumani menmen wawit nein?” ¹⁰Jisas ketpiwekit, “Eiyimtau. Yi eino wit iuwe ek yi yayir mitik keremime min tipar mekrerem. Yi eisesik einik einu winak kerek hirak kaknik kakno kakikrerek. ¹¹Te yi eitip mitik hirekes ke winak kar ik: ‘Mitik iuwe kawir ketput, Ti eweto haau meiyam em te hi etike mit disaipel nai mamim menmen me Pasova mamwi.’ ¹²Hirak kakteikni haau yaaum mau niu ein epei newis menmen mekrerem. Yi eiyit menmen eiwisim emwaai haau im e.” ¹³^hHirak katip epei au, hirakit ten tinapin menmen kerek epei Jisas ketpiwekit em, te hirakit tiriak menmen miwaai werek werek te hir nanim menmen me Pasova.

Jisas kewet mit nirak disaipel Komunion
hir naam, te hir han teweninek
(Mt 26:26-30; Mk 14:22-26; 1Ko 11:23-25)

¹⁴Hirakit temani menmen epei werek, Jisas ketike mit aposel nirak nar hiswiyen wik (12), hir nan nau neweikinan nanim menmen. ¹⁵Hir nau en, Jisas ketpor, “Hi hanhan iuwe me hi hahim menmen im me Pasova etikewi maminin te maain hi hahi. ¹⁶ⁱHi hanhan ehim menmen im entar hi etpi, hi ap te ehim menmen meiyam mar im ere maain God kaknen naanmamri yi mit nai.”

¹⁷Jisas ketpor epei au, hirak kekin wa hesnu keriuwe tipar wain, hirak kitehi God ketpiwek kar ik: “Ti yaaik.” Epei au, hirak katip, “Yi eiyit tipar mekre wa hesnu ik ek, eiwenem emrer yi mit. ¹⁸Hi hetpi ap te hi pi ke ehim tipar wain im me wi im ere maain God kakinin kaknen naanmamri yi mit.” ¹⁹^jEpei au, hirak kekin bret kerek ek, hirak kitehi God ketpiwek, “Ti yaaik,” te hirak kewepik kewetirek katip, “Ik ek hirak kire yink kai. [Hi hahi te akepi. Yi yaitiwem yayim han etwenin menmen hi ariakem.” ²⁰Hir naam epei au, mar keremem hirak kewetir wa hesnu tipar wain mekrerem, hirak ketpor, “Mar im tipar wain hi ewenem mekre wa hesnu ik e, hiram hemkre mai mamwen mamkepi yi mit te God kakweti him kontrak ham mirak yaaum me yi eitikerek eikiyan eiyu han kiutip.] ²¹^kYi eiyimtau! Hirak mitik

⁸ 22:7 Eks 12:1-27 ^h 22:13 Lu 19:32 ⁱ 22:16 Lu 13:29 ^j 22:19 Lu 24:30 ^k 22:21 Sam 41:9; Jo 13:21-22

kerek maain kakwepayapir epei kau ketikewai kaam menmen. ²²Hi Mitik ke wit ke Mitik Iuwe hi hahi ahir ke nipaa God epei katip, te mitik kerek kakwepayapirek, hirak kakiwaank hirekes.” ²³Hir nemtewek epei au, hir nekrit nitehiyan ne hir hiras keiminak maain kakriak menmen im e.

Hir mit disaipel natip nenehan nare keimin hirak mitik iuwe kinin

²⁴^lMaain mit disaipel natip nenehan me hir keimin hirak kakinini ne hir hiras. ²⁵^mHir nenehan menmen im te Jisas ketpor, “Mit iuwe ne mit ap ne weiwik me Isrel, hir naanmipre mit en, hanhan mit nenewor nir yinan. ²⁶ⁿTe yi au. Keimin ke yi mit hirak kakinini, hirak han ekitet hirak kire mitik weinik, hirak han ekitet hirak kire mit nitet yayiwe hirak kikaru. ²⁷^oYi han kitet keimin wisenuk kinin. Mitik kau yeno kaam menmen o mitik kerek kemani menmen kekinem kewet mitik kau yeno em? Mitik kau yeno kerek ek.

²⁸“Yi keriyen epei yetikewa me menmen enum epei man merewaank. ²⁹^pTe hi eweti menmen yi naanmamrewem yayir ke haai kai epei kewetewem hi naanmiprewem. ³⁰^qTe yi yayim menmen mamtike tipar yayu yeno mai yaitikewa. Yi yayu yeno me mit iuwe yi skelim mit ne weiwik hiswiyan wik (12) me Isrel.”

Jisas katip Pita maain hirak kakweikin sip kakwetiwek
(Mt 26:31-35; Mk 14:27-31; Jo 13:36-38)

³¹Jisas ketpor epei au, hirak katip Pita, “Saimon, Saimon, emtewek! Mitik enuk Seten, God epei ketpiwek te hirak kakmitipin me menmen kakri han ke yi mit. Hirak kakriakem kakir ke mitik kerek keit rais nikim keses haas kewis nikim yaaim mamwaai in, kewir haas men ein. ³²Te hi epei hitehi God kakikepit ti Saimon te ti ehises him yaaim ap te menmen mamiwaankem. Maain te ti pike eweikin ehisisa, ti ekaap nit yinan in.”

³³Pita katip keremiriwek him kar ik: “Mitik Iuwe, hi ap hinaain te hawir wauno winak enuk hi hahi etikewit.” ³⁴Jisas ketpiwek, “Pita, hi hetput. Suware ap te kaknep enum wen au ere ti epei atip wikak te ti ap erteiya au.”

Jisas katip disaipel hir naanmamre hiras enintar wi enum epei man

³⁵^rJisas katip Pita epei au, hirak katip disaipel nirak yapirwe kar ik: “Nipaa me wi hi heriuweti yi yen ap yeit tanik kike o tanik iuwe me nikin nakirke metike su, mit neweti menmen mei o au? Yi ninpi miwei o au?” Hir newenhi natip, “Haiu meit menmen werek.” ³⁶^sJisas katip, “Te in ek,

^l 22:24 Lu 9:46 ^m 22:25 Mt 20:25-27; Mk 10:42-45 ⁿ 22:26 Mt 23:11; Mk 9:35

^o 22:27 Jo 13:12-15 ^p 22:29 Lu 12:32 ^q 22:30 Mt 19:28 ^r 22:35 Lu 9:3, 10:4

^s 22:36 Lu 22:49

yi neimin yeit tanik kike o tanik iuwe au, yi eitiwem. Yi neimin ap yeit hine me his au en, yi eisiuwe saket te yi eyit kei ki. ³⁷Hi hetpiyem entar yi han tokik eyu me menmen enum mamnen eyir ke mitik ketenen hine keyik kaknep mit enun nepan. Him me God mau tiwei nipaa mit newisim hiram matip me hi mar ik: 'Mit iuwe nanwisik kaki kaktike mit enun niriak enum.' Menmen mekre tiwei nipaa mit newisim me hi, hiram mamnen mamirek." ³⁸Hirak katip epei au, mit disaipel natip, "Mitik luwe, ehir im em. Haiu metenen hine me his wik." Hirak kewenhi katip, "Hiram werék. Emit. Yi yepitari him mai."

Jisas prea kitehi God menmen keit miniu o neiyip niuk mirak wit Oliv
(Mt 26:36-46; Mk 14:32-42)

³⁹Hir natip epei au, Jisas ken witeik kinaaiwir wit Jerusalem, hirak ken miniu (o neiyip) Oliv kepir ke nipaa hirak kiriakem. Mit disaipel nirak nisesik nen. ⁴⁰Hirak kan wit ik epei au, hirak ketpor, "Yi eyitehi God te menmen enum Seten kakrekoyorem hiram ap te mamnen mamiwep taau." ⁴¹Hirak ketpor epei au, hirak kinaiwiri ken ere yanimin ein kire mit newir nan, hirak kewen ninip kau ti kitehi God menmen. ⁴²Hirak katip, "Haai, ti han kit te ti ehit menmen im enum emkeipno. Ap han kai, au. Ti han kit ti eriakem." ⁴³[Mitik ensel keke wit ke God kan kirek kekepik han tokik kepu.] ⁴⁴Jisas han toenuk keriuwe menmen te hirak kitehi God hisiuwe, siuwan mirak meweikinhis mire hemkre metnen men ti.

⁴⁵Hirak kitehi God epei au, hirak kekrit pike kakno kakir mit disaipel tirak. Au, hirakit tiwaa tentar hirakit han enuk teriuwe menmen enum mamnen. ⁴⁶Hirak kitorhi ketpor, "Yenmak te yi yiwaa a? Yi eyikrit eyitehi God ekikepi te Seten ap kakrekyi enum taau."

Mit nan neithis Jisas
(Mt 26:47-56; Mk 14:43-50; Jo 18:3-12)

⁴⁷Jisas wen ketpor menmen im, mitik niuk mirak Judas kerek mitik kiutip ke mit disaipel hiswiyen wik (12), hirak kinin mit yapirwe kan kerp ninaan me Jisas te keyewewik kemiwek tekep (kises menmen me maamrer nir.) ⁴⁸Te Jisas ketpiwek, "Ti eriuwe menmen im me hawir weiyewewakit hiram mire hawir hirekses te ti ewisa hi Mitik ke wit ke Mitik luwe hi eno his me mit enun nepan a?"

⁴⁹"Mit disaipel kerek nerp en netikerek nertei menmen mamnen hir nitiwekhi, "Mitik luwe, haiu emnep mit mamriuwe hine me his maiu o au?" ⁵⁰Mitik disaipel kiutip kiwaa hine ke his kenep mitik kiriak menmen

¹ 22:37 Ais 53:12; Lu 22:52 ² 22:39 Lu 21:37; Jo 18:1 ³ 22:42 Mt 6:10 ⁴ 22:49 Lu 22:36

me mitik iuwe pris, hirak keremir nikip me his yaaim mewen meket. ⁵¹ Au, Jisas katip keremiror him kar ik: “Epei au werek. Eiwisik.” Hirak keit nikip pike kemtin mau paan kirak epei werek te mitik kire yaaik.

⁵² ^x Jisas kerekyiwekem mire yaaim, hirak kitehi mit iuwe pris netike mit naanmipre polis kerek naanmire winak iuwe ke God, hir netike mit iuwe ne kaunsil, hir nan nantiwekhis, hirak ketpor, “Yi yenmak te yi yan yetike hine me his o paap yoki te yi yan yetauhis yaire yi yayithis mitik enuk kerek kekintip menmen a? ⁵³ ^y Hekrit hekrit hi epeu etikewi hi heit winak ke God eik ek, te yi ap eitauhis eiwisa ekre winak enuk ke gavman au. Te in ek hiram wi mi te yi yairiak menmen enum. Seten in ek kare kakinina.”

Pita kepakin Jisas katip kisesik au

(Mt 26:57-58, 69-75; Mk 14:53-54, 66-72; Jo 18:12-18, 25-27)

⁵⁴ ^z Hirak katip epei au, hir netiwekhis neriyaak neiyik nen nekre winak ke mitik iuwe hetpris. Pita kisesi wen keit yanimin. ⁵⁵ Hir mit ne polis niman si nau menep ke winak iuwe eik ek. Epei au, mit nererik nau si, Pita kan kau ketikeri. ⁵⁶ ^a Hirak kau ketikeri, mite piutip wirek kau si em, hire wenemiyiwek naan watip, “Hirak mitik ik ek ketike Jisas.” ⁵⁷ Hirak keremiriwe him kepakinek katip, “Mite hi epitariyek.” ⁵⁸ Maain kike, mitik hak kirek te hirak ketpiwek, “Ti kiutip ke mit yi yisesik.” Te Pita keremiriwek him katip, “Mitik hi ap hisesik taau.” ⁵⁹ Maain kike, mitik hak katip him manp, “Hi atip werek! Mitik ik nipaa ketikerek kentar hirak katip kire mitik ke provins Galili, kar ke Jisas ketpim.” ⁶⁰ Au, Pita keremiriwek him katip, “Mitik, hi epitari mekam ti etpewem.” Pita wen ketpim, suware kenep enum. ⁶¹ ^b Suware kenep enum, Jisas kerenaan kir Pita. Pita hirak keket han nipaa Jisas ketpiwek me him im, “Suware ap kaknep enum wen au, ti eraupakin wikak.” ⁶² Hirak han kitet menmen im te hirak ken wit eik kikit wisenum.

Mit nitetnaan Jisas nakip

(Mt 26:67-68; Mk 14:65)

⁶³⁻⁶⁴ Mit kerek naanmire Jisas hir nititiweknaan nakip. Hir newenkikiwek nanamir neriuwe laplap nitiwekhi, “Keimin kitep a? Ti profet ti ewepyapirek.” ⁶⁵ Hir netpiwek him enum me niriakek yink enuk.

Jisas kewepyapir hirekes keit kaunsil

(Mt 26:59-66; Mk 14:55-64; Jo 18:19-24)

⁶⁶ Wanewik epei kan, mit iuwe naanmipre mit ne Isrel, hir netike mit iuwe naanmipre mit pris, hir netike mit ninin nertei him me Moses natip

^x 22:52 Lu 22:37 ^y 22:53 Jo 7:30, 8:20; Kl 1:13 ^z 22:54 Sam 31:11; Lu 22:33

^a 22:56 Ap 4:13 ^b 22:61 Lu 22:34

mit miyapir em, hir nererik nau winak ke kaunsil te hir nari Jisas kan kerp nimin. ⁶⁷Hirak kan kerp nimin, hir nitiwekhi, “Ti hetpei ti Mitik kerek God kehimitenut kakirwetit ti enen ti ik o au?” Hirak ketpor, “Hi hetpi te yi ap yisisa him mai taau. ⁶⁸Hi ehithi menmen te yi ap yayitpowem taau. ⁶⁹In ek ere maain hi Mitik ke wit ke Mitik Iuwe ehu etike God iuwe wawinin naanmamre mit.” ⁷⁰Hir yapirwe nitiwekhi, “Ti atip ti Nikan ke God a?” Hirak kewenhi katip, “Hi Nikan ke God hepir yi yetpim.” ⁷¹Hir natipan, “Haiu ap mamri mit han te nanwepyapir him enum nipaa hirak ketpim taau. Haiu epei memtau menmen enum hirak in ek ketpim.”

Hir nesiuwe him Jisas kerp ninaan me mitik iuwe Pailat

(Mt 27:1-2, 11-14; Mk 15:1-5; Jo 18:28-38)

23 ¹Mit ne kaunsil nemtau him me Jisas epei au, mit yapirwe nekrit nari Jisas neiyik nen mitik iuwe gavman Pailat. ²In ek hir newepyapirek natip, “Haiu minapen mitik ik ek hirak kariyeinaan mit nau ne Isrel, hirak ketpor ap emwetir pewek me takis emno mit ne gavman ke Rom, hirak katip hirak hirekes Krais, hirak Mitik Iuwe kinin mit.” ³Pailat kitiwekhi, “Ti Mitik Iuwe king hinin naanmipre mit ne Isrel a?” Jisas kewenhi katip, “Ti hirekes hetpim me hi kerekek.” ⁴Epei au, Pailat keweikin katip mit iuwe pris netike mit yapirwe, “Hi ap hertei menmen enum hirak kiriakem te hi atip hirak enuk. Au, hirak yaaik.” ⁵Te hir newep him natip him iuwe, “Hirak hirekes kiriak mit han kekrit kekrit neriuwe him hirak ketporem. Hirak kinin kiriakem keit provins Galili, ken kerer wit wit ke provins Judia te in ek hirak epei kan Jerusalem.”

Hir newepyapir Jisas nerp ninaan me mitik iuwe gavman Herot

⁶Mitik Pailat kemtau him mir im hirak kitorhi, “Hirak mitik ik ek ke Galili a?” Hir netpiwek, “O, hirak hirekes ke Galili.” ⁷Hirak kertei Jisas hirak ke mit kerek Herot naanmipror neit provins Galili, hirak keriuwetek ken kirek. Me wi im, Herot kan kau wit Jerusalem me wi kike keremem.

⁸Mitik Herot hirak han yaaik kakir Jisas kentar hirak epei kemtau menmen me Jisas. Te hirak nipaa kemeriyiwek kaktip kakirek. Hirak hanhan kakir Jisas kakriak menmen mit nipaa nirem au kakikaap mit kakriuwere. ⁹Te Herot kitehi Jisas yapirwe, te Jisas ap kewenhi katip him mei miutip au. ¹⁰Te mit iuwe ne pris netike mit newepyapir him me Moses nekrit nerp natip him manp nesiuwe him Jisas. ¹¹Hir nerp nesiuwe him Jisas, mitik Herot ketike mit nirak ne ami natip Jisas enum, nitetiweknaan nerekyiwek enum. Hir nemriwek laplap yaaim kerek mit

^c 22:67 Jo 10:24, 3:12, 8:45 ^d 22:69 Ap 7:56 ^e 22:70 Lu 4:3, 9 ^f 23:2 Lu 20:25

^g 23:3 1Ti 6:13 ^h 23:7 Lu 3:1 ⁱ 23:8 Lu 9:9

iuwe namir te hir pike neriuwetek ken kakir mitik Pailat. ¹²Me wi im keremem Herot ketike Pailat tekiyakit tau tentar Pailat keriuwet Jisas ken kirek. Hirakit nipaa tire mitikit enukit tepan.

Mitik Pailat katip mit nanwis nil emu his me Jisas

(Mt 27:15-26; Mk 15:6-15; Jo 18:39–19:16)

¹³Mitik Pailat kenine mit iuwe ne pris, mit iuwe ne kaunsil netike mit yapirwe, ¹⁴te hirak ketpor, “Yi epei yari mitik ik ek yeiyik yan, yi yatip hirak kari han ke mit In ek, hi epei hitiwekhi me ninaan me yi mit yapirwe, te hi ap hinapin hirak kiriak menmen enum kerek yi yetpewem em au. ¹⁵Herot kinapinek te hirak kiriak enum au. Te hirak kesiuwerek kan in. Mitik ik ap kiriak menmei enum te hirak kaki au. ¹⁶Hi atip mit nai nantenenik nanwaai nipin nankip te hi esiuwerek kakno.” ¹⁷(Me wi Pasova mitik Pailat kinaaiwir mitik kiutip kerek nipaa kau kekre winak enuk ek, hirak kakno mit neitei en.)

¹⁸Mit yapirwe nererik en natip, “Einep Jisas. Enaaiwir mitik Barabas eknen ektike haiu mit, har ke nipaa me wi Pasova ti hinaaiwir mit han.” ¹⁹(Barabas nipaa hir newisik kekre winak enuk me menmen enum hirak kiriakem. Hirak ketike mit iuwe ne gavman nenepan te hirak kenep mitik kaa.) ²⁰Mitik Pailat hanhan kaknaaiwir Jisas kakno, te hirak pike kenine mit yapirwe ketpor kar nipaa hirak ketpim. ²¹Te hir ninap natip, “Ewisik eku nu tentarakit! Ewisik eku nu tentarakit!” ²²Mitik Pailat pike ketpor ere wikak kar ik: “Te hirak kiriak mekam enum te hi akip a? Hi ap hinapin menmen enum hirak kiriakem te hi akip hirak eki! Hi hanhan mit nai nantenenik nanwaai nipin nankip te hi esiuwerek kakno!” ²³Te hir ninap nenke natip him iuwe te hirak akwenkek Jisas ekintar nu tentarakit. Hir ninap narek ere Pailat kises him mir. ²⁴Te Pailat katip Jisas kaki kakre mit hanhanek. ²⁵Hirak kinaaiwir mitik kerek hir hanhanek, kerek nipaa kekre winak enuk kentar hirak ketike mit ne gavman nenepan, hirak kenep mitik kaa. Te hirak kesiuwe Jisas ken kaki kar ke mit hanhanek.

Mit newenkek Jisas kau nu tentarakit

(Mt 27:32-44; Mk 15:21-32; Jo 19:17-27)

²⁶Mit ne ami ne Rom hir neithis Jisas neiyik nen. Hir nepno, hir newenyipir mitik niuk mirak Saimon, hirak ke wit Sairini, kerek kan keke wit kirak yanimin. Hir netiwekhis newis nu kenterik hirak kekerir nu keiyik kises Jisas. ²⁷Mit yapirwe nisesik netike miyapir nei kerek nikitek netikeri nen. ²⁸Hir nikitek te Jisas keweikin ketpor, “Miyapir ne Jerusalem. Yi ap eiyikta au emit! Yi eikit hiras eitike nikerek ni eiyintar mit nanriwaank. ²⁹^jHi hatip him im te wi maain mamnen te mit nantip,

^j 23:29 Lu 21:23

‘Hiram yaaim me miyapir tenmin,
o miyapir kerek ap nine nikerek en,
o miyapir ap newet nikerek nim,
hir han yaaik enu.’ ³⁰ ^kMe wi eim mit nantip hir hanhan miniu
(o neiyip) o wank kakwen kakinteri. ³¹ ^lHir mit ne Rom
neiyep te hi hiriak menmen enum au, te maain hir nanrekyi
mekam me menmen enum mit in niriakem? Hir nanriwaank
yayit.”

³² Hir neithis mitikit hakit wik, hirakit enukit tiriak menmen
enum tenep mit, naniksip tatkite Jisas. ³³ Hir epei nan menep
wit kerek mit nenewek “Paan Hesnu,” hir newenkekik kau nu
tentarakit, te mitikit enukit raskel, hak kau kenke ken his yaaim,
hak kau kenke ken his henkik. ³⁴ ^mJisas kau kentar nu tentarakit,
hirak katip, “Haai, ti han ekitet menmen im au emit! Ehisak
menmen enum hir nerekyewem. Hir ap nertei hi keimin te hir
nerekyewem.” Hir mit ne ami nenke laplap newetan nentar hir
neretit satu o sak hemik. ³⁵ ⁿMit yapirwe nerp en nipirek, te
mit iuwe ne kaunsil ne Isrel natip Jisas enum hir natip, “Hirak
kikaap mit miyapir han te hirak Mitik God nipaa kehimitanek
kakikaap haiu mit, emwisik hirak ekikaap hirekes kakinke kakirp
ti te hirak kaki au.” ³⁶ ^oTe mit ne ami nan nirek netpiwek enum,
te hir newen tipar wain enum minin hir newetiwekem. ³⁷ Hir
newetiwekem hir netpiwek, “Ti mitik iuwe naanmipre mit ne Isrel
te ti ahikaap hirekes enke nu ik ehrip ti.” ³⁸ Hir netpim nentar
mitik iuwe ke gavman kewis him im mau nu tentarakit mau niu
mentar paan ke Jisas. Hiram matip mar im: “HIRAK MITIK IUWE
KING NAANMIPRE MIT NE ISREL.”

³⁹ Mitik ke mitikit hakit kerek epei newenkekikit tau nu
tentarakit tetike Jisas Tatip enum kar ik: “Ti Mitik Iuwe Krais,
te ti ekepawir wautikewit.” ⁴⁰ Te mitik hak ek kemtewek, hirak
katip kenerek, “Hawir menmen enum wetikerek mipiram, te ti
enapen atip enum te maain haiu mami God kakwep wisenum a?
⁴¹ Menmen im enum mit nerekyawirem me menmen enum hawir
wiriakem te hawir wawi wawinterim, hiram werék. Mitik ik
ek au, kaki weinim kakintar hirak ap kiriak menmen enum au,
menmen yaaim.” ⁴² ^pTe hirak katip Jisas, “Ti han etwenina Jisas,
maain me wi ti naanmamre mit.” ⁴³ Jisas ketpiwek, “Hi hetput
im e. Petepin ti etikewa ehu wit yaaik kerek mit yaain epei naa,
himin kir kewi.”

^k 23:30 Hos 10:8; Rev 6:16 ^l 23:31 1Pi 4:17 ^m 23:34 Ais 53:12; Mt 5:44; Ap 7:60; Sam
22:18 ⁿ 23:35 Sam 22:7-8 ^o 23:36 Sam 69:21 ^p 23:42 Mt 16:28

Jisas epei kaa

(Mt 27:45-56; Mk 15:33-41; Jo 19:28-30)

44^qIn ek hirak wepni kau nimin iuwe, te God kenip wepni kaa ap te kir au, te witaan miwapin ti ik merer wit wit ere wepni kewen ken hinkewi ik e. 45^rWepni wen ap kir te wit toto, laplap kerek nipaa mit nimian mekre winak iuwe ke God ek miwapin haau hak holi tru mit nehimitanek ke God, hiram mewep wiketerem. Mar im God keteikin mit Jisas kaa kakinke weipir te mit hekrit hekrit nanitehi God nanit ninaan mirak.

46^sMenmen im man epei au, Jisas kinap kenine him iuwe, “Haai, hi esiuwe himin kai kaknawir yink kai te hi hahi.” Hirak katip epei au, hirak kaa.

47^tTe mitik iuwe naanmipre mit han nar 100 ne ami, hirak kir menmen im Jisas kiriakem, hirak kewenipi God katip, “Hi hertei hirak mitik yaaik kiriak menmen enum au.”

48^uMit yapirwe kerek nererik nerp ein e nir menmen im, hir pike nen nir ein newen toni nikitek.

49^vHir neimin kerek nertei Jisas werek werek netike miyapir kerek nises Jisas neit Galili, hir nerp yanimin nir menmen me Jisas kaa.

Mit newis Jisas kekre hei iuwe kewen kinik keit miniu (o neiyip)

(Mt 27:57-61; Mk 15:42-47; Jo 19:38-42)

50-51^wMitik hak niuk mirak Josep, hirak ke wit Arimatia kerek wit kiutip ke Isrel. Hirak mitik yaaik katip menmen yaaim werek werek, kemerir God kaknen naanmamre mit. Hirak mitik kiutip ke mit ne kaunsil te hirak ap han yaaik keriuweri me menmen enum hir natip nanriak Jisas em. 52^xHirak ken winak ke mitik iuwe Pailat kitiwekhi ekwetiwek yink ke Jisas kerek epei kaa. Hirak kewenhi epei au, 53^yte Josep kesiupan herwe yink ke Jisas kau nu tentarakit ken ti. Hirak kewenkekik keriuwe laplap yaaim meweiwei, te hirak kinanek keiyik ken kewisik kinik han nipaa mit nekinik kekre nan ke miniu (o neiyip) kerek nipaa ap mit newis nei nekrerek wen au. 54^zHiram me wi Fraide kerek mit hir nemani nekre menmen, te wi Sabat epei mamikrit. 55^{aa}Te miyapir kerek nipaa nises Jisas neke Galili nan, hir netike Josep nen nir hirak kewis Jisas yink kirak kekre hei ke miniu (o neiyip) markeik. 56^{ab}Epei au, hir pike nen wit eik niriak menmen minin yaaim te neiyim naninen nanwisim mamu yink kirak te hirak ap kaknin waswas au. Epei au, hir nau neit nar ke him me Moses mau tiwei metpim ere wi Sabat hiram epei au.

^q 23:44 Emo 8:9 ^r 23:45 Eks 26:31-33, 36:35 ^s 23:46 Sam 31:5; Ap 7:59 ^t 23:48 Lu 18:13 ^u 23:49 Sam 38:11, 88:8; Lu 8:2-3 ^v 23:51 Lu 2:25, 38 ^w 23:55 Lu 23:49
^x 23:56 Eks 12:16, 20:10; Diu 5:14

Jisas pike kekrit

(Mt 28:1-10; Mk 16:1-8; Jo 20:1-10)

24 ¹Wi Sande, wanewik kesiupan toto eik, miyapir nen hei kerek han kewen kinik nipaa mit newis Jisas kekerek, hir neit menmen yaaim minin te nanwisim mamu Jisas yink kirak kerek nipaa hir niriakem. ²Hir nen nir nan kerek keiyepet him ke hei ek mit nepei nenkerek kenpin kekeipin him ke weipir ke hei. ³Hir ninik nen nimin, te hir ninetniwek ap ninapin yink ke Jisas kekre hei kiwaai au. ⁴Hir nerp en han kitet me menmen im, te wasenum mitikit wik teriuwet laplap mire hike terp menep tetikeri. ⁵Hir miyapir ninapen wisenum te hir nitehir newen ninip nau ti te mitikit hirakit tetpor, “Yenmak te yi yan yinyatin mitik pike kekrit kepu yeit wit ke mit hir epei naa newisi neitai a? ⁶Hirak ap keit in au. Hirak epei kekrit. Yi han ekitet menmen nipaa hirak ketpiyem me wi hirak wen kepu provins Galili. Hirak katip kar ik: ⁷“Hi Mitik ke wit ke Mitik Iuwe, mit han nanwisa hi eno his me mit enun nises menmen enum te hir nanwenkika hahu nu tentarakit hi hahi. Te maain hi pike ahikrit ehu are mitik me wi wikak.”

⁸Hirakit tatip epei au, miyapir han kitet menmen me him nipaa hirak ketpim, ⁹⁻¹⁰^bte hir ninaaiwir herwe hei pike nen. Mite kerep ep niuk mire Maria pe Magdala, Joana wetike Maria miye pe Jems, hir netike miyapir han natip him im men mit aposel nar hiswiyen kiutip (11) netike mit han, hir netpor menmen hir epei nirem. ¹¹Te mit aposel natip nekre han kir menmen miyapir netpim hir nemipin, te hir ap nemtewem nisesim au. ¹²Te mitik Pita kekrit kesiukin ken hei kerek nipaa mit newis Jisas keitai. Hirak ken en, hirak kitehir kir laplap weinim. Hirak ap kir menmeiyam au, te hirak pike ken wit eik han kitet menmen epei man.

Mitikit wiketeret tir Jisas teit yayiwe ken Emeas

(Mk 16:12-13)

¹³Me wi kerek Pita kir hei weinik keremem, mitikit wiketeret ten wit hak kiutip mit nenewek Emeas. Hirak yanimin kike kire 11 kilomita ke Jerusalem. ¹⁴Te hirakit teke ti tatipakit me menmen epei man keremem. ¹⁵^cHirakit wen tetpim han kitetim, Jisas hirekes kisesikit kan kewenyipiret. ¹⁶Hirakit tirek te hirakit ap terteyek hirak keimin kentar hirak kenipiwekit han kirakit ap terteyek au.

¹⁷Jisas ketpiwekit, “Yi yewepnak yatip mekam yi yeke ti yepno?” Te hirakit terp teit tenep naan mekiuwe. ¹⁸Mitik hak niuk mirak Kliopas kitiwekhi, “Mit miyapir yapirwe nerer wit wit han nererik

^y 24:4 Ap 1:10 ^z 24:5 Lu 2:9 ^a 24:7 Lu 9:22, 17:25 ^b 24:10 Lu 8:2-3 ^c 24:15 Mt 18:20, 24:19; Mt 21:11

neit Jerusalem me wi im. Te ti kiutip kerekek ap hertei menmen im nipaaseik epei man a?" ¹⁹ Jisas kitiwekhi, "Mekam epei man?"

Hirakit tetpiwek tar ik: "Menmen epei man mewaank Jisas ke wit Nasaret. Mitik ik hirak profet, hirak kiriak menmen nipaa mit ap te niriakem. Hirak mitik yaaik kewepyapir him yaaim, te God ketike mit han kitet hirak yaaik iuwe. ²⁰ Mit nau iuwe ne pris netike mit iuwe ne kaunsil newisik ken gavman te hir newenkekik kentar nu tentarakit hirak kaa. ²¹ ^dTe haiu hanhan hirak kiutip kerekek kakikepai haiu mit miyapir ne Isrel kaktaihis keriyen. In ek hiram wi wikak menmen im nepei man. Menmen im epei man metike menmen ham im. ²² ^eMiyapir han nau nerekyei haiu han kekrit. Wanewik hir nen nanir hei kerek mit newisik kiwaaari en. ²³ Te hir ap ninapin yink kirak au. Hir pike nan natip hir nau nityak nir mitikit ensel tetpor, 'Hirak epei kekrit kire mitik.' ²⁴ ^fHir natip epei au, mit han ne haiu mit nen nir hei kerek mit newisik kekrekek mepir ke miyapir netpim te hir ap ninapinek au."

²⁵ ^gTe Jisas keneret ketpiwekit, "Yi han auri. Yenmak te yi ap yises menmen yapirwe profet netpim a? ²⁶ ^hMekam? Yi ap yertei Kraiskerek God kehimitanek kaknen kakikaap mit, hirak ekinin eki pike kakikrit te maain hirak kakit niuk iuwe me God a?" ²⁷ ⁱTe Jisas ketpiwekitem werek werek menmen tiwei me God metpim me hirekes. Hirak kekrit keit tiwei Moses kewisim, hirak kewepwekityapir him ere hirak ketpor him mit profet netpim newisim mau tiwei me hirekes.

²⁸ Hirakit tan menep ke wit kerek hirakit tatnori, te Jisas kempin kare kakno yanimin. ²⁹ Te hirakit tewenek kerp tetpiwek, "Ehu etikewawir (o etikawir). Wepni epei kakwen kakno witaan." Te hirak ken kau ketikeret. ³⁰ ^jJisas kau ketikeret tatim menmen. Hirak kekin bret katip God hirak yaaik, te hirak kewepik kewetiwekitek. ³¹ Hirak kikiak han kirakit hirakit terteyek, te hirak keweikin his kire nime keit, hirakit ap tirek au. ³² Hirakit tatipakit, "Han kawir kekrit kerek hirak ketpawir witet yayiwe ketpawir werek werek him me God mau tiwei."

³³ Hirakit tatipakit epei au, hirakit tekrit wasenum pike ten Jerusalem. Hirakit tir mit disaipel hiswiyen kiutip (11) nererik netike mit han. ³⁴ ^kTe hir netpiwekit nar ik: "Haiu metpi werek. Mitik Iuwe pike kekrit kepu. Saimon epei kirek kepu." ³⁵ Te mitikit wiketeret tetpor menmen werek werek kerek epei man meit yayiwe eik. Hirakit tetpor markeik hirakit tertei Jisas kewep bret kewetiwekitek.

^d 24:21 Lu 1:68, 2:38, 19:11; Ap 1:6 ^e 24:22 Lu 24:1-11 ^f 24:24 Jo 20:3-10 ^g 24:25 Lu 24:44 ^h 24:26 Lu 9:22; Ap 3:13, 17:3; Jo 13:31 ⁱ 24:27 Diu 18:15; Sam 22:1-21; Ais 53
^j 24:30 Lu 22:19 ^k 24:34 1Ko 15:4-5

Hir mit disaipel nir Jisas

(Mt 28:16-20; Mk 16:14-18; Jo 20:19-23; Ap 1:6-8)

³⁶ Hirakit wen tetpor him im, wasenum Jisas hirekes kerp ketikeri ketpor, “Yi eiyu werek werek.” ³⁷ Te hir ninapen nepirpir nentar hir han kitet hir nir herwe. ³⁸ Te hirak ketpor, “Yenmak te yi han toenuk a? Yenmak te yi han kiteta hi herwe a? ³⁹ Eiyir pap me hei mau his hit mai. Hi hirekes kerek ek. Eirirauhis, te yi eiyirtei hi hirekes. Herwe ap te naan o hemik kewik kar ke epei yi yira auye!” ⁴⁰ Jisas ketpor him im epei au, hirak keteiknor his hit mirak. ⁴¹ Hir ap te nanisesim nentar hir han yaaik wisenuk te hirak kitorhi, “Yi yeit menmen mei te yi yeweto mei ehim o au?” ⁴² Hir newetiwek sauk hak kiutip kerek epei si taak. ⁴³⁻⁴⁴ Hirak kekinik kaak, hir nirek. Hirak kaak epei au, hirak ketpor, “Menmen im nipaa hi epei hetpiyem kerek hi wen hepu hetikewi hiram im: ‘Menmen yapirwe kerek nipaa Moses ketike mit profet hir newisim mau tiwei metike him mau tiwei Sam hiram mamnen.’” ⁴⁵ Epei au, hirak kerekyor han kir kewep te hir nanirtei him me God mau tiwei werek werek. ⁴⁶ Te hirak ketpor, “Im em hiram him nipaa mit newisim mau tiwei: ‘Mitik God kehimitanek Mitik Iuwe Kraisi eki te pike kakikrit me wi wikak.’” ⁴⁷ Yi mit nai yeit wit Jerusalem yi yaino yairer wit wit yaitip mit miyapir him yaaim te hir nanweikin sip nanwet menmen enum God kakisak menmen enum mir kakintar menmen hi hiriakem. ⁴⁸⁻⁴⁹ Yi epei yir menmen im te yi yaiwepyapirem. Hi hirekes eriuweti menmen nipaa Haai kai katip hirak kaksuwerek kaknen, te yi wen eiyu wit iuwe ik ek eimerir menmen iuwe me wit ke God mamikiuwe mamnen mamwi.”

God kari Jisas kiniu ken wit kirak

(Mk 16:19-20; Ap 1:9-12)

⁵⁰ Jisas katip epei au, hirak keriyei nen ninaaiwir wit Jerusalem, hir nen wit Betani. In ek hirak kikiyam his mirak kitehi God naanmamror. ⁵¹ Jisas wen kitehi God naanmamror, hirak ken kinaiwiri kiniu ken wit ke God. ⁵² Epei au, hir newenipiyek. Hir wen newenipiyek hir pike nepno wit Jerusalem han yaaik iuwe. ⁵³ Hekrit hekrit hir nen winak iuwe ke God newenipiyek.

Mepir keremem

¹ 24:36 1Ko 15:5 ^m 24:37 Mt 14:26 ⁿ 24:41 Jo 21:5 ^o 24:44 Lu 18:31, 24:27

^p 24:46 Ais 53; Hos 6:2 ^q 24:47 1Ti 3:16 ^r 24:48 Jo 15:27; Ap 1:8 ^s 24:49 Jo 14:16, 15:26, 16:7; Ap 1:4 ^t 24:52 Jo 14:28, 16:22